



32101 068185865



3495
.92
394

Library of
Princeton University.



Germanic
Seminary.

Presented by
The Class of 1891.



OTTO HARRASOWITZ
BUCHHANDLUNG-ARTIG.
LEIPZIG

Karl
Wilhelm v. Württemberg
E i n l a d u n g

zur

akademischen Feier des Geburtstages

Seiner Majestät

W i l h e l m s

K ö n i g s v o n W ü r t t e m b e r g

auf den 27 September 1853

im Namen

des Rectors und akademischen Senats

der königlichen Eberhard - Karls - Universität zu Tübingen.

Beigefügt ist das dritte Buch von Balther von Rheinau Marienleben,
herausgegeben von dem ordentlichen Professor an der philosophischen Facultät
Dr. Keller.

T ü b i n g e n ,

gedruckt bei Ludwig Friedrich Bred.

1853.

hier 1

Unsere Hochschule wird am bevorstehenden Geburtstage Seiner Majestät, unseres allergnädigsten Königs und Herrn, ihren Festsaal öffnen, um in Gemeinschaft mit dem ganzen Vaterlande und freudig eingedenk der Dankeschuld, welche ihr gegen den allverehrten Monarchen in besonders hohem Maasse obliegt, den schönen Tag nach ihrer Weise zu feiern.

Sie ladet daher ihre sämmtlichen Mitglieder, Gönner und Freunde auf den 27. September, Vormittags nach dem öffentlichen Gottesdienst, zur Theilnahme an der akademischen Feier in die Aula gegiehemst ein.

Die Festrede wird halten

Dr Palmer,
ordentlicher Professor der evangelischen Theologie,

**über die Lehre der heiligen Schrift von der
obrigkeitlichen Gewalt.**

MAY 7 1883
Bibl. Mus. Ha. v. 1. 01 + 20. 1. 1. x

(RECAP)
3495
92
33+

VON DER MEGDE MARIEN LEBENNE

VON

Walther von Rheinan.

Drittes Buch.

Herausgegeben

VON

Adelbert Keller.

[125^b] *Diz ist daz vorgewerbe des drit-
ten buoches von der megde Marien
lebenne.*

Lūcas unde Marcus
50 Unt der heilic Mathēus
Dis drie herren wunder
Ir ieclicher sunder
Von Jēsu Kristes getāt
Geschriben unt gesaget hāt
55 Unt hānt doch manic wunder
Verswigen hierunder,
[126] Diu Jēsus Christus begienc,
Für daz er zeichnen anvienc,
Unt wærin ouch alsô beliben,
Hēte si nit geschriben
5 Johannes ēwangelist,
Der Zēbedēus sun ist,
Der sich dar ūf erbeite
Unt sinen fliz leite
Nāch Jēsus tōde manic jār,
10 Wie er sinu zeichen gar
Sô verre, sô im tōhte,
Zesemen bringen mōhte.
Daz erste zeichen mūeste sin,
Daz er ūz wazzer machte win,
15 Daz ander, daz er hiez ūf stān
Lazarum den tōten man
Von dem grabe, als ich ez las,
In dem er drie tage was.
Disiu zwei zeichen sunderlich
20 Und endriu disen gelich

Wæren ungeseit beliben,
Hete si Johannes nit geschriben.
Doch vinden wir geschriben nū
Manic zeichen von Jēsu,
25 Von dien diu ēwangēlja wort
Sagent weder hie noch dort.
Als ist daz zeichen, daz wir hān
Von dem heiligen man
Dem bishove Eusebiô,
30 Der seit unt schribet alsô
Am nærebuoche der kristenheit
Von dem kûnege gemeit
[126^b] Abgarô, der gwallic was
Der stat Èdisse, als ichz las,
35 Daz der an einem brieve embôt
Jēsu umb sinr siechhelte nôt,
Unt schreib im Jēsus Christus sider
Einen andren brief hinwider.
Waz aber stûende dar an,
40 Daz wirt uns hie nāch kunt getān.
Ouch liset man daz anderswā,
Daz dien von Corinthiā
Schribet sante Paulus,
Daz nāch sinr urstende Jēsus
45 Sante Jācobe allein
In menschlichem bilde erschein.
Hie nāch liez er sich aber sehen,
Als uns Paulus hāt verjehen,
Bruder vūnf hundert,
50 Sament, nit gesundert,
Als er ein mensche wære.
Dis iūt hāt für gewære

Diu heilige kristenheit,
Swiez kein ewangeliste seit;
55 unt dāvon getriuwe ich,
Daz got hazze nit an mich,
Unt hān baz gedinge,
Daz ez mir lōn bringe,
Ob von mir iht wūde gescit
60 Von Jēsu Kristes werdekeit,
Unt sich ze sime lobe zūge.
Unt doch wære nit ein lūge;
[127] Wan ich hie sage keine tāt,
Wan diu vor mir geschriben stāt
An dien bewarten buochen,
Dā ich si muoste suochen.
65 Ouch sū bīte ich alle, diu
Sin gelēret, swaz si hie
Ungewāres vīnden,
Daz si daz widerwinden
Unt ze rehte welfen staben
70 Alder von dem buoche schaben
Ald verbrennen ez gar,
Sō hāt der nidere schar
Ze nide kein ursuoche
Gegen disem buoche,
75 Wan icklichem ist der gewalt
Diz buoch ze rihtenne bezalt
Und, ob er wil, daz er dar abe
Sinen valsch genōte schabe.

*Hie hāt daz vorgewerbe ein ende
unt vāhet an daz dritte buoch von
der reinen megde Marien lebenne
unt von dien werken ir sunes Jēsu
Christi.*

Dō Jēsus hāte erwūlet gar
80 Sins alters niun unt zwēnzic jār

Und āf drizic jār was komen,
Dō wart offentlich vernomen,
Daz Zacharies sun Johan
In der wūeste began
[127] Bredjen offentliche
Gotes himelriche,
Unt loufte in dem Jordān
Von dien Juden mangan man
Mit der riuwe toufe.
85 Als was sins toufes loufe.
Er schiuhte die wollust
Der wēden welte und ir gelust,
Unt dur ir unreine wōlt
Wōnte ez in der einc.
90 Nū kam ze disem guoten man
Jēsus Christus gegān
Unt wolte von dem werden
Getouft als ander werden.
Unt dō Johannes gesach,
95 Waz Jēsus meinde, zim er sprach:
Kumst dū her durch touf ze mir
Und ich soldo von dir
Vil billicher den touf empfān
Und alsō reinunge hān?
100 Dō wart im geentwūrt von Jēsu:
Johannes friunt, verhenge es nū!
Uns beiden zimi inebensleht,
Daz wir erwūllen daz reht,
Unt wir behaltē diu gebōt,
105 Diu gebōt unt sasto got.

*Daz der Jordān stille stuont die wile
dō Jēsus in im getoufet wart. Thēo-
philus der wāren mære schriber.*

Man saget, daz der Jordān
[128] Hēte sinen fluz verlān

Unde daz er stüende stille,
 Als im geböt gotes wille,
 Unt lieze sines fluzzes vart,
 Die wile Jêsus getoufet wart
 Und unz des toufes fünde alhie
 Von im die heilikeit empfie.
 Sus wuohs daz wazzer al umb in
 Biz af vûr daz houbet sin.

Daz die vische zuo Jêsu giengen.

10 Die vische von dem Jordân
 Fluzzen zuo Jêsu her dan
 Unt gebärten dem gelich,
 Sam si des entstündens sich,
 Daz Jêsus der hêre
 15 Got wære und ir schöpfere.

***Daz der heilic geist uf Jêsum saz
 in einr tûbun bilde, unt daz ein
 stimme von himel mit im rette.***

Der ewangêln buoch.

Dô Jêsus gotes sun sô zart
 Von sant Johanne getoufet wart
 Unt mit im bisunder
 Anders volkes wunder,
 20 Dô wart der himel uf getân
 Unt scheinen ein michel licht herdan
 Ôf Jêsum und ôf alle diê,
 Die zegegen wâren hie,
 [128] Unt wart der heilic geist zehant
 25 Her abe von himelê gesant
 Als ein tûbe getân,
 Den sach man sich nider lân
 Ôf Jêsu Kristes houbte dâ
 Unt hôte man die stimme sâ
 30 Vaters von himelriche

Sprechen Offenliche:

Diz ist min lieber sun, der mir
 Gevallet wol nâch minner gir,
 Den ich mir erwellet hân
 35 E die himel huoben an.
 Er geviel unt gvalt mir iemer wol,
 Min geist af im ruowen sol.
 Unt dô Johannes disiu wort
 Dirre stimme hât erhört,
 40 Er erschrak unde sprach,
 Einr lâtter stimme daz geschach:
 Diz ist der, von dem mir kunt
 Tet in der wüeste gotes munt,
 Dô er predjen sante mich
 45 Dien riuwigen daz himelriche
 Unt toufen in dem Jordân,
 Swer kâme mich des toufes an,
 Unt sprach alsus dar zuo ze mir:
 Swen kômen sehest dû ze dir,
 50 Ôf dem dâ sam ein tûbe getân
 Mînen geist sehest niderlân,
 Daz solt dû wîzzen, daz der ist,
 Der toufende wirt zaller frist
 In dem heiligen geiste
 [129] Nâch götlicher volleiste,
 Unt der dem riuwer wil vergeben
 Sin sünde unt geben daz ewic leben.

***Daz Jêsus in die wüesti gieng unt
 dâ versuochet wart von dem tiuvel.***

Dô diz geschehen was alsus,
 5 Dô gieng ze der wüesti Jêsus
 Unt beleip dâ vierzic tage
 Yastende nâch der schriftle sage
 Unt was in der wollust gemeit
 Siner hōhen gotheit.

10 Unt den site hâte er,
Daz er sinem vater
Bat vür der welte brödekeit
Und umb daz heil der menscheit,
Unt nâch der gnanden vastun sin
15 Hungerte vil sere in.
Nû kam zuo zim aldar gegân
Der versuocher Sathân,
Unt leite im nâch der schriftē kûr
Der tiuvel ezlich steine vûr
20 Unt sprach zuo zim: Unt siest dû
Gotes sun, sô sprich nû,
Daz dise steine uf dirre erden
Ze bröte sülen werden,
Daz ich erkenne dû bi,
25 Obe got din vater si.
Jésus sprach: Der menschen kein
Lebet brötes allein,
Wan des wortes, daz ze frist
Von gotes munde gegangen ist.
[129^b] Seht, dû vuorte in aber der
Engelriuwe versuocher
In die heiligen stat
Unde wart von im gesat
Uf des tempel hêhe dû
35 Unde sprach zuo zim: Dû lû
Dich ze tal unt niht erwint,
Unde sist dû gotes kint,
Wau von dir geschriben stât,
Daz er sinen engeln hât
40 Geboten, daz si sûlin din
Huoter ze allen wegen sin.
Jésus im entwurte dô
Und sprach: Ez stât geschriben sô:
Versuochē dur enkein geschiht
45 Din got unt dinen herren niht,

Noch solt ursache gebende sin
Von dir dem viende din.
Nû vuorte in aber dû Sathân
Uf einen hôhen berc hin dan
50 Unt liez in sehen gliche
Al der welte riche
Unt sprach: Diz allez gib ich dir,
Wilt dû diemûeten dich vor mir
Unt wilt anbetende mich sin,
55 Vallende für die vûeze min.
Jésus sprach: Var hin, Sathân!
Din got solt dû beten an
Unt solt mit dienesthafter pflege
Din gotē dienen alle wege.
60 Dô flôch von im der tiuvel dâ
[130] Unt kâmen die engel sâ
Unt dienten im mit flizes ger
Als gotē unde ir schöpfer.

**Daz diu tier in der wüeste Jêsum
anbeteten.**

Elliu dirre wüeste tier—
7 Kâmen zuo Jêsum schier
Und buten zallen stunden,
Swâ mite si kunden,
Im alle zuht und ere
Als gotē ir schöpfere,
10 Unt wonten ime alle wego
Bi mit dienesthafter pflege,
Die wile er in der wüeste was.
Swar er gienc, stuont alder saz,
Sô was eht der tiere site,
15 Daz si im alles wonten mite.
Ir sumiu giengen vor im hin,
Diu andern nâch und umb in
Unt lekten im ze gruoze

Die trite siner vuoze
 20 Unt geillen sich her, hin und dar
 Mit mangen wilden sprunget var
 Vor im daf dem gevilde
 Der verwüsten wilde
 Unt gebärten dem gelich
 25 Sam si sinr gegni fröiten sich.

**Von Jêsu Krîstes widervart von
 der wüesti. Von dem êvangêljô.**

Dô Jêsus wider, als ich ez las,
 Varende von der wüeste was,
 [130^b] Dô vant er toufende noch dan
 Johansen in dem Jordân
 30 Unt predjende, unt dô in sach
 Johannes, lûter stimme er sprach,
 Zeigende mit dem vinger sin
 Offenliche üffen in:
 Diz ist gotes lamp vûr wâr,
 35 Daz al der welte sünde gar
 Hin nimt unde lœset
 Unt von sünden lœset.

**Daz die zwelfboten Jêsu zuo ge-
 sellet wurden.**

Dô ezlich hâten erhört
 Johannes jungern disiu wort,
 40 Johannesen si liezen varn
 Unde begunden sich gemarn
 Zuo Jêsu Christô drâte,
 Çf den gezeiget hâte
 Johannes mit dem vinger sin.
 45 Der êrste Andréas wolte sin,
 Der Jêsu sich gesellete
 Unt den Jêsus erwellete
 Unt zeinem jungern ûz las.
 Der ander junger Pêter was,

50 Andréas fleischlich bruoder,
 Die schef, netze unde ruoder
 Dur Jêsum liezen varn sâ
 Unde im gevolgie wâren nâ.
 Disem Pêter Jêsus gap
 55 Des vûrstentuomes leitestap
 Von dien jungern allen.
 Nu begunde im ouch gevallen
 [131] Philippus, unde ruoste im dar.
 Dar nâch ruoste er zuo der schar
 Dur ir frome und im ze lobe
 Johanse unde Jâcobe,
 60 Dien sînen Zêbedêi,
 Unt dien sînen Alphêi
 Jâcobe unt Symôn.
 Ouch sô ruoste er hie bi
 Jûde unt Mathêu
 10 Unt Thôme, genant Dydimô.
 Bartholomêum luod ouch got
 Unt Jûdas von Scârloth,
 Machete ouch sich zuo der schar.
 Sus wâren die zwelfboten gar,
 15 Als ir Jêsus hâte gedâht,
 An ir zale vollebrâht.
 Dise zwelfboten alsus
 Dar umbe erwelte Jêsus,
 Daz si daz himelriche
 20 Dur al die welt geliche
 Predjeten; dar zuo gab er
 In den gewalt, dazs nâch ir ger
 Die tiuvel mehten verjagen
 Unt bûezen alle siechtagen.

**Von der magt Marien swestern
 unt von ir sînen.**

25 Von dien zwelven, sô ich nû
 Genant hân, der wâr Jêsu

Vünve sippe, als uns sagt
 Daz geslechtebuoch der magt.
 Si wären, als geseit ist vorn,
 Von zwein swestern geborn,
 [131^b] Frou Annâ und Ysmerjâ, die,
 Als diz buoch uns saget hie,
 Wären sunder underbint
 Eins vater und einer muoter kint.
 Ysmerjâ Elyzabêth gewan,
 Der Zacharias ze man
 Wart geben, dô si gewahsen was,
 Diu daz ūzerwelte vaz
 Gebâr, Johansen den toufer,
 Rehtes glouben lêrer.
 Dô nam ir frou Anne
 Jôachim ze manne,
 Von dem diu guote frowe zart
 Der magt Marien swanger wart,
 Diu Jêsum Christum sô gebâr,
 Daz an ir kiusche ir niht enwar.
 Disiu reine sūce magt
 Wart gemehelt, sô man sagt,
 Jôsebe dem guoten man,
 Der si ze wibe nie gewan.
 Si wonten sament, daz ist wâr,
 Geselleklichen manic jâr,
 Daz dar under disiu meit
 Nie verlôs ir kiuschekeit.
 Nû dô Marien vater was
 Jôachym, als ich ez las,
 Erstorben, Anne nâch der vart
 Eim andern man gegeben wart,
 Der was geheizen Clêophas.
 Jôsebes bruoder er was.
 Von des sâmen alhie
 Frou Anne ein ander kint enpfie.

Dô daz ze der welte wart gesant,
 [132] Ez wart Mariâ genant
 Und Alphêes libe
 Gegeben zeinem wibe,
 Bi dem gewan si viere
 Schene sūne unt ziere,
 Jâcoben und Symôn, der dâ was
 Anders geheizen Jûdas,
 Thathêum unt Jôseph, den man
 Rehte nande, unt Barsaban:
 Dis viere wären als gelich
 Jêsu, daz des jach mengelich,
 Daz sine bruoder wâren si.
 Ouch sô wânde man hie bl,
 Daz Jêsus unt die gnant hie sint
 Wærin zweier bruoder kint.
 Si wären, als geseit ist vorn,
 Von zwein swestern geborn.
 Unt dô Clêophas erstarp,
 Froun Annen der wart dritterwarp
 Ein man nâch ê gegeben,
 Mit dem si dô sollte leben,
 Der was Salomâ genant,
 Von dem si swanger wart zebant
 Einer tohter; dô si der
 Genas, nâch ir friunde ger
 Wart diu wandels frio
 Geheizen Marie,
 Unt dô diu êrebære
 Worden was manbære,
 Si wart ze wibe ūf êlich leben
 Zêbedêb gegeben,
 Bi dem si zwên sūne gewan,
 Die heilic wurden sunder wân,
 Sant Jâcoben den mæren
 [132^b] Unt Johannem den hêren,

Der an der gschrift genennet ist
Zweifbote und ewangelist.
Hie ist gezalt ze rehte
Marien geslechte.

*Von dem brütloufe, dā Jēsus ūz
wazzer machete win.*

- 40 In der stat ze Galylē
Hāte einr genomen ein wip ze der ē
Unt luot sine friunde dar.
Ouch luot er in der selben schar
Jēsum unt die muoter sin
45 Unt Jēsus junger mit in.
Unt dō dā wīns gebrosten was,
Diu magot Mariā markte daz
Unt sprach zir sune der selben frist:
Wīnes hie gebrosten ist,
50 Den zunsor unt dur sine frome
Schankte dirre briutegome.
Der rede entwurte Jēsus
Ir geminneter sun alsus:
Muoter, waz hein ich unt dō
55 Hie mīle zo tuonne nū?
Wir mūbezēz alsō lāzen sin,
Wan noch nit ist diu stunde min
Komen, daz min vater mich
Welle melden Offenlich
60 Mit zeichen dien luten
Ald minen gwalt betiuten
Mit deheimen wunder.
Doch wisse wol hierunder
Mariā, daz ir sun bezalt
65 Wēr von der gotheit der gewalt,
[133] Swaz im meinde der sin,
Daz daz allez mūesti sin,
Unt sprach zuo dien ambehtern sus:

- Tuont swaz iuch heize Jēsus!
5 Unt dō Marien girde ersach
Jēsus, ze dien schenken er sprach:
Vāllent wazzers die krūge!
Ir wille was gevūege,
Unde fullen siben vaz.
10 Unt dō daz geschehen was,
Dō wart daz wazzer in win
Verwandelt von dien worten sin;
Sin eigen varwe ez verlōs,
Eins rōten wīnes varwe ez kōs
15 Unt den aller besten smak,
Der an wine ie gelac.
Diz wunder Offenlich geschach,
Daz ez manig ouge sach,
Unt dō daz liut hāte gesehen
20 Daz zeichen, daz dā was geschehen,
Dō nam si bisunder
Des grōzen wunders wunder
Und erschrahte in den sin,
Dō worden was ūz wazzer wīn.
25 Diz daz erste zeichen was,
Daz Jēsus daz erwelte vaz
Getet vor sinen jungern ie,
Und ougte in dā mīle hie
Und al der welte sin gewalt,
30 Der im von gote was bezalt.

*Von Jēsu Kristes predien unt
sinen zeichen.*

- Dō diz geschehen was alsus,
Ze Kapharnāum bekam Jēsus
Unt mit im diu muoter sin
[133b] Unt die junger mit in.
25 Ouch folgten Jēsu Christō mīte
Nāch geselleklichem site

Dic, der man im ze braodern jach.
 Unlange mans doch sament sach,
 Wan von damen giene Jêsus
 40 Predjen in diu lender ûz
 Menlichem geliche
 Sines vater riche
 Und anlâz dien gewaren
 Der sünden riuwären,
 45 Unt tet ouch hierunder
 Manic grôzez wunder,
 Diu wirdic sint ze sagenne
 Unt buese ze verdagonne.
 Von siner craft wart hin geleit
 50 Allez sêr unt siechheit.
 Er reinde vil malâte
 Von ir viuli drâte,
 Und erlôhte ouch blinden vil,
 Touber ôren âne zil
 55 Tet er ûf unt brâht si wider,
 Daz si wol gehôrten sider,
 Er lôste stamme zungen,
 Daz si vil unbetwungen
 Retten, swâz si wolden;
 60 Unt die lamtagen dolden
 Ald krump ald gebrochen wân,
 Die sach gesuntheit man enpfân
 Von sins gewalles gebote,
 Den er hâte von gote;
 65 Ouch buoste er emmiffen
 Sâhte unde ritten
 [134] Unt tet ouch des parillis fri
 Mangen menschen dâ bi;
 Dien durre wâren diu lider,
 Den gab er si gesundiu wider;
 5 Handelôser liute vil
 Und ander siechen âne zil

Tet er dicke gesunt;
 Ouch genarte er under stunt
 Die, die apoplexiâ
 10 Der siechtage hâte dâ
 Geslagen unt geworfen nider
 Genêzklîch ir lîbes lîder;
 Den fallenden siechtagen
 Sach man in dicke verjagen;
 15 Ouch tet der sâldenriche
 Gebâren sinnekliche,
 Die tobic wâren gewesen;
 Sin gôtlich craft tet ouch genesen,
 Die manic wâren, unt dâ bi
 20 Genarte er, die maniac
 Wâren, dâst ein solich nôt,
 Daz er im selber tuot den tût,
 Swer den siechtagen hât;
 Ouch tet er helferichen rât
 25 Dien, die den swindel lîten;
 Unt die hâte versnîten
 Diu wazzersucht biz uf den tût,
 Dien sô buoste er die nôt;
 Darzuo buoste Jêsus
 30 Daz bluot und anders mangan fluz
 Mangen menschen, der si leit;
 Noch buoste er mänge siechheit;
 [134] Der ich nît geschriben hân
 35 Wan kürzeklich ze sagenne bî
 Swer im hâte iht ze klageâne
 Von siechheit swelberhande
 Unt daran gewânde,
 Dâz er in siner gûden hât,
 40 Den genarte er uf der stat.

**Daz die tiuvel schriuwen, dô si
Jésus von dien liuten vertreip.**

Jésus genâden volleist
Vertreib ouch mængen geist
Von dien menschen bi dien tagen,
Die man hôte sere clagen,
40 Unt wêlich gebûren.
Sô si vertriben wâren,
Si schriuwen mit grimme
Egeslicher stîmme
Unde sprâchen alsus:
50 Gotes sun Christo Jésus,
Himels und erde schöpfer
Unt der helle zestörre,
Dû hâst von himel uns vertriben
Von unsren stûelen, daz beliben
60 Unser einer dâ nit ist,
Unt hâst uns der heinwist
Der vinstern helle gegeben,
Dâ wir mit sere müezen leben.
Bist dû dar umbe her bekomen,
60 Daz uns von dir werde benomen
Der mensche, der ze der helle
Solt sin unser gselle?
Genüege nit der hœhe dich
Noch der witen umbe sich,
65 Als al der welte kreiz bevât
[155] Unt mer und erde ergriffen hât,
Dun wellest ouch die herschaft
Dinr grundelôsen magencraft
Wenden an die hellen
7 Unde nidervellen
Unt zestœren den gewalt,
Der uns biz her was bezalt,
Unde roubes vâeren hin
Den menschen, der dâ solte sin

10 Unser von allem rehte,
Wan er wart uns ze knechte
Geigent von der kûnde
Der ungehørsamen sûnde.

**Von vil tiuvel, die Jésus von eim
menschen treip. In dem ewangêljô.**

Ein mensche besezen was
15 Mit tiuvel vil, als ich ez las,
Der von in vil dicke leit
Grôz ungemach und erbeit.
Der kam ze Jêsu gegân
Unde bettôte in an
20 Unt bat in der genâden sin.
Dô rief der tiuvel mengin:
Waz hein wir samt gemeine nû,
Himels kûnc, gotes sun, Jêsu,
Al der welte schöpfer?
25 Dû bist uns é zît komen her,
Daz dû uns verderbest,
Unt des rehtes enterbest,
Als unser hantveste stât
Unt her brâht unser reht hât.
30 Jésus in gebôt ze stunt,
Daz si tætin zuo den munt
[155b] Unde rûndin daz vaz,
Daz mit in besezen was.
Die tiuvel vorhten, daz er
35 Si versankte, unt was ir ger
Alle samt geliche,
Daz von dem kâneerliche
Er si nit verstieze
Noch hin varen hieze
40 In die tiefen hellen
Und iemer mê dâ twellen.
Jésus sprach: Wie heizent ir?

Légiò sò heizen wir.
 Wan ir was gesundert
 45 Sehs tüsent unt sehs hundert
 Unt sehs unt schzig überal.
 Daz ist ein legiò nâch zal.
 Nû giengen an ir weide
 Dâ nâhe âf einer heide
 50 Von swinen ein michel hert.
 Nû wart an Jêsum gegert
 Von dien selben geisten sâ,
 Ob sis müesten rûmen dâ,
 Daz er wolde verhenzen in,
 55 Daz si vûerin in diu swin
 Und ir wonunge dâ hân.
 Daz lie Jêsum zuo gân.
 Die tiuvel bi der selben vart,
 Dô es in êrst verhenget wart,
 60 Vuoren blicke eins ougen hin
 Unde ertranken diu swin
 [136] In dem mer. Der swine zal
 Was zwei tüsent überal,
 Diu dâ wurden ertrנקet
 Und in daz mer versenket.
 5 Unt dô der man genesen was,
 Der êdes was der tiuvel vaz,
 Er dankte Jêsu sêre
 Unt seite im lob und êre.

*Von einer wîtwen sune, den Jêsum
 erkîhte von dem tôde.*

Jêsum gienc ze Naym der stat,
 10 Unt dô er ze dem tôr in trat,
 Mit im giengen die junger sin
 Unde giengen mit in
 Ander liute genuoc
 Ein tôten man ingegen truoc,

15 Der ein einic kint was,
 Der muoter sin, als ich ez las.
 Ein wîtwe was daz selbe wip,
 Diu des jûngelinges lip
 Beweinde unt clagte sêre
 20 Von rehten herzesêre.
 Unt dô si Jêsum weinen sach,
 In erbarmten ir ungemach.
 Er gienc ze der bære ringe
 Unt sprach ze dem jûngelinge:
 25 Ich spriche dir: Dû solt âf stân!
 Ze dem selben worte erstuont der man
 Von dem tôde gesunt.
 Dô gab in wider ze stunt
 [136^b] Jêsum der vil guoter
 30 Der wîtwen siner muoter.
 Unt dô er ir wider gogap
 Aller ir frôiden leitestap,
 Des was diu frouwe gemeit
 Unt wart Jêsu von ir geseit
 35 Genâde, lob und êre.
 Ouch danketen im sêre
 Alle, die hâten gesehen
 Daz zeichen, unt begunden jehen
 Mit gemeinem munde,
 40 Daz mchte noch enkunde
 Sô grôziu zeichen nieman tuon,
 Wan got alder gotes suon.
 Nû flouc dirre liumt geliche
 Über al daz kûnecriche,
 45 Dâ von elliu diu diet
 In ze lobenno geriet.

*Von des fûrsten Jagires tohter,
 die Jêsum erkîhte von dem tôde.*

Ein vûrste was geheizen sus

Ze rehtem namen Jagirus
 Unt kam ze Jêsu unt bat in,
 50 Daz er in daz hûs sin
 Mit im gersuohte kôren
 Unt sin tohter neren
 Von dem tôde, und ir daz leben
 Mit gesuntheit wider geben.
 55 Jêsus tet, als er in bat,
 Unt gienc mit im ûf der stat
 [137] Hin hein in daz hûs sin.
 Si funden tôt daz tôhterlîn
 Unde was ob im nâch sâge
 Michel weinen unde clage.
 60 Man clegte sêre sinen tôt.
 Jêsus dien liuten dô gebôt,
 Daz si giengin dannen.
 Pêtern unt Johannem
 Unde Jâcoben behatter
 10 Unde muoter unde vater
 Des kindes, unde gienc mit in
 Zuo dem tôten libe hin.
 Er ruorte in an unt sprach dû bî:
 Stant ûf, Tabitha, chûmi
 15 Unt bis lebendig, als ô!
 Diu magt sânde sich nit mê,
 Dô er daz wort alrêrst gesprach,
 Si erstuont, daz ez vil liute sach,
 Unt frôite sich, daz ir daz leben
 20 Von Jêsu wider was gegeben.
 Der juncfrowen alter was
 Uf zwelf jâr, als man ez maz.

*Von der frowen Amorrôisen, die
 Jêsus lidgôte von dem bluote.*

Dô Jêsus was uf dirre vart,
 Dâ diz kint erkickei wart,

25 Im tâten mit gedrengē
 Die liute vil enge.
 Amorrôise hiez ein wip,
 Der daz bluot lange den lip
 [137^b] Harte sêre betwanc.
 30 Der kam ze sinne ein gedanc,
 Obe si môhte betâsen
 Jêsus gewandes vâsen,
 Si dingte, daz si wûrde
 Ir siechheite bûrde
 35 Entladen gar unde gar.
 Si greif heinlichen dar
 Unde ruorte im daz gewant
 Unde was genesen ze hant,
 Ir gestuont des bluotes fluz.
 40 Zehant entstuont sich Jêsus,
 Daz er angerûeret was
 Unt daz getân hâte daz
 Die frowe Amorrôisse.
 Swie wol er daz wisse,
 45 Doch frâgte er die jânger sin,
 Wer hete gerûeret in.
 Pêter entwurte im ze hant:
 Dich ruorte niemannes hant,
 Ez was von der enge
 50 Des volkes gedrengē,
 Anders ruorte dich nieman.
 Des maht dû selber dich entstân.
 Jêsus sprach: Mir ruorte ein hant
 Bî dem soume min gewant,
 55 Unt hât der, swer ez hât getân,
 Getân nit wan ûf heiles wân,
 Unt sol im, des ich im wil jehen,
 Von dem griffe heil geschehen.
 [138] Dô diu frowe erhôrte, daz
 Diu ruore ir ze guote was,

- Offenlichen si vërjach,
 Daz der grif von ir geschach.
 5 Jësus sprach unt sach si an:
 Frowe, ez müeze dir ergân
 Nâch der ger des glouben din
 Unt müeze ouch an dir stæte sin.
 Unt ze dem worte dô Jësus
 10 Hâte gesprochen sus,
 Dô verstuont daz bluot vil gar,
 Daz si üffen zwelf jâr
 Gehebet hâte stæteklich.
 Si dankete goto flîzeklich
 15 Der gnâden, sô ir was geschehen,
 Unt begunde im lobes und êren jehen.

*Von disem bilde, daz disiu frowe
 Jësû gelich machete.*

- Dô disiu frouwe genas,
 Dur Jësus liebi schuof si daz
 Unt dur die gehûde sin,
 20 Daz si dest baz gedæhte an in,
 Daz ir ein bilde reine
 Wart ûz einem steine
 Gewûrket Jësû gelich
 An der lenge und umbe sich
 25 Und an dem gewande sin,
 Unt sante ez in ir gertelin,
 Dâ si im in Jësus namen tet
 Manec diemûetic gebet
 (138b) Unt bôt im spâte unde fruô
 30 Ander êre dar zuo.
 Bi disem bilde sô sach man
 Wahsen kriuter wolgetân.
 Swenne diu wurden also hôch,
 Daz ir hæbe sich âf zôch

- 35 Biz an des bildes gewant,
 Seht dô wurden si ze hant
 Also rehte tugenthafft
 Unt gewunnen sô grôze craft
 Von des bildes gewande,
 40 Daz man allerhande
 Siechheit mit in buoste,
 Vertreip unde wuoste.
 Diz wunder man bezalte
 Gottes gewalte.
 45 Swelh sieche ouch des krâtes nôz,
 Sin schade wæz klein alder grôz,
 Der was genesen ze stunt,
 Swenne er daz krût nam in den munt.
 Ouch was genesen der ze hant,
 50 Der ez beruorte mit dor hant.
 Swel sieche ouch mit dem krâte
 Stille ald überlûte
 An blôzem lich berûeret wart,
 Der was genesen bi der vart.
 55 Unt ze sprechen kurzeklich,
 Diz krût was sô tugenderlich,
 Daz dâ mite elliu siechheit
 Vertriben wart unt hingeleit.
 Diz zeichen und im glichez ê
 60 Wart gesehen nie mê,
 (139) Dâ von die liute geliche
 In allem künicriche
 Sprâchen, die hâten gsehen
 Daz wunder, daz dâ was geschehen,
 5 Jësus wæz got ald gotes sun,
 Er mehte ez anders nit getuon.
 Sus tet dirre liumet in bekant
 Allen gebûrten dur diu lant.

*Von Abgaró dem künge, der Jêsu
Christô ein brief sante.*

Dur Êthyôpian daz lant
 10 Rinnet ein wazzer, dâst genant
 Eufrières, als ich ez las.
 Jenhalb dem gesezzen was
 Ein künce, der was genemmet sus
 Ze rechem namen Abgarus,
 15 Der gewaltic was der stat,
 Diu Êdissênâ namen hât,
 Diu liuto was unt guotes vol,
 Als ein krône des landes sol.
 Dis küneges lip von siechtheit
 20 Leit zallen ziten erebeit,
 Dâ von er dur die selben nôt
 Jêsu bi sinem brieve einbôt,
 Daz er geruhte zuo zim komen,
 Daz im von im wurde benomen
 25 Sin lange werender siechtag.
 Dirre brief der stuont nâch sage,
 Als uns seit Eusêbius
 In alle wis geschriben sus.

*Diz ist des brieres abgeschrift, den
der künec Abgarus Jêsu Christô
sante.**

(139^b) **Der** künig Abgarus genant
 30 Nochârjen sun von Môrenlant
 Grûezet nâch friuntlicher ger
 Jêsum den behalter
 Unt patriarchen, der ze frist
 Wonhaft ze Jêrusalêm ist.
 35 Von dir haben wir vernomen
 Manger hande tugende fromen,
 Die dû tuost unt hâst getân

Gegen siechen allesan,
 Frômden unde kunden,
 40 Heimschen unt unkunden,
 Unt daz dû stille und überlôt
 Âne wârte und âne krôt
 Und ander arzenien,
 Swie die geheizen sien,
 45 Kûnnist allen siechtagen
 Mî blôzen worten verjagen;
 Blinden die tuost dû gesehen,
 Stummen reden, hœrn wir jehen,
 Unt tuost toubin ôren
 50 Ôf unt wol gehôren,
 Lamen heizest dû gân
 Unt die lôten âf stân,
 Den tiuvel tribest dû hin,
 Gist dien tobigen den sin.
 55 Dîn gewalt der ist sô grôz,
 Daz dû die paralytîcos
 Generst, unt dâ bi maht verjagen
 Allen andern siechtagen.
 Unt wan dû diz maht getuon,
 60 Sô bist dû eintweder gotes sun
 [140] Alder aber selber got,
 Daz die Juden hânt vûr spot
 Unt nît gelouben dar an,
 Swie dû diu wunder hâst getân
 5 Al enmitten under in
 Dur ir heiles gowin,
 Wan dû bist, als wir hân vernomen,
 Dur ir heit vom himel komen,
 Unt dâ von biten wir dich
 10 Flêlich unt genêdeklîch,
 Daz dû ruochest zuo zuns komen
 Unt uns von dir werde benomen
 Unser langewerendia leit,

Diu wir hân von siechheit.
 15 Zuo der verte senden wir
 Zerunge genuoge dir
 Unt tuon dar zuo, swes dû gerst,
 Ob dû uns dirre bete werst.
 Ouch hoeren wir nâch gwærer sâge,
 20 Daz die Juden alle tage
 Dines valles flizic sin
 Unt stollent nâch dem tôde din.
 Unt dâ von sô bis gemant
 Unt kum zuo zuns in unser lant
 25 Unt nim uns abe den siechtagen,
 Den wir lange hân getragen,
 Unt belip bi uns vûr daz
 Vûr lâge sicher unt den haz,
 Den die Juden dir dur nit
 30 Sint vil flizig elliu zît.
 Wir hân ein stat, diu ist klein,
 Aber êrebære liute rein,
 [140b] Wise unt gemæze an aller tât,
 Wonunge darinne hât;
 35 Dâ suln sânt wir inne leben.
 Ein vûrstentnom wil ich dir geben
 Dur din beliben unt dur daz,
 Daz dû lebest deste baz.

Von dem briere, den Jêsus Abgarô dem kûnege wider sante.

Nâch dirre hotscheffe sider
 40 Jêsus schreip dem kûnege wider
 Ein brief, an dem er in embôt,
 Er wolde wenden sine nôt
 Mit einem boten, der in
 Genarte an der stete sin
 45 Aller siner siechheit.
 Ouch hâte an den brief gelcit

Unt geschriben Jêsus.
 Abgarô dem kûnege alsus:
 Selig unt heilig nemme ich dich,
 50 Daz dû gelouben hât an mich
 Unt mieh doch nit hât gesehen.
 Ouch hœret man die schrift mir jehen,
 Daz vil wirt gloubende sicherlich
 An mich, die nie gesâhen mich.
 55 Ouch wirt unt sô daz geschehen,
 Daz der vil, die mich hânt gesehen,
 Werdent wenkende an mir.
 Und als dû schribes, daz ich ze dir
 In din hûs bekæme
 60 Unt dir abe næme
 Unt buoste den siechtagen din,
 Des ennæc nû nit gesin.
 Ez vûeget mir ze mâle niht,
 Ich muoz volenden die geschicht,
 [141] Dur die ich bin ûzgesant
 Von himel in diz ellende lant;
 Unt swenne ich daz volendet habe,
 Dar umbe ich kômen bin her abe,
 5 Sô wil ichs nit mære sparn,
 Ich wil ze minem vater varn
 In die himilschen heinwist,
 Der herre upde got ist
 Unde aller dinc schôpfære
 10 Gewaltig unt gewære;
 Unt swenne ich bin gewaren bin,
 Sô sende ich dir der junger mîn
 Einen, dem der gwalt gezimt,
 Daz er dir bîezet unt benimt
 15 In minem namen vil gar,
 Swaz dir von siechheit ie gewar.

*Daz der künec Abgarus von Thaté
Jésu Kristes jungern gesuntheit
enpfinc sins libes.*

Diu glübe, diu Jêsus getân
Hâte Abgarô dem hôhen man,
Daz er im woldo senden hin
50 Einen der junger sin,
Diu volvuorte er vil gar.
Nâch sinr urstende er sante dar
Tathêum zuo zim in sin stat,
Diu Êdissâ namen hât,
25 Daz er den êwangeljon dâ
Predjen solde und anderswâ
In dem selben lande,
Unt swer daran genande,
[141] Daz er gelouben wolde
30 An Jêsum, daz er solde
Den toufen und ouch tuon dâ bi
Den kûnc stus siechtagen fri
Unt kristen glouben lêren,
Die sich wolden bekêren.
35 Unt dô Thatêus, als gezam,
Ze Êdisse der stat bekam,
Dô was dien abgôten ergeben
In heidens wis ir aller leben.
Nû begunde er Offenliche
40 Predjen daz himelriche
Unt kristen glouben lêren
Unt siechen generen
Und aller hande siechtagen
Unt die tiuvel verjagen
45 Unde reinen drâte
Die vâlen malâte
Von aller ir siechheit.
Dô diz dem kûnge wart geseit,
Er dâhte in sinem sinne alsus:

50 Dist lîht der bote, den Jêsus
Dir lobte ze senden.
Unt sante ein behenden
Boten nâch Thatéô
Und embôt im alsô,
55 Daz er zim komen solde
Dur iemer sine holde.
Tathêus dô nît langer heit,
Dô sus der bote im hâte geseit.
Er gienc zuo dem kûnge hin.
60 Sin anlât, als der suanen schin,
In alle wis dô lûhte,
[142] Des den kûnic dûhte,
Er stuont vor sinem thrône
Unt neic Thathéô schône
Unt gruoste in gûetliche
5 Empfânne minnenkliche.
Er bat in zuo zim sitzen nider;
Tathêus retto dâ nît wider;
Unt dô er gesezzen was,
Abgarus dô nît vergaz,
10 Ern sprâche zim alsus:
Bist dû, den goies sun, Jêsus,
Min sunder friunt vil lieve,
Lobte an sinem brieve
Ze senden mir ze heile her?
15 Jâ, sprach Thatêus, ich binz der,
Unt hât Jêsus mich gesant
Ze heile dir her in din lant.
Ist, daz geloubic dû wilt sin
An Jêsum den meister min,
20 Sô wirt ervûllet al din gir,
Unt vertribe unt bæze dir
Alle dine siechheit,
Die biz her ie din lip erleit.
Dar zuo sô wirt dir gegeben

25 Dur in daz ewige leben.

Des entwarte im Abgarus

Unt sprach: Ich gloube, daz Jêsus

Ein gewærer got si

Unde gotes sun dâ bi,

30 Unt daz er würde geborn

Von der maget ôzerkorn,

[142^b] Der reinen wandels frien,

Der süezen Marien.

Ouch ist der geloube min,

35 Daz die unmillen Juden in

Von rechtem nide viengen

Und an daz criuze hiengen

Unt dâ sô lange nôten,

Biz daz si in ertôten.

40 Ouch gloube ich nâch der schrift sage,

Daz er an dem dritten tago

Erstüende nâch wârer lêre

Mensche unde got gewære

Unt daz er dar nâch vâere hin

45 Ze himel zuo dem vater sin;

Unt zowære, wære ich

Crefliges heres rich

Noch envôrhte den gewalt,

Der rœmschem rîche ist bezalt,

50 Die Juden müestîn alle

Werden des tôdes valle

Unt dur Jêsus rache ergeben

Dem swerte ir lant und ir leben.

Unt dô Tathêus hâto erhôrt

55 Abgarê des kûnges wort,

Er leite ôf in sâ zehant

In Jêsus namen sîne hant,

Unt wart an der selben stunt

Schône unde wol gesunt

60 Unde gerlich entladen

Alles siner libes schaden,

[145] Den er biz an die stunde leit

Von deheiner siechheit

Unt dô der kûnc bevant daz

An im selber, daz er was

5 Genesen sinr siechheit

Der stunt, dô an in leite

Tathêus die sîne hant

Unt dâ bi Jêsus wart genant

Und im anders nît geschach,

10 Er schrei lûte unde sprach:

Nû weiz ich vûr ein wârheit,

Swaz ie von Jêsu wart geseit

Wunders, dâst gar unde gar

Sunder allen zwîvel wâr.

15 Er ist gotes sun, da ist wider nît.

Daz bewæret diu geschicht,

Diu an mir ze dirro friat

Wunderlich geschehen ist.

Mir hât Tathêus gotes trût

20 Âne wûrzo unt âne krût

Und ander arzenien fromen

Al min siechheit benomen.

Er leite alleine ôf mich sin hant

Unde was genesen ze hant,

25 Unt nande Jêsum dâ bi.

Sus bin ich mines schaden fri,

Abgarus hiez bringen dô

Vil grôzen schatz Tathêo

Unt hiez in den ze miete hân.

30 Den versprach der guote man

[145^b] Unt sprach: Uns müeste missezemen,

Solden wir frômdez guot nemen,

Die unserz hein verlâzen.

Daz wære grôz unâmzen.

35 Wir sulenz niemer bestân

Noch den ungelimpf begân.
 Sus blicp Tathëus in der gegen
 Ezwie lange unt begunde pflegen
 Kristenlicher lère,
 40 Unt predigôte sêre
 Den touf unt toufte ouch die sâ,
 Die geloubic wurden dâ,
 Unt bewârte hie unt dort
 Mit mangem zeichen siniu wort,
 45 Diu er von Jêsu lërte,
 Des er mangen bekërte.

*Von Lazarô, den Jêsus erkihte
 von dem tôde.*

Ze Bethânje wân gesezzen
 Zwô swestern vil vermezzen,
 Die Jêsu Kriste enwiderstrît
 50 Gerne dienden zaller zit.
 Gegen im vil lûter was ir sin
 Unt minneten von herzen in
 Unt buten im ze siner nôt
 Dicke ir hûs und ir brôt.
 55 Der einiu hiez Mariâ,
 Ze namen Magdalênâ,
 Diu ander diu hiez Marthe,
 [144] Diu vor Jêsu nit sparte
 Enweder lip noch daz guot.
 Jêsus der truoc holden muot
 Diesen frowen beiden
 5 Vil gar ungescheiden.
 Dise genanden swestern zwô
 Ein eingen brudder hâten dâ,
 Der was geheizen Lazarus,
 Dem holt was sunderbâr Jêsus.
 10 Nû vuogte ez sich zeiner vart,
 Daz Lazarus vil siech wart,

Unt darnâch unlangen
 Wart mit dem tôde bevangen.
 Nû senten dise swestern zwô
 15 Gemeinlich einen boten dô
 Ze Jêsu, der im tæte kunt,
 Daz Lazarus wære ungesund,
 Und in von in bære,
 Daz er ez dur si tæte
 20 Unt dur ir lieben bruders fromen
 Unt geruobti zuo zin komen.
 Dô Jêsus die botschaft vernam,
 Ze Bethânje er balde kam,
 Als im sin güete gebôt.
 25 Dô was Lazarus tôt
 Unde was der selbê knabe
 Gelegen vier tage in dem grabe.
 Unt dô die frouwen vernomen
 Hâten, daz Jêsus was komen,
 30 Si giengen im weinende engegen
 Unt begunden im klegen,
 [144b] Als in ir grôzê leit gebôt,
 Ir herzelieben bruders tôt
 Mit mangem wilden schreie
 35 Unt wuofe mangerleie,
 Si sprâchen, als si lërte ir pin:
 Wærist dû, herre, hie gesin,
 Dû hêtist wol erwert die nôt,
 Daz Lazarus nit wære tôt.
 40 Dô Jêsus sach die zarten
 Marien unde Marthen
 Alsô herzekliche klagen,
 Ergrisgramen und erwagen
 An der selben stunde
 45 Al sin geist begunde,
 Unde weinde mit in,
 Als erbarmte in ir pin

Und ir klagelichez leit.
 Er sprach: Wā habt ir in geleit?
 50 Daz sult ir mich wizzen lān.
 Si sprāchen: Herre, nū wol dan!
 Unde vuorten in dar.
 Nū gienc mit in ein michel schar
 Juden in trōstes wise,
 55 Die retten sament lise
 Unde sprāchen alsust
 Dur nīt unde in ākust:
 Mahte disen nīt dirre übertragen,
 Des tōdes, unt wir hōren sagen,
 60 Daz er tōten heize leben
 Und in muge daz leben goben?
 [145] Unt dō Jēsus kam ze dem grabe,
 Den stein er nemen hiez dar abe,
 Der über daz grap was getān,
 Unt hiez daz grap lān offen stān.
 5 Mariā sprach: Der bruoder min
 Ist vier tage in dem grabe gesin
 Unde stinket sere.
 Jēsus sprach der hēre:
 10 Gedenkst dū miner worde niht?
 Gelouhest dū, dīn ongo siht
 Gotes mins vater tugende
 Unt min sīns sūnes mugende?
 Jēsus rette dō mit mēre
 15 Lāte ruoft er unde schre:
 Lazare, dū solt ūf stān
 Und ūzer dem grabe gān!
 Lazarus stuont ūf ze stunt
 Unt gienc her ūz unt was gesunt.
 Unt dō diz wunder sāhen, die
 20 Ze gegenwūrte wāren hie,
 Si lobten got vil sere
 Unt seiten im lob und ēre,

Unt geloubte bi dem zil
 An Jēsum der Juden vil.
 25 Ouch giengen ezlich under in
 Gegen Jērusalēm hin
 Unt seiten dien Pharisēn
 Daz si hāten gesēn
 Unt kāmen ouch mit dien māren
 30 Zo dien Juden unt dien schribāren.

[145^b] *Hie lāzen wir underwegen diu
 wunder, diu Jēsus tet, und in dem
 ewangeljō geschriben stānt.*

Hie sō wellen wir gedagen
 Der werke unt wellen ir nīt sagen,
 Diu Jēsus Christos hāt getān
 Unde aber geschriben stān
 35 An dien ewangeljen hēr,
 Diu der zwelfboten lēr
 Und ir schrift unde ir rāt
 Dur al die welt gekündet hāt
 Unt Jēsus lēre unt sin leben
 40 Der welte ze wizzen hānt gegeben,
 Diu Jēsus mit lēre unt mit tāt
 Dien gloubigen gegeben hāt,
 Und in ouch hierunder
 Mit mangem grōzen wunder
 45 Den glouben hāt bewāret
 Unde goeimbāret.
 Er hāt manges siechtagen
 Mangen menschen entladen;
 Stummen, blinden nāch ir het
 50 Er sprechen unt gesehen tet;
 Lamen luten gab er wider
 Unt paralyticis ir līder,
 Unt die der hende ellende
 Wārn, dien gab er hende;

55 Tiuvcl vertreib er áno zál
 Unt reinde ouch maláto vil;
 Tóten hiez er úf stán
 [146] Unt gesundez leben hán,
 Unt hiez ir geisto wider varn
 Zuo dien líben sich gemarn;
 Mit truchenen vüezen er
 5 Gieng eteswennen úf dem mer,
 Unt gebót dien winden,
 Daz si solden erwinden,
 Unt wáren im gehórsum,
 Unt diu sturmwetere sam;
 10 Unt von vüñf bróten, diu er hatte,
 Vüñf túsent menschen er gesatte.
 Dise und ander wunder
 Tet Jésum Christus wunder,
 Diu ich wil ungesaget lán,
 15 Wan wirs am éwángeljô hán.

*Daz die éwarten unt die Pharisêi
 ze ráte wurden, wie si Jésum
 ertótin.*

Dô die bischove hörten
 Von der liute worten,
 Unt Juden und éwarten
 Unt die schriber gewarten
 20 Unt die Pharisêl, daz
 Jésum só grózer zeichen was,
 Si wurden vil dráte
 Saminthaft ze ráte,
 Unde spráchen alsus:
 25 Wast nos ze tuonne, doz Jésum
 Tuot só gróziu zeichen hie,
 [146^b] Diu ô gehóret wurden nie,
 Unt lázen wir ins kómen hin,
 Só wirt geloubende an in

30 Daz volk, noch hilfet niemer mé
 Unser ban noch unser ô
 Unt kóment Rómer in diz laant,
 Unt benimet uns ir hant
 Beidia lip unde guot.
 35 Dá von nemen in den muot,
 Waz uns dar zuo mugen fromen,
 Dá mílte wirs mugin úberkómen.
 Dô sprach einr, hiez Cáyphas,
 Der des járs bischof worden was:
 40 Est wáger, ein mensche sterbe,
 Danne al daz volk verderbe,
 Unt daz er einer lige tót,
 Dan daz wir kómen alle in nót.
 Unt dá von von dem tage hin
 45 Sasten die Juden gar ir sin,
 Wie si Jésum geviengen
 Unde an daz criuze erhiengen.

*Daz Mariá Magdaléná Jésú sin
 vüeze twuog unt mit ir háre tru-
 chende. Vom éwángeljô.*

Dô Jésum ze Bethánje was,
 Unt dá mit sinen jungern saz
 50 Ze tische in Symóns hús mit zuht,
 Den er von der miselsuht
 Unlange dá vor reinde,
 Marthá dó bescheinde
 Jèsú unt dien jungern sin
 [147] Mit dienste frúntlichen sin.
 Lazarús ouch zegogin was,
 Dá Jésum ze tische saz.
 Nû gieng der Mariá
 5 Diu sündige Magdaléná
 Unt viel zuo dien süezen
 Jèsú Kristes vüezen

Unt wuesch si mit ir trähonen dā
 Unde wuschte si dar nā
 10 Unt trüchende ze wāre
 Mit ir houbtes hāre,
 Unt wan ze den selben stunden
 Sine vūeze wān vorschrunden
 Von der grōzen erebeit,
 15 Die er von mangem wege leit,
 Dō streich si allenthalben
 Daran ein riche salben,
 Diu geheizen was alsus
 Pisticus nardus,
 20 Unde brāhte Jēsū wider
 Sinr verschrunden vūeze līder,
 Unt trōrte daz salb also wol,
 Daz daz hūs was sūeze vol.
 Dō Jūdas Scāriōth ersach
 25 Des salbes riche koste, er sprach:
 Waz sol dis salbes verlust,
 Diu geschehen ist alsust,
 Daz also hōchgülte was?
 Wan mehte ez hān bewendet baz.
 30 Driu hundert pfenninge
 Hēte man vil ringe
 [147] Darabe erlæset vil eben;
 Unt man die hēte gegeben
 Dien armen, daz wær bezzer vil,
 35 Danno diz, des ich wānen wil.
 Doch rette es Jūdas nit dur daz,
 Daz ez im geveile baz,
 Wan daz in muote diu verlust,
 Und er ez sprach in ākust,
 40 Daz sin teil nit was daran,
 Wan ein diep sō was der man
 Unt was doch bisunder
 Ein kamerer hierunder

Kristes unt der junger sin,
 45 Unt swaz wart gegeben in,
 Des stal er iemer eteswaz
 Unt gehielt heinlichen daz,
 Wan er hāte heinlich
 Gehalt dien dieben gelich
 50 Unt staltē dar āf sin geringe,
 Daz er den zehenden pfenninc
 Von dem, swaz im ze handen kam,
 Ie verstal unde nam.
 Unt wær sin wille vollebrāht,
 55 Als er hāte gedāht,
 Im wæren sunderlinge
 Drizic pfenninge
 In sinen test ze horden
 Von dem guote worden,
 60 Unt dā von was im ungemach,
 Daz im teiles nit geschach
 [148] An der salben also rich,
 Unt dāhte vil anklich
 In dien sinen sinnen,
 Wie er mehte gewinnen
 65 Drizig ander silberin
 Unt dāhte Jēsum geben hin.

Daz Jūdas Jēsum hingap dien cūrsten der ēwarten.

Der arme Jūdas Scāriōth,
 Als im sin glūkeit gebōt,
 Gienc ze der Juden fūrsten hin
 10 Unt ze dien ēwarten unt sprach zin:
 Waz gabiad ir mir miete,
 Ob ich iu verriete
 Jēsum unde iuch vuorte hin,
 Dā ir mōbiunt gevāhen in?
 15 Im lopten si mit gedinge

Drizc silberin pfenninge
Unt gerten der gewarheit
An in, wie daz würde angeleit,
Daz er in werden mohte
10 Heilich äne gebrehte;
Unt swenne daz ware getân,
Sô solde er sine miete hân.

*Von dem nahtezzenne, daz Jêsus
tet mit sinen jungern.*

Dô wart an dem êrsten tage
Der Juden ôstern nâch sage.
[148^b] Die junger sprâchen ze Jêsu:
Sag uns, meister, wâ wilt dû,
Dâ die ôstern machen wir,
Unt dâ wir ezzen die mit dir?
Des entwurte Jêsus in
20 Unt sprach: Gânt in die stat hin,
Dâ vîndet ir, swaz wir sun hân!
Unt sante disc zwêne man
Pêtern unt Johannen
Ze Jérusalêm von dannen
30 Unt sprach: Swenne ir komet ze der stat,
Einr iuch bekumt, der âf im hât
Ein lageli mit brunnen swâr.
Swar der gange, ir gêt ouch dar
Unde sagent dâ bi
40 Dem herren, des daz hûs si:
Unser meister wil bi dir
Dis ôstern sîn, unt bitten wir
Dieh von im, dast ein stat
Uns zeigest, diu die state hât
50 An wite und an gemachen,
Dâ wir daz ezzen machen.
Der wirt zeigende iuch al dar
Ein wit gemach unt schône gar

Und allewis vormezzen:
50 Dâ muochent uns daz ezzen!
Nû giengen disc zwêne man,
Die boten Pêter unt Johan
Unde vunden allez daz,
Swaz in vor gesaget was,
55 Unde giengen âf der vart
[149] Dar, dar in gezeiget wart,
Unt macheten daz ezzen dâ.
Dô vesper zît wart, dô kam sâ
Jêsus mit dien jungern sîn
60 Unt giengen in doz hûs hin,
Dâ si solden ezzen.
Unt dô si wân gesezzen
Und iezo ob tische sâzen
Unt trunken unde âzen,
70 Dô sprach Jêsus ze den jungern sîn:
Ich hân mit al der girde mîn
Mit iuch dis ezziannes bogert,
Ê mich erslahe des tôdes swert.

*Daz Jêsus sinen jungern ir vûeze
wuosch.*

Jêsus von dem tische âf stuont
15 Unde, als die diener tuont,
Leite er von im sîn gewant
Unt begurte sich zehant
Mit einem tuecho hîn
Unt hiez im ein beckin
20 Mit lûtern wazzer tragen dar,
Als er der junger vûeze gar
Wolte twahen dâ mite
Nâch dienestlichem site.
Der herre ob allen herren rich,
25 Seht, wie der diemuote sich
Vallende vûr die junger sîn!

- Unt dô er kam ze Pêter hin,
 (149^b) Pêter sprach: Neweht, lâ stân!
 Wilt dû mir mîne vûezo twân?
 30 Daz sol niemer geschehen.
 Jêsum hört man wider jeben:
 Wesche ich niht die vûezo dir,
 Sô hæst dû teiles nit sam mir,
 Noch kumest sicherliche
 35 Niemer in min rîche.
 Pêter sprach: Lieber meister min,
 Lâ sô getâne rede sin!
 Twach nit min vûezo alleine mir!
 Wan hend unt vûezo biute ich dir.
 40 Jêsus sprach: Swer geweschen ist,
 Der darf nit weschens mê ze frist,
 Wan die vûezo alleine,
 Und ist danne aller reine.
 Nû sit ir alle reine,
 45 Wan einer alleine,
 Der ist alterseine
 Under iuch unreine.
 Diz sprach Jêsus dur daz,
 Wan er wol wisse, daz Jûdas
 50 In wolde hin dien Juden geben
 Und in was râtende an daz leben.

**Daz Jêsus sinen frônlichamen
 sinen jungern gap.**

- Sin gwant nam wider Jêsus,
 Unt do er gesaz, er sprach alsus:
 Wizzint ir nû, waz ich hân
 55 Zomâle gegen iuch getân?
 (150^a) Ir nemmet herre unt meister mich,
 Unt sprechent wol, wan ez bin ich.
 Sit ir mir nû jehz meisterschaft,
 Sô habt diz zeiner bischaft

- 5 Unt zeim gebote dâ bi
 Daz iemer mêre slæte si:
 Ir sult die vûezo einander twân,
 Als ich getwagen iuwer hân,
 Unt sult dur mich diemûetic sin,
 10 Als ich dur iuch gewesen bin,
 Unt sult einander zallen tagen
 Dienen und ouch trinwe tragen.
 Hie nâch nam er brôt ze hant
 In sin heilic werden hanf,
 15 Daz er seginde unde brach
 Unt gap dien jungern unde sprach:
 Nemt und ezzint dize brôt,
 Ez ist min lip, der den tôten
 Dur iuch muoz liden kurzer frist,
 20 Wan daz unwendelic ist.
 Unt nam ze glicher wis ouch win
 In ein kopfe unt segende in
 Unt sprach: Trinkint, dâst min bluot,
 Daz iuch unt mangem wirdet guot
 25 Gegozen vûr die missetât,
 Die menschlich kûnne begit,
 Unt sult ir iemer tuonde sin
 Zeinr gehûde der marter min
 Unt dur der sünden anlûz
 30 Mit iuch trinke mit vûrbaz
 Von binnen, daz die robe birt,
 E diu zit unt diu stunde wirt,
 (150^b) Daz ich mit iuch froeliche
 Trinke in mins vâter rîche,
 35 Swenne ich iuch in die hant slæ
 In entwârtende bin.
**Daz Jêsus vorseite, daz in Jûdas
 hin geben wolde.**
 Hie nâch Jêsus der gaote
 Swære was gemuote

Unt trürte in dem geiste sin
 40 Unt sprach ze den jungern: Mich wirt hin
 Einr iuwer geben an den tót.
 Wé aber dem, von dem diu nôt
 Mir zuo gât unt diu swere!
 Bezzer vil im wære,
 45 Daz er geborn wære nie!
 Von disen worten wurden die
 Junger trüric alle gelich.
 Si dôht diu rede unmügelich
 Unde frâgten under in:
 50 Wer mac dirre arme muedinc sin,
 Der dise untriuwe sol begân?
 Daz soltû, herre, uns wizzen lân.
 Jêsus entwurte in ze hant:
 Ez ist der, der sine hant
 55 Mit mir biutet in diz vaz.
 Meister, bin ichz? sprach Jâdas,
 Der tuon sol dise valscheit?
 Jêsus sprach: Dû hâstz geseit,
 Wer si, der mich verrâten sol
 60 Des hâst dû gefrâget wol.
 [151] Pêter Johanse, dâ er saz
 An Jêsus siten, winkte, daz
 Er in frâgen wolde,
 Wer in verrâten solde.
 65 Also neigte sich Johan
 Of Jêsu Kristes brast herdan
 Unt frâgte in umb diu mære,
 Wer der verrâter wære,
 Der daz mort sôlde begân.
 70 Jêsus sprach: Ez ist der man,
 Dem ich gibe daz getunkte brôt,
 Der mich wirt gebinde an den tót.
 Unt bôt im immitten
 Jêsus ein nazzo sniten

15 Und als schiero er si gesant,
 Der tiuvel vuor in in zehant.
 Jêsus sprach: Des muot hâst dû
 Ze tuonne, daz tuo balde nû!
 Wie Jêsus aber meinde daz,
 20 In allen unbekennet was.

*Daz Jûdas âzgienc, als er Jêsum
hin geben wolde.*

Jâdas nit langer beite,
 Er gieng onwec gereite
 Ze der Juden êwarten,
 Als er den vil zarten
 25 Jêsum in wolde hine geben
 Und im verrâten daz leben.
 Und innan des dû Jûdas
 Gegangen hin ze den Juden was,
 [151b] Jêsus die nder junger sin
 30 Trôste unde hiez si sin
 Einandern gemiane
 Mit einmüetem sinne,
 Unt seite in daz diu swære
 Sin marter nâhe wære.
 35 Unt swenne ez umb in wære ergân,
 Sô solde er von dem tôde erstân,
 Unt wurde si vil manic leit
 Dur in angênde und ereboit.
 Nû dû diu naht anevienec,
 40 Jêsus stuont ûf unde gienc
 Mit sinen jungern von der stat.
 Unt dô si giengen hin daz pfat,
 Dô sprach ze sinen jungern sus
 Der angesthafte Jêsus:
 45 In dirre selben naht noch hint
 Ir alle wenkende an mir sint;
 Swenne ir si schent nâhen,

Die mich wellent vähen,
Sô werdent von vorhen ir
50 Alle fliehende von mir
Unt lăzent mich einen
Dien handen der unreinen.
Ouch sult ir mir gelouben,
Ir werdent am gelouben
55 Zweifelnde an dem tôde min,
Unt swenne ich erstende bin,
Ich kum ze Galylă,
Unt werdent sehende ir mich dă,
Als ich iuch hân vorgesagt.
60 Ir ieglicher sprach unverzagt:
[152] Herre, wir sîn mit dir bereit
Ze gënne ins tôdes erebeit
Unt wen der zuo bi dir bestân,
Swaz nôt dich kan angegân.

*Daz Jêsus Petrô vorseite, daz er
sin verlougenonde wûrde.*

5 Petrô der sprach: Herre min,
Ich wil an dir stete sîn;
Unde wenkens alle an dir,
Ich niemer, daz geloube mir!
Ich bin mit dir ze gënne bereit
10 In den tôdt; kein erebeit
Kan mich von dir gescheiden,
Solde ich mit dir verscheiden.
Jêsus sprach: Ê daz der han
Gevâhe hînt sîn singen an,
15 Petrô, sô wirt min din munt
Verlougende dristunt.
Unt dô Jêsus daz gesprach,
Daz was Petrô ungemach
Unt sprach: Solde ez min tôdt sîn,
20 Ich verlougen niemer din.

*Daz Jêsus ze dem garten gienc,
der under dem berge Olivête ge-
legen was.*

Ein dorf hiez Gethsemani,
Lag Olivêt dem berge bi;
An dem sô lag ein garte,
Dâ Jêsus der vil zarte
[152b] Munge naht was unde tac
Unde ze betende dâ pflic.
Nû was Jûdê wol kunt,
Daz Jêsus ze manger stunt
In dem garten gerne was,
30 Unt schuof mit dien vürsten daz
Unt mit dien êwarten,
Die zallen ziten vârtên,
Wie diu state in tôhte,
Daz in werden möhte
35 Jêsus, daz si in viengin
Und an daz kriuce hiengin.
Und alsô santên si sâ
Mit dem verrâter Jûdâ
Darnâch, als si gerten,
40 Mit stecken unt mit swerten
Ein schar, als zeinem morder.
Jâdas was ir leiter
Unt vuorte si des êrsten hin,
Dâ Jêsus mit den jungern sîn
45 Des nachtes was gescezen
Ze tische unt hâte gezen.
Dâ wânde in noch dô Jâdas
Vinden, unt dô des nit enwas,
Unlanc was dâ sîn twellen,
50 Mit sinen hergesellen
Zogt er zem dorf Gethsemani,
Dem der garte lac bi,

Dâ si bi der stunden
Jêsum inne vunden.

[153] *Daz Jêsus in dem gebete, daz
er ze sinem vater tet, bluot swiste.*

Und è der ungenæme
Jâdas zem garten kæme
Mit sinen bergesellen,
Jêsus aldâ hiez twellen
5 Unt sitzen die junger sin,
Biz daz er gegienge hin.
Unt sin gebet gotete,
Als er willen hæte,
Unde folgten im von dan
10 Pêter, Jâcob unt Johan.
Von disen drin sô was sin ganc
Gegen eines wurfes lanc,
Unt sprach, als im sin angst gebôt:
Min sêle ist trûrig ûf den tôt.

15 Sitzent hie unt beitent min!
Betende unt wachende sult ir sin
Mit mir ein stunde kleine.
Jêsus der vil reine
Gieng ein klein hin danewert
20 Unt strahle sich nider uf den hert
Unt betete an den vater sin
Unt sprach: Von himel vater min,
Unde si ez mugelich,
Sô überhebe der marter mich!
25 Doch sols nit, vater, an mir stân,
Wan nâch dinem willen gân,
Wan swaz dû wilt, vater min,
Daz sol ouch min wille sin.
Nâ wart der engel ze hant

30 In trôstes wis zuo zim gesant,

[153b] Der im starkte den muot.

Jêsus was als ungemuot,
Daz er vil nâhe tôt was
Unt betete langer unde baz
35 Unde vieno den salmen an,
Als ich dâ von gelesen hân:

Deus, deus meus,
Respiece! Unt sprach in âz
Und aht ander dâ bi.
40 In te, domine, speravi,
Den salmen halben er ouch sprach.
Und innan des, dô daz geschach,
Im was von angst else heiz,
Daz er blutigen sweiz
45 Swiste unt die tropfen vielen
Unt ze tale vielen
Von dem frôn anlûte sin
Nider ûf die orde hin.
Sô grôzer vorhte trûrkeit
50 Hâte an ir diu menscheit.
In disen sorgen gieng er hin
Wider zuo dien jungern sin
Unt vant slâfende si
Unt wâr ir ougen dâ bi

55 Von ungemûete swære.
Dô sprach der fröidenlêre
Der angesthafte Jêsus:
Symôn, wie slâfest dû sus?
Mahtest nit ein wile dô,
60 Pêter, mit mir wachen nâ?
Unt dû doch spræche ze mir:
Ich wil sterben mit dir.

[154] Der geist vil snel ist zaller frist,
Daz fleisch aber träge ist.
Jêsus aber wider gienc,
Sin erre gebet er wider vieng
5 Mit disen worten unde sprach:

Vater, mac diz ungemach
 Noch ensol mich nit vergân,
 Sô wil ich unde sol ez hân,
 Unt wil vûr die welt dir geben.
 10 Ze opfer mines libes leben,
 Unt sol din wille an mir geschehen,
 Min wille sol din willen jehen,
 Aber kôrte wider lîn.
 Jêsus zuo dien jungern sîn.
 15 Unt vant si slâfende, als ê,
 Ir ougen wâren swærer mê,
 Danno si wâren dâ vorn.
 Jêsus sprach: doch âno zorn:
 Wachen unde bettent,
 20 Daz ir niht entrent.
 In die versuchunge biuobet
 Jêsus ze dem dritten mâle gien.
 Unt sprach daz selbe gebet,
 Als er ouch ê mâles tet,
 25 Unt ruofte sinen vater an.
 Sin beten dâ mite ende nân.
 Jêsus aber gienc hin wider,
 Die junger lügen noch dâ nider.
 [15b] Unt sliefen: Jêsus zuo zin sprach:
 30 Slâfent unde habt gemach!
 Ez ist genou: Siet uf, wol dan!
 Wir sullen nû von binnen gân,
 Wan diu stundê diu ist komen,
 Daz ich werden sol genomen
 35 Mit der ummiltten handen
 Unt gebunden mit ir banden,
 Wan er uns balde zuo gât,
 Der mich hin gegeben hât,
 Mit dien, die mich went vâhen.
 40 Si sint uns vil nâhen.

*Daz Jêsus von dien Juden ge-
 gangen wart unt daz si Jûdas leite.*

Dô Jêsus noch dâ redende was,
 Dô kam gegangen Jûdas
 Unt mit im ein michel schar,
 Die swert unt stecken brânten dar
 45 Unt vackeln, als si wolden sîn —
 Vânde daz mitte lembelin
 Jêsum, unde kâmen hier
 Zuo zin, als fræzigiu tier.
 Unt dô Jûdas Jêsum sach,
 50 Ze sîn geselleschaft er sprach:
 Swen ich kûsse, den grîfet an
 Unt vûert in gwêrlichen dan!
 Dô diz was angeleit alsus,
 Dô gienc der mitte Jêsus
 55 Gegen dien vîenden sîn
 [155] Unde sprach alsus zuo zin:
 Wen sô suochent ir hie?
 Jêsum den blôeden, sprâchen sie.
 Jêsus sprach: Seht, daz bin ich.
 60 Dô wichen si hinder sich
 Unt vielen zuo der erde nider.
 Jêsus der sprach aber wider:
 Wen suochent ir? Wast iuwer ger
 Ald dur waz sit ir komen her
 65 Ald umbe waz vielent ir?
 Si sprachen: Her stu komen wir.
 Unt suochen Jêsum, der dâ hêt
 Namen von Nazareth
 Unde wellen vâhen in.
 70 Ich seite ez iuch, daz ich ez bin,
 Und ist, daz ir mich went behân,
 Sô lâzent dise himen gân.
 Jûdas gienc, da er Jêsum sach.

Rabbi, got græuze dich! er sprach,
 20 Unde kuste in an der stunt
 Der verräter an den munt.
 Jésus nit versprach den kus,
 Unde sprach zuo zim alsus
 Jésus: Friunt, wie kumest dû
 30 Zuo mir sô vientlichen nû
 Mit dien, sô mit dir komen sint?
 Dû gist hin des menschen kint
 Ze tæten mit dem kusse din,
 Daz frides zeichen solde sin.

[155b] *Daz Pêter Malkô ein ôre ab
 sluoc.*

30 Ein swert Pêter hâte,
 Daz zuhte er vil drâte
 Unt sluog er ungestüemer knabe
 Der viende eim ein ôre abe.
 Jésus sprach: Stôz in din swert!
 35 Swer des swertes hegert,
 Der muoz dû von verderben.
 Wænst dû, solde ich nit sterben,
 Ich enbæte den vater min,
 Daz er mir der engel sin
 40 Zwelf lêgiônes sante
 Unt mit dien erwante,
 Daz ich dien Juden ôf min leben
 Nit enwürde hingegeben?
 Jésus Malkô von der schar
 45 Ruofte zuo zim aldar
 Unde saste im an ze hant
 Daz ôre sin mit siner hant,
 Unt was ôre unt houbt ze stunt
 Worden schône gesunt.

*Daz dem süezen Jésus sin hende
 ze rucke gebunden wurden.*

60 Diu schar und ir verräter alsam
 Jésus anders, danne gezam,
 An griffen bi dien stunden,
 Viengen unde banden
 Im die hende hinder sich,
 65 Einem diebe gelich.
 Do daz sâhen die junger sin,
 [156] Von forhten fliehen si hin
 Unt liezen den reinen
 In der nôt allein.
 Jésus, do im alsus geschach,
 5 Ze den vürsten der êwarte er sprach
 Unt ze den meistern der schar,
 Die in gebunden vuorten dar:
 Ich was bi iuch tegelich
 Im tempel lêrende offentlich
 10 Unde viengent mich niht;
 Nû hânt ir mich nâch der geschicht,
 Als ich ein mördero si.
 Iuwer stunde ist iuch bi
 Unt diu vinster der âkust,
 15 Unt daz ervûlet werde alsust
 Diu wære schrift der wissagen,
 Dâ von muoz ich vertragen.
 Jésus wart gevangen,
 Gebunden harte strangen,
 20 Und als ein übel schächer
 Sêre wart geslagen er.
 Den hals mit manger fleschen
 Begunden si im weschen.
 Si zugen unde zuhten,
 25 Si stiezen unde truhten,
 Dar zuo vuorten si in

Mit manger hande schalle hin.
 Unt dô Pêter daz geschach,
 Er gienc verre hinnâch,
 30 Daz er daz ende sêhe,
 Wie sô daz geschæhe.
 [156b] Nû wart gevûert zo mêrst Jêsus
 In Annen des bischoves hûs.

*Daz Jêsus halsslege unt flezzen
 gegeben wurden unt verspottet
 wart unt der bart im ûz gezucket
 wart,*

In ein vorhûs, wizzet daz,
 35 Ein schænez viur gemachet was,
 Zuo dem Jêsus gebunden
 Gevûert wart an dien stunden,
 Unde muoste sitzen sâ.
 Sum under dien, die wâren dâ,
 40 In villeten nagevuogen,
 Anspuwen unde sluogen.
 Halsslege unde flozzen
 Wart im vil gemezzen.
 Si routen in ûz sinen bart,
 45 Dar zuo sêre er bescholten wart,
 Unde spotteten sin
 Unde muften ôf in.
 Sin antlit unt sin ougen
 In wurden sander lougen
 50 An den selben stunden
 Als ein diebe verbunden.
 Ôf den hals zo menger vort
 Er geslagen von in wart,
 Unt hiezen danne in wissagen,
 55 Wer in hêto geslagen.
 Diz geschach mit flîze
 Bi mangem itewize.

Und innan des, dô daz geschæch,
 Ze Jêsu der bischof sprach:
 [157] Sage uns von der lère din
 Unt wie zûbûc din junger sin.
 Dô sprach ze dem bischove alsus
 Der versmehte Jêsus:
 5 Si dir min lère nit bekant,
 Fråge, die si gehôret hânt,
 Wan si was offenbare vîd ir.
 Guot unt gewære sin, qvare in
 Min zeichen, ders gelouben wil,
 10 Offen wân unt was ir vil,
 In dien synagôgen ich
 Und in dem temple offentlich
 Lêrte ich, swaz ich lêrte.
 Nieman nîrz verkêrte,
 15 Daz ich ziuge an alle die,
 Die min lère gehôrt en.
 Dô gab im einer, der dâ stuont,
 Als dicke noch die schelke tuont,
 An den hacken einen slac,
 20 Der vaste gegen zwein wac,
 Unt sprach: Wie entwîrtest dû
 Einem bischove nû?
 Jêsus sprach: Wes slehstû mich?
 Ob ûbel hân gesprochen ich,
 25 Daz bewære zo stat,
 Wou mich din hant vil ûbel hât
 Geslagen; habe ich aber wol
 Gesprochen, als ich sprechen sol,
 Dô soltest dû mir hân vertragen,
 30 Unde als ûbil nit geslagen.

[157b] *Daz Pêter Jêsum verloungnet.*

Pêter in daz vorhûs gie,
 Bi dem viure er sich nieder lie

Unt dô übel handeln sach
 Jêsum, daz was im ungemach.
 35 Unt dô Pêtern sâhen
 Die diener sume, si sprâchen:
 Dû bist einr der junger sin,
 Als erzeigt diu sprâche din,
 Unt bist von Galilêa.
 40 Pêter in entwarte sâ
 Unt sprach: In weiz, waz ir sagt.
 Ich wart bi ir keinem nie belagt,
 Noch enkenne zewâre in,
 Noch keinen der junger sin,
 45 Noch wart dis menschen junger nie,
 Den ir hant gevangen hie.
 Alsus verlougende ze stant
 Jêsum Pêter dristant
 Mit eiden unt mit worten,
 50 Diu ze loughen hârt.
 Unt dô er getet den eit,
 Als im hote Jêsum vor geseit,
 Seht, dô krâte der han.
 Dô sach Jêsum Pêtern an
 55 Unt marhte iesâ Pêter, daz
 Er übele gevâren was,
 Unt bedâhte des loughens sich
 Unde weinde bitterlich
 Unde stuont ûf unt gieng ûz
 60 Mit mangem siuften vûr daz hûs
 [158] Unt hâte grôze riuwe
 Umbe sin untruwe,
 Daz er ein loughner was gesin
 Sins meisters unt des herren sin.
Daz Jêsum vûr Câypham den bi-
schof gebunden gevûeret wart.
 5 Annâ Jêsum gebunden
 Sante bi dien stunden

Ze Câypâ dur sinen haz,
 Der bischof des jârs worden was,
 Dâ ze semen wâren komen,
 10 Als ir dicke hant vernomen,
 Êwarte unt Phariseen vil,
 Schriben unt Jaden âne zil,
 Vûr die Jêsum bi der vart
 Offenlich gevûeret wart.
 15 Nû wurden si vil drâte
 Samenthalt ze râte,
 Wie der gelimpf in mehte zemen,
 Daz si im daz leben mehten nemen,
 Unt wart geleitet âne zil
 20 Gegen im valscher geziuge vil,
 Noch vunden ûf in sache
 Ze des tôdes ungemache
 Hie nâch giengen von der schar
 Zwên valsche geziuge dâr
 25 Unt sprâchen: Wir hein daz gehœrt,
 Daz er sprach, wûrde zestœrt
 [158b] Der schœne tempel, der hie stât,
 Den menschen hant gemachet hât,
 Den wolde er wider machen
 30 An allen sinen sachen
 In drin tagen ze grechen.
 Daz hœrten wir in sprechen.
 Dô sprach der bischof zuo Jêsu:
 Hœrst dû nît, wie manges nû
 35 Dich Offenlichen dise man
 Leident unde sprechent an?
 Unt sprichest dû ze der geschicht?
 Jêsum sweig unt rette niht.
 Aber sprach zim Câypus,
 40 Dô Jêsum gewigen was,
 Vor dien liuten Offenlich:
 Ich beswer bi gotê dich,

Daz dû sagest: Bist dû Krist,
Der sun des lebenden gotes ist?
45 Dô sprach offentlich Jêsus
Vor in allen alsus:
Sage ichz iuch, waz hilfet daz?
Frâge ich iuch, daz ist âne waz.
Sage unt frâge sint inwilt;
50 Ir lâzent mich darumben niht.
Doch sult ir gelouben mir,
Daz gesehene werdent ir
Und alle liute, die dir sint,
An gotes zeswe des menschen kint
[159] Mit craft unt mit schœnheit,
Als in ein liehtz vulken treit,
Unt dâ bi sô wirdet er
Al der welte rihter.
55 Dâ von gotes sun bist dû?
Ir habent ez gesprochen nû,
Sprach Jêsus, wan ich ez bin.
Dô greif Cāyphas hin
Mit dem worte zo hant
10 Unde zarte im sin gewant
Unde sprach mit grimme
„Einer lûter stîmme:
Dirre hât gotes sinen spot.
Er giht, sin vater daz si got.
15 Ir hânt gehœret dio vergiht.
Geziuge wir bedurfen niht.
Dô der bischof diz gesprach,
Mit schilhen ougen an sach
Jêsum al diu menigiu
20 Unde grenneten an in
Unt begunden allesamen
Gegen im von zorn grisgramen
Unt schriuwen videntliche
Alle âf in geliche

25 Unt sprachen: Wan sol in ersân,
Ir sumelich in spuwen an.
Unt sluogen halslege im genuoc,
Daz er gedulteklich vertruooc.
Dar zuo rupftens im den bart,
30 Daz vil nâch diu lich blôz wart.

[159^b] *Daz Jêsus vûr Pilātum ge-
vûeret wart.*

Die Juden, dô der tag erschein,
Wurden balde des inein,
Daz si gebunden Jêsum
Vuorten vûr Pylātum.
35 Unt dô Pylātus in ersach,
Zuo dien Juden er dô sprach:
Sagent, dur waz habint ir
Disen gevûeret her ze mir?
Waz hât er angegangen,
40 Daz ir in hânt gevangen?
Si sprâchen: Wir hân disen man
Dicke ergriffen dar an,
Daz er daz volk verkêrte
Mit lêre, unt dâ bi werte
45 Unser ê und unser leben
Ald daz ieman soldo geben
Dem keiser keiner slahte
Zins, nâch dienstes ahte,
Unt vindet mangan niuwen vunt,
50 Der uns was biz her unkunt.
Pylātus sprach: Nemt ir in hin
Nâch iuwer ê unt rihtent in!
Si sprâchen: Ez gât uns nit an,
Daz wir tæten ieman.
55 Daz gerihte ist dir bezalt.
Wir entwûrten in diar gewalt.
Nâ bi dien seiben stunden,

[160] Dô Jêsus stuont gebunden
 Vor dem rihler Pylâtô,
 Pylâtus sprach zuo zim alsô:
 Der Joden kûnic sô bistû?
 5 Waz ûbils hâst getân dû nû,
 Daz din eigin liute dich
 Mir geentwârtet hânt? Nû sprich!
 Jêsus sprach: Du hâstz geseit,
 Ich bin ez bi der wârheit,
 10 Ein kûnig unde ein herre.
 Mîn riche ist hinnan verre,
 Ez ist an dirre welte niht.
 Kein liplich ouge mîn riche siht.
 Dô sprach Pylâtus zuo Jêsu:
 15 Dâ von ein kûnic sô bist dû?
 Jêsus sprach: Ein kûnic bin ich,
 Unt hât gesant mîn vater mich
 Her, daz von mir diu wârheit
 Der wolte worde vûr geleit.
 20 Pylâtus sprach ze den Juden dô:
 Ich vinde weder sus noch sô
 An im dekeine schulde hio.
 Rômer reht gelie daz nie,
 Daz ieman umb sô cleiniu wort,
 25 Als ich von im noch hân gehôrt,
 Sûl verliosen daz leben.
 Ir sûlt iuch bedenken eben,
 Ê daz verteilent ieman ir.
 Si sprâchen: Ein ê haben wir,
 30 Nâch der sol er sterben.
 Er sol dur reht verderben.
 [160^b] Swer sich ze kûnge machet,
 Sûn lère diu verswachet
 Mit niuwen vûnden unser ê.
 35 Des went wir nit vertragen mê.
 Er hât dur al die jûdescheit

Al unser volk vil nûch verleit
 Unt hât uns besweret gar.
 Von Galylêa kam er har.

*Daz Jêsus dem kûnge Hêrôdi ge-
 sendet wart.*

40 Dô Pylâtus hôrte, daz
 Jêsus von Galylêa was,
 Von Hêrôdes gewalde,
 Er sande in vil balde
 Gebunden bi dien knechten sin
 45 Hêrôdi dem kûnge hin,
 Der bi dien selben ziten was
 Ze Jêrusalêm, als ich ez las.
 Der kûnc Hêrôdes wart gemeit
 Von Jêsu gegenwûrtekeit,
 50 Wan er der girde wart gewert,
 Der er hâte lango gegert.
 Er dâhte, ez mehte geschehen,
 Daz er von im solde sehen
 Siner wunder einiez.
 55 Jêsus tet enkeinez,
 Noch gerette nie kein wort
 Stênde gebunden dort,
 Noch gab entwûrt dem kûnge nie,
 Swes er in gefrâgte ie.
 [161] Der Juden vûrsten unde ir schar
 Stuonden vor dem kûnge al dar
 Unt leideten mit manger luge
 Jêsum unt mit valscher truge,
 5 Dâ von der kûnc Hêrôdes in
 Versmâhle unde spotete sin
 Unt gab in in spotes wis
 Den rittern sin, daz si ir sitz
 In spote leitûn an in.
 10 Dô nâmen in die ritter hin

Unde kleiten in ze hant
In ein röt pfellolin gewant,
Unt geschach in spöte daz,
Wan er ir aller spot was,
15 Unde sante in wider dô
Dem rihter Pylâtô.

***Daz der verräter Jûdas sich selber
an ein strik erhänkte.***

Dô Jûdas sô grôz ûngemach
Sinen herren liden sach
Unde er Pylâtô was ergeben
20 Ôf den tût und ûf sin leben,
Dô rou Jûdam sere, daz
Er von im hin gegeben was
Unt brähte wider ringe
Die drizic pfenninge,
25 Die im die Juden gegeben
Hetên ûf Jêsû Kristes leben,
Unt schrei mit lûter stimme
In iuweklichem grimme:
[161b] Ich hân gesündet dar an,
30 Daz ich hingegeben hân
Daz rehte bloot des herren min.
Dû tæte ez dir: der schade si din!
Waz gât uns din mein an?
Sprächen die jûdeschen man.
35 Unt dô si gesprächen daz,
Die pfenninge warf Jûdas
Von im in den tempil hin
Unt kërte balde von in
Unt hantke sich an einen strik.
40 Also nam er sins endes sik.

***Daz die Juden bâten, daz man Bar-
rabam lieze unt Jêsum crinzgoti.***

Dô Jêsus wider wart gesunt

Pylâtô, er sammete ze hant
Die Juden alle vûr sich
Unt sprach: Ir habent vûr mich
45 Gêvûeret disen rehten man
Unde sprechent in an,
Er si ein brecher iuwer ê?
Sô ich nû dar umbe se mê
Mit frâge an im erfarende bin,
50 Sô vinde ich nît, dar umb ich in
Sûl mit rehte nœten
Ald in dar umbe tœten,
Noch Hêrôdes kunde an im,
Dô ich gesant in hâte zim,
55 Vinden keine scholde,
[162] Dar umbe man in solden
Letzen an dem libe sin;
Vor dem sô leidetent ir in
Mit allem dem, sô im ze unfromen
60 Unt ze schaden mehte komen,
Unt wart ab im gerihet nît,
Wan daz er mir aber sit
Wart gesendet umbe her.
Nû ist ir site und iuwer ger,
65 Daz ir an iuwer hœchgezît
Einen, umb swaz sache er lit
Gevangen, wellent lâzen:
Wedern sol ich sin strâzen
Dirro zweier lâzen gân?
70 Jêsum alder Barraban?
Der ein offen morder ist,
Ald den, den man dâ nemmet Krist?
Die Juden sprâchen alle
Mit eines mundes schälle:
75 Dû solt uns lâzen Barraban
Unt solt Jêsum behân.
Nû hête Pylâtus

Gesehen gerne, daz Jêsus
 Lidic wære hin bekomen
 25 Unt Barrabâ der lip benomen
 Unt sprach ze den Juden: Waz sol ich
 Ôz Jêsu tuon? Des wîset mich!
 Si sprâchen: Henke, henke in,
 Wan es mag anders nit gesin.
 30 Pylâtus sprach: Waz hât getân
 Ôbels dirre guote man?
 Ich vinde en im kein sache,
 Diu im ze dem ungemache
 Sul nâch rehte bekomen,
 35 Daz im der lip werde benomen.
 Die Juden schriuwen sêre
 [163] Lûter und ie mêre,
 Daz er nit enwankte,
 Wan daz er Jêsum hantke.
 40 Nû wiste wol Pylâtus,
 Daz mit unrehte Jêsus
 Unt dur nît unt dur haz
 Gevangen im geentwürlet was;
 Dâ von stalle er sinen sin,
 45 Wie daz er im gebulfo hin
 Unt daz der Juden tobheit
 Ein kleine wurde hin geleit.
 Dô sprach Pylâtus: Disen man
 Wil ich mit geiseln heizen slân,
 50 Daz er wider iuwer è
 Sich gesetzte niemer mê,
 Unt si dâ mîle iu geriht,
 Daz er ertœtet werde niht
 Unt daz ir sin unschuldic bluot
 55 Nît giezent, daz dankt mich guot.

**Daz Jêsus an ein sûl gebunden
 wart unt geslagen mit geiseln.
 Jêsus wart gebunden**

An dien selben stunden
 An ein sûl vil sêre,
 Daz in selher swære
 60 Unt kunt wart, noch daz ungemach,
 Als von dien banden im geschach.
 Sin unschuldigen hende,
 Die im è mit gebende
 [163] Ze rucken wân gebunden,
 Die wurden im embunden
 Unt wurden im ûf über sich
 Gebunden vaste unt krefteklich.
 5 Von dien, die in bunden è,
 Wart er gebunden aber mê.
 Si bunden im die arme sin
 Über sich sô sêre hin,
 Daz im diu hût dâ von zerbrach
 10 Unt man daz bluot im spreiten sach
 Von sin genegele hin dan.
 Dar nâch begunden si in slân
 Mit geiseln âne alle underschide,
 Daz im elliu sinu lide
 15 Berunnen wân mit bluote gar.
 Sin lip wart aller kezelvâr
 Und als geswollen von dien slegen,
 Daz er sich kûme mahle regen.

**Daz Jêsus dur spot gekrœnet wart
 mit einer dûrnin crône unt dâ bi
 mit rôre geslagen wart.**

Pylâtus ritter nâch der vart,
 20 Dô Jêsus gegeiselt wart,
 Vuorten in bisunder
 Unt samenten dar under
 Daz volk ze semen überal
 Gegen im dur spotes schal,
 25 Unde leiten im die man

Ein pfellolinen rok an,
 Dar über einen mantel rôt,
 (163^b) Als in ir spotic muot gebôt,
 Êmâles im kein gwant gewuoc,
 20 Dô mit dien geisila man in sluoc.
 Si fâhten in spotes dône
 Von dornen eine krône
 Unde truhten im die
 In sin edil houbet hie,
 30 Daz ez wart von dien dornen
 Wunt hinden unde vornen,
 Unt beran der guote
 Dur nit der schulde si.
 Hie nâch gâbens im zehant
 40 Ein rôrin scepter in die hant,
 Wan ir spoten was nit klein.
 Vor im bugen si ir bein
 Unt vielen nider ûf ir knie,
 Als vor einem kûnge hie,
 45 Unt sprâchen spoteren gelich:
 Juden kûnc, got grûeze dich!
 Unde spuwen gegen im hin
 An daz frôn antlûte sîn.
 Hie nâch nâmen si im zehant
 50 Daz rôrin scepter von der hant
 Unt sluogemz an daz houbet dâ
 Unde gâben im dar nâ
 Mængen smæhen halsstreich,
 Daz im der ougen kraft entweich.

*Daz Jêsus dar nâch, dô er gegei-
 silt wart unt verspotet wart, ge-
 vüeret wider zuo Pylâtô wart.*

(164.) Nâch dirre kestegunge alsns
 Wart gevüeret Jêsus
 Mit der wæte pfellolin

Unt mit der crône dârnin
 5 Unt als daz ûzerwelte waz
 Bespuwen unt geslagen was,
 Wider vûr Pylâtum.
 Unt dô er komen sach Jêsum,
 Zuo dien Juden er dô sprach,
 10 Die er ze gegenwârte sach:
 Seht, wâ Cristus gât dort har,
 Iuwer kûnic, nement sin war!
 Ich hân im cleine vertragen.
 Mit geisiln ist er sêre geslagen.
 15 Daz ir erkennent dâ bi,
 Daz er nit der schulde si,
 Dar umb er liden sül den tût,
 Er hât erliten mîchel nôt.
 Von siegen, dar zuo spotes vil,
 20 Daz ich iuch bite unt râten wil,
 Daz-ir genuoc habint dar an
 Unt lâzent leben disen man.
 Er hât getân der schulde niht,
 Daz er ze dem tôde sül geriht,
 25 Von ieman werden, ald von mir,
 Unt râte ich, daz behüetet ir
 Unt dunket mich ze wære guot,
 Daz ir sîn unschuldic bluot
 Iht vergiezet, daz ze frist
 (164^b) Aller schulde unschuldig ist.
 Dô schriuwen die meinen
 Juden ûf den reinen
 Mit vîentlichem grimme
 Einer lûter stîmme
 30 Unde sprâchen: Nim in hin,
 Nim hin unde henke in!
 Henke, henke, nim in hin!
 An ein kriuze henke in!
 Dô sprach Pylâtus: Umbe waz

- 40 Sol im nû geschehen daz?
Ir sult iuch daz bedenken,
Ê ir in heizent henken.
Waz hât er übls getân,
Daz man in sül ze tôde slân?
- 45 Si sprächen: Er hât gotes spot.
Er giht, er si kûng unde got,
Darzuo swechet sîn lère
Der unsirn ê ir êre.
Nû trahte selber âf den spot!
- 50 Einest gibt er, er si got,
Ze dem andern mâle spricht er,
Got der si sîn vater.
Ouch giht er, swenne er ez wil tuon, [165^b]
Er si got unt gotes suon.
- 55 Sus hât er gotes sinen schimpf.
Ist daz nit ein grôz ungelimpf?
Wie mag ein vater unt sîn kint,
Die zwên gesundert libe sint,
{165} Iemer worden ein man?
Jâ kan ez niemer orgân.
Ez ist noch wârt kein got nie mê,
Danne einer; daz giht unser ê,
5 Der himel und erde geschaffen hât.
Nû sich, wâ mite er umbe gât!
Er hât verkêrt vil unser diet,
Des wen wir mê vertragen niet,
Noch wen liden mê den spot,
10 Daz er sich annem, er si got,
Wan ez ist gar ein triegheit,
Swaz er gelêrt hât ald geseit.
Dô kêrte sich Pylâtus
Gegen Jêsu unt sprach alsus:
15 Sage mir, des ich frâge nû,
Wer ald wannan bist dû?
Waz hâstû diner diet getân,
Daz si dich nit wil leben lân,
Unt daz si dir ist als gehaz?
20 Wâ mite hâst dû verschuldet daz?
Jêsus entwurte nit dô
Der frâge sîn Pylâtô.
Des vil michel wunder
Pylâtum nam bisunder,
25 War umbe swige Jêsus,
Unde sprach zuo zim alsus:
War umbe entwürtest dû nit mir?
Weist dû nit, daz ich ze dir
Und über dich gewalt hân,
30 Daz ich dich henke alder lân?
Jêsus sprach: Kekein gewalt
Wær dir über mich bezalt,
Daz dû mir næmist daz leben,
Er wære danne dir gegeben,
35 Unt hât der mære missetât,
Dan dû begangen, der mich hât
Verrâten unde hin gegeben,
Daz ich verliesen muoz daz leben.
Dô diz gerette Jêsus,
40 Dô hête Pylâtus
In vil gerne verlân,
Hête er dehein gelimpf gehân.
Dô wolde es gestaten niet
Diu veige jûdesche diet.
45 Si sprächen: Swie dû lâst in
Sînr ûbeltæte komen hin,
Dû hâst des keisers hulde niht;
Des bis rehte vorpfliht!
Wan swer âf sich kûnges êre leit,
50 Der hât dem keiser widerseit.
Unt dô Pylâtus hâte erhêrt
Der Juden drôlichiu wort,
Daz erschrahte im den muot

Unt sprach: Waz donket iuch guot,
 56 Daz mir si ze tuonne nâ
 Von iuwern künge Jêsu?
 Dô ruoften si alle
 Mit gellichem schelle:
 Dû solt in allen gâhen
 60 In an ein kriuze hâhen.
 [166] Iuwern künic henke ich.
 Alsô, si sprâchen, nit ersprich!
 Wan wir hein kûng enkeinen,
 Wan den keiser einen.
 5 Pylâtus vor in allen dô
 Sin hende twuog unt sprach alsô:
 Unschuldic suln die hende min
 An dis menschen bluote sin.
 Si sprâchen alle in eim getûne:
 10 Ôf uns unde ôf unser sune
 Unde ôf unser nâchkomen
 Sin bluot müeze bekomen!

**Daz Pylâti wip in bat umb Jêsum
 Christum.**

Pylâtes hûsfrouwe dô
 Embôt ir man Pylâtô
 15 Bi einem boten unde sprach:
 Dû solt enhein ungemach
 Am lîbe tuon dem rehten man,
 Der kein ûbel hât getân.
 Er ist der rehten wârheit
 20 Ein lêrer unt der rehtekeit,
 Gotcs friunt ist er vûr wâr,
 Got unt sin geist sint bi im gar,
 Unt dur sins lebens rehtekeit
 Hânt im die Juden widerseit
 25 Unt stellent dur ir nides kip,
 Wie si benâmen im den lip.

Ein engil hinaht zuo mir kam,
 Des trôst unt helfe mir benam.
 [166] Unde buoale vil gar,
 30 Swaz mir arges ie gewar.
 Hienabt der gnote mensche rein
 Din gevangen mir erschein;
 Unt von sinr gegenwûrtekeit
 Ist mir al min siechheit
 35 Ganzeklichen abgetân,
 Die ich vil lange iriten hân;
 Darzuo wart ich embunden
 Von im an dien stunden
 40 Die ich von der gebûrte leit,
 Unt hân gewonnen einen knaben,
 Den wil ich rehte von im haben.
 Unt sit diz heit mir ist geschehen
 Von im, sô gloube ich unt wil jehen,
 45 Daz er als ein mensche getân
 Die gotheit an im müeze hân.
 Pylâtus wart der mære frô,
 Daz ez ergangen was alsô,
 50 Unt wolde in lîdic hân gelân,
 Ald aber gegenwûrteit hân
 Des keisers gegenwûrtekeit.
 Daz was dien Juden sere leit.

**Daz die Juden Pylâtô guot gâben,
 daz er Jêsum Cristum tôte.**

Dô die Juden horten, daz
 Pylâtus in dem muote was,
 55 Daz er wolde lâzen leben
 Jêsum ald in dem keiser geben,
 Daz was in harte swære;
 [167] Unt waz ze tuonne in wære,
 Des sô wisten si nit dô

Unde sprächen alsô:
Swie der keiser disin siht
5 Unde hørt, sô lât er niht,
Er enzürne sêre;
Swie danne sine lère
Römer hørent, unde sehent
Diu zeichen sin, unde ouch erspēhent
10 Sin zuht unt sin site,
Si volgent alle im mite
Unde sprechent sunder spot,
Er si bi mensehen bilde ein got,
Unt gloubent an in alle;
15 Daz wirt uns zeinem valle.
Si werdent komende zo hant
Her mit gewalt in unser lant
Unt nement hin guot unde lîp
Unser kint unt unser wip
20 Unt verherent unser stat
Unt nement, swaz si guotes hât.
Unt wurden vil drâte
Inein mit einem râte,
Daz si Pylâtô gæbin guot,
25 Daz er sin fruntlichen muot,
Gegen Jêsu lâzen solde
Unde in volgen wolde
Und Jêsum hieze norten
Und an dem kriuze tæten.
[167b] Pylâtô daz geboten guot,
Als ez dien rihtern dicko tuot,
Verkêrte sinen guoten sin
Dur sines valles ungewin,
Den er êmalcs Jêsu truoc.
35 Nû wart er herte im genuoc.
Sus wart Jêsus der guote
Nâch der Juden muote
Unt nâch ir willen vil eben
In zo henkenne gegeben.

*Daz Jêsus ze criuzegonne gevüeret
wart unt daz er daz criuze muoste
tragen. In der ebrêischen alten
jârgeschichte buochen.*

40 Nû nâmen die Juden hin
Von Jêsu den rok pfellolîn,
Dô si in vuorten an den tût,
Unt liezen im den mantel rôt,
Wan sie vuorten in bekleit,
45 Biz dâ, dâ er den tût leit.
Nû lügen wider selp dâ bi
Zwei bæsiu holz, diu nâmen si
In der vischenzo Sylôe,
Diu ein stek dâ wâren ê,
50 Unt macheten ein kriuze drûz,
An dem gotes sun Jêsus
Vür aller der menscheit
Missetât die marter leit,
Unt leitenz âf die ahsel sin,
55 Als er ez müeste tragen hin
[168] Nâch ir willen âf den stem,
Dâ er sin heilig ende nam.
Nû volgten im unz âf daz zil
Heidenscher ritter vil
60 Unt Pharisēn ein michel schar
Und ouch der Juden aldar.
Unt dô man in sus vuorte hin,
Ir sume wurfen hor an in,
Ir eteslich mit steinen
70 Wurfen den vil reinen;
Sume stiezen, sume sluogen,
Sume schurgten ungevuogen,
Daz er balde gienge,
Daz man in erhienge.
75 Ouch kêrten sumelich ir fliz
An scheltwort unde an itewiz;

Ir sume in understuonden
An grin en glich dien hunden,
Unt wurben sumeliche
10 Mit anern frevnliche.
Alsus was Jêsus unser got
Der ummitten Juden spot.

*Daz Jêsus daz criuze von mûedi
nit mahte getragen unt daz er
dar under nider viel, unt daz die
Juden Symônem Cyrênêum twun-*
gen, daz er daz criuze vor im truoc.

(168) Jêsus der sêldebære
Von des criuzes swære
25 Und ander manger erebeit,
Dier hâte erliten unde leit,
Under dem kriuze nider saz,
Wan er sô gar verbôwet was
Unt mit dien geiseln geslagen;
30 Dô mahte er nit des kriuzes tragen.
Nû was in einr, hiez Symôn, bi,
Cyrênêus, den twungen si
Unt benôten in genuoc,
Biz er daz selbe kriuze truoc
35 Aldar, dar man ez wolde
Und ouch beliben solde,
Unt muoste volgen Jêsus mit
Mit mangem arbeidsamem trite.

*Daz Marien emboten wart, daz ir
nun Jêsus Christus von dien Juden
gevangen wart. Germânus der
gewâren mære schriber Jêsu unt
Mariæ.*

Mariâ nâch der schriftle sagen
40 Was ze Bethânjâ bi dien tagen,

Unt was der naht in Marthen hûs,
Dô ir lieber sun Jêsus
Ze Jêrusalêm gevangen wart,
Der ir was als ir sêle zart.

45 Morgen fruo wurden der mægt
[169] Disiu mære gesagt,
Wiez allez gevaren was.
Unt dô diu mægt erhôrte daz,
Ir geist erschrak sô sêre
5 Von grimmem herzesêre
Unt von klupfe, den si bie
Von dien mæren emfie,
Daz ir entweich vil gar der sin,
Unt daz si von dem stuole hin,
10 Dar ûfe saz diu werde,
Seic nider zuo der erde
Unt lag in der gebære,
Sam si tût helbiu wære.
Unt dû diu sêze reine
15 Ze sinne kam ein kleine,
Sô daz si wênig âf gesach,
Weinende sî ze dem boten sprach,
Der diu mære ir hâte geseit,
Von ir kindes erbeit:
20 Ôwê, lieber bote, sprich,
Wes versihest dû dich?
Alder kanst dû mir gesagen,
Ob si min sun haben erslagen?
Alder weist iht, war si in,
25 Dô si in viengen, vuortin hin?
Ald wæro dû bi der geschicht
Ze gegenwûrte selber iht,
Dô in die jûdeschen man
Viengen unde griffen an?
[169] Ald wart er an dien stunden
Iht von in gebunden?

Alder weist dû des iht
 Ob er si lebende alder niht?
 Wes trœstest dû herumbo mich,
 40 Ald wes versihest dû dich?
 Ich wil selbiu gân besehen,
 Ob ich in lebende müge sehen.
 Sus gieng enwec Marîâ
 Unt volgte ir mite Marthâ.
 45 Weinende Mariâ schré
 Mit mængem wuofe: Ôwê, ôwê,
 Wê, wê mir armen, daz ich
 Gester alsô sümde mich,
 Daz ich gân alsô von mir lie
 45 Min kint, daz ich nit mit im gie!
 Wê mir, ich armiu müede!
 Waz trâgheit ald waz müede
 Dô ich min kint ze Jerusalem
 Sach mit sinen jungern gën,
 50 Daz ich nit mit in gienc, ôwê,
 Daz verklage ich niemer mê.
 Ich solde mit in sin gegân,
 Sô hête ich rehte getân;
 Wan ich lîhte lebende in
 55 Nû nit vindende bin.
 Wer wert mich armen nû der gebe,
 Daz ich min kint sehe, ob ez lebe,
 Daz ich ob im gesette mich
 Herzeklicher klage, die ich
 [170] Dürste nâch dem kinde min?
 Marthâ, gën wir balde hin,
 Daz mir noch daz heil geschehe,
 Daz ich min einic kint gesehe,
 55 Ê daz ez verderbe,
 Daz ich mit im sterbe.
 Wê mir, wê, der tag ist hie,
 Den ich ervûrtende was ie,

Wan ich alle zit entsaz
 10 Der Juden nit und ir haz,
 Des si vil ungevuogen
 Min lieben kinde truogen,
 Unt seite ie mir daz herze min,
 Daz si tœtende wurdin in;
 15 Und ob min sun nû lebet noch,
 Sô lât man mich armen doch
 In villihte nit gesehen.
 Ôwê, wie sol mir danne geschehen!
 Ôwê, min trûtez kint Jêsû,
 20 Wie gât ez dir, ald wâ bistû?
 Wê mir armen, wê mir wê!
 Jâ gerte ich keines trœstes mê,
 Wan daz daz mehte geschehen,
 Daz ich dich, min kint, solde sehen
 25 Noch zeim einem mâle,
 Sô wûrde mins jâmers kâle
 Ein klein gesenflert deste baz.
 Mag aber niht geschehen daz,
 Daz muoz der armen muoter dîn
 30 Des grimmen tôdes sache sin.
 [170^b] Sus gienc diu maget ûf dem wege
 Mit herzekliches wuofes pflege.
 Unt dô si kâmen in die stat,
 Diu Jerusalem namen hât,
 35 Si hœrten gebrehtes dôz
 Von dien liuten vil grôz.
 Dô sprach diu magt Marîâ:
 Wes dunket dich, min Marthâ,
 Waz tiute dis gebrehtes schré?
 40 Ich vûrht, ez über min kint gê,
 Des ich michel angst hân.
 Wie sol ez im noch hiute orgân?
 Ich vûrhte, si min lieben knaben
 Jêsûm ze tôde erslagen haben,

45 Ald aber diu stunde im si bi,
 Daz er sterbende si.
 Daz volk machet also lich,
 Daz ez zewäre dunket mich.
 Unverre giengen si noch dô
 50 Und sähen, wâ von Magdalô
 Mariâ diu getriuwe
 Stuont in grözer riuwe
 Unt bi ir ander frouwen,
 Die dar wâr durh schouwen
 55 Mit Magdalênen gegân,
 Die dô muosten höher stân,
 Dô man Jêsum mit geiseln sluoc,
 Daz si beweinden genuoc
 Unt beiten des endes sin.
 60 Nû sach diu maget Mariâ hin
 [171] Froun Magdalênen ungehabe
 Unt dâhte, daz ir lieber knabe
 Jêsus in nœten wære,
 Unt wart ir muot sô swære,
 65 Daz ir entweich kraft unde sin,
 Unt seic ze der erde hin,
 Ir hende si ze semen vielt
 Mit der craft, sô si dô wielt,
 Unt sprach: Sag, Magdalênâ,
 70 Wâ ist min kint? Wâ ist ez, wâ?
 Ist ez lebende alder lôt?
 Ald in weler hunde nôt
 Ist min liebez kint Jêsus?
 Ald weler stete lieze daz?
 75 Was ez lebende alder niet,
 Dô din lîp sich von im schiet?
 Mariâ von Magdalô
 Vor weinen kâme entwurte dô
 Unt seig ûf der megde Brust
 80 Ir ungewaltes unt sprach sust:

Ô heiligostiû frowe min,
 Diu liebste, sô mir mac gesîn,
 Ô aller megde bluome
 An kiuschem magetuoome,
 85 Ô himels, erden unt der sterne
 Künigin und ein lucerne,
 Ô völliû leides keiserin,
 Jêsu muoter des herren min,
 [171] Ô sêzeiû magt Marie,
 90 Ô reiniû wandels frie,
 Ungerne ich sage diu mære,
 Si sint ze klagebære.
 Mariâ, dû solt mir si sagen,
 Sprach diu maget, enkein gedagen
 95 Mac hie leider nit gesîn.
 Wie stât ez umb daz kint min?
 Frowe, dîn kint ze dirre frist
 In des tôdes nœten ist.
 Der eingeborne sun din,
 100 Min got unt der herre min,
 Der ungetræsten træster
 Und al der welte behalter,
 Der mir vor allem liebe ist zart,
 An ein sôl gebunden wart
 105 Unt wart dar an der hère
 Gevillt mit geiseln sere.
 Ôwê dô triben si mich hin
 Unt behâten den herren min,
 Unt weiz ich, daz nû stât er
 110 Vor Pylâtô dem rîhter
 Unt daz die Juden ûf dîn kint
 Ieze schrlende sint.
 Dô des leides satto vaz
 Diu magt Mariâ hôte daz,
 115 Si sluoc zuo dien brüsten sich
 Mit mângem schreie jêmerlich

Unt sprach: Wê mir, wê mir, wêl
 Wê mir hiute und iomer mê,
 (172) Daz ich gelebte ie disin tac!
 Diu klage ir also sêre wac,
 Daz diu reine werde
 Seic nider zuo der erde
 15 Under der liute henden,
 Des maht si niemen wenden,
 In aller der gebære,
 Sam ir gewunden wære.
 Unt dô gesâhen diu wip,
 20 Diu dâ wâren, waz ir lip
 Hâte grôzer ungehaben,
 Dô mahten si sich nîr enthaben,
 Si beweinidin sêre
 Marien herzesêre.
 25 Unt dô diu kûneginne
 Ein wênic kam zo sinne,
 St sprach: Ich wil hin gân,
 Mich mit minn kinde tôten lân.
 Sus stuont âf diu vil werde.
 30 Mariâ von der erde
 Und lte weinende hin
 Dar, dâ man verteilte in.
 Nû gienc Mariâ Cléophâ
 Der magt ir swester alles nâ
 35 Mit andern guoten frouwen,
 Die dâ wârn dur schouwen;
 Den ouch volgte in jâmers sito
 Mariâ Magdalénâ mite.
 (173^b) *Daz Mariâ ir kint Jêsum*
eûeren sach ze kriuzgone.
 Unt dô dis frouwen alsus
 40 Bekâmen zuo dem ribthûs,
 Si sâhen ingegen in dort har

Zogen ein vil michel schar,
 Die Jêsum bl den stunden
 Mit in vuorten gebunden,
 45 Der âf siner ahsil truoc
 Daz holz des kriuzes swær genuoc.
 Ir sume nâch ir unheile
 In zugen an einom seile,
 Ir sume in sêre sloogen,
 50 Sume schurgten ungevuogen.
 Dô daz diu magt sin muoter sach,
 Ir herzen wart als ungemach,
 Daz ein riden grôz alhie
 Si von klupfe bevie.
 55 Si weinde sêre unde schrê,
 Ir herzen dem was also wê,
 Daz diu reine zarte
 Daz hâr ir selber zarte
 Unt krazte ir wengel wolgetân,
 60 Daz daz bluot dâ von ran,
 Unt lie vil mangen wilden schrê.
 Ôwê, min liebez kint, ôwê,
 Ôwê, min lieber sun Jêsch,
 War ald wie vûert man dich nû?
 65 War sô gâhest dû hin,
 (173^c) Herzeliabez kint min?
 Si zannent dich reht als ein vihe.
 Dîn criuze ich dich tragen sihe,
 Dar an si dich went noten,
 70 Henken unde tôten.
 Mit dirre klage Mariâ
 Gieng im weinende alles nâ,
 Unt die andern frouwen, die
 Mit ir wâren gânde hie
 75 Weinden alle getliche
 Mit ir herzekliche.
 Unt dô Jêsum kam zo dem tor

Und im die vrouwen uf dem spor
 Gevolgic wären alle mite
 15 Mit manger klage in jäners site,
 Als si im an dien stunden
 Der marter sin erbunden,
 Er kërte sich zin unde sprach,
 Dô er si weinende sach:
 20 Ir tohtern von Jerusalem,
 Lânt umb mich iuwer weinen stên
 Unt clegint nit die marter min!
 Ir sult über tuch selber sin
 Weinende und über iuwer kint;
 25 Diu ze klagenne sint,
 Unt weinet den slac, der ze frist
 Iuwer diete künflig ist!
 Ez werdent komende diu zît,
 [173b] Daz man dien den segen gît,
 30 Die unberhate sint
 Unt die nie gesougten kint.
 Diu vorhte wirt in angetân,
 Daz si die böbele ruofent an
 Unt die berge dâ blîben
 35 Daz si vallen über si,
 Und in fride unt schirm geben,
 Daz si behalten daz leben.

*Daz Jêsus sin muoter tröste ze der
 marter gende. Sanctus Ignâzjus.*

Uf ir kindes brust diu magt,
 Als si von leide was verzagt,
 40 Viel und âf die arme sîn,
 Unt was sô grôz ir leides pin,
 Unt weinde, als âz der shte,
 Daz si nit reden mahte.
 Dô tröste si ir kint Jêsus
 45 Unde sprach zuo zir alsus:

Ô sâezestiu muoter min,
 Dû solt sô gar beswært nit sin
 Umb die marter mino
 Noch umbe mine pine,
 50 Wan ich sterbende bin
 Dur der welte heils gewin
 Unt werde erstênde am dritten tage
 Unt wil wenden dine klage.
 Mir tuot wirs ze mâle,
 55 Muoter min, din kâle,
 [174] Dan mir tuo min selbes nôt
 Unt min grimmeklicher tût.
 Mir wundet min herze
 Dines herzen smerze,
 60 Mô danne al diu marter min,
 Die an mir siht daz ouge din.

*Daz Jêsus ze Golgathâ sins ge-
 wandes entnaket wart unt mit
 ezzich, mit gallen unt mit myrren
 getrenkt wart unt mit wessen mer-
 doren anderwarp gekrœnet wart.
 In dem ewangêljenbuoche.*

Der sâeze Jêsus hie nâ
 Gevûeret wart ze Golgathâ,
 Daz Calvârje ist genant,
 10 Unt wart im alles sîn gewant
 Ab gezogen, daz er bar
 Wart an allem libe gar,
 Unt gâben im mit mirrun win,
 Dâ galle und ezzich wären in
 15 Gemischet, des dô Jêsus nie
 Tropfen in den munt gelic,
 Wan er wiste wol, daz
 Daz selbe trank bitter was.

Hie nâch in spotes dôno
 20 Macheten si im ein krône
 Von merbinze, der vorne
 Was spitzer, danne dorne,
 Unt trûhtens in daz houbet sin,
 Des er leit noch mœren pin,
 [174^b] Dan von der krône dârnin ê.
 Im wundote der binz mê
 Sin houbet daz frône,
 Dan diu dûrnin krône.
 Sus leit daz reine houbet sin
 30 Von zweier hande krône pin.

*Daz Jêsus gekriuzegot wart. Pêter
 der Essêr.*

Hie nâch si vil unwerde
 Daz kriuze zuo der erde
 Wurfen unt strahen ze frist
 Dar ûf den heiligen Krist,
 35 Unt sluogen nagel isinin
 Im dur hende unt vûezen sin.
 Unt nâch dirre mâze alsus
 Wart gemartert Jêsus.
 Dô si daz heilic kriuze wert
 40 Geleitn nider ûf den hert
 Unt der megde sun sô zart
 Nakent darûf gelegt wart,
 Si tanden dem vil sûezen
 Die hende zuo dien vûezen,
 45 Daz al sins libes vuoge hic
 Von dem tenen sich zerlie
 Unt von dien crebeiten
 Im tœnten sam die seiten.

*Germânus der wâren mære
 schrîber.*

[175] Waltawahs und âdern sin

Des êrsten tanden si im hin
 An kriuzes ort die linken hant;
 Darnâch tandens im ze haut
 5 Die rehten an daz ander ort,
 Unt wurden beide sâ durport
 Mit zwein nageln isinin;
 Mit den verzwîhten si in
 An daz kriuze sêre.
 10 Hienâch wart der hêre
 Getenet über des kriuzes wal
 Bi dien vûezen ze tal
 Alsô sêre hernider,
 Daz elliu sines libes lîder
 15 Wichen von ir vuoge.
 Sô rehte ungevuoge
 Wurbens nâch der schrîfte sagen,
 Zwên nagel woldens hân geslagen
 Dur iedwedern sinr vûeze ein.
 20 Dô schrankte Jêsus ein bein
 Über daz ander bein hin,
 Dâmite er die schame sin,
 Die im nâch der menschheit
 Diu natûre hâte angeleit,
 25 Vor dien lîuten bûrge alsô,
 Wan er nît anders hâte dô.
 Si hâten in blôz unde bar
 Getân des sins gewandes gar.
 Dâ von schrankte Jêsus
 30 Bein über bein alsus
 [175^b] Unt verdahto, als im gezam,
 Dâmite sines libes scham.
 Nû wolden im die unfremen
 Ein bein vom andern hân genomen
 35 Unt vuoz abe vuoze hân getân
 Unt wolden im geslagen hân
 Durh iedwedern der vûeze sin

Einen nagel isin.
 Dô hâte den vuoz Jêsus
 40 Sô vaste, daz sin sô noch sus
 Mit keiner slahte dinge
 Vom andern mahten bringen.
 Darumb er si sô sere klam,
 Daz nieman sêhe sine scham.
 45 Unt dô die gotes leiden
 Die vûeze nit gescheiden
 Von einander kunden,
 Dô sluogen im zo stunden
 Ein nagel âne underscheide
 50 Dur die vûeze beide
 Unt zwihten si vil vaste
 Zuo des kriuzes aste.
 Nû was, als sis hâten gedâht,
 Alsus sin marter vollebrâht.

*Von der klage, von dem sêre unt
 von der betrûbe, die Mariâ hâte
 unt leit, dô si Jêsum ir kint kriuz-
 gen sach. Ignâzjus martirer.*

[176] Mariâ daz erwelte vaz
 Dâ ze gegenwârto was,
 Dâ Jêsus ir sun sô zart
 An daz kriuze erhenket wart,
 5 Unt hête sonfter tûsunt
 Tôde erliten sâ ze stunt,
 Dâne daz grôze ungemach,
 Dô si ir kindes marter sach.
 Weinende si sich dar bôt
 10 Unt bat, daz man ir den tôt
 Vûr ir kint antâte,
 Ald daz ir leben hâte
 Mit ir kinde ein ende.
 Vil jâmerlich ir hende

15 St want mit grôzem wuofe
 Unt manges schreies ruofe,
 Unt wêr hin zuo gerne gegân,
 Do enwolten si die liute lân,
 Die dem kriuze wâren bi,
 20 Juden unt Pharisêi
 Unt heidenschere ritter,
 Der gemûete bitter
 Ôf Jêsu Kristes marter was.
 Si wâren tætlîch im gehaz
 25 Unt dâ von wolden si nit lân
 Mariam zuo dem kriuze gân,
 Swie gerne diu muotes swære
 Dar gegangen wære.
 Des wurden ir leides schricke
 30 Sô grôz unt sô dicko
 [176^b] Und als siuflêbere,
 Daz ir von leides swære
 Also gar entweich der sin,
 Daz si des himils kûnigin
 35 Nâch lieblôsem unwerde
 Viel nider zuo der erde.
 Aber si weinende ôf stuont,
 Als die leides satten tuont,
 Unt viel aber wider nider
 40 Spêhende vûr unde wider
 Dicke unde dicke
 Mit manges siuften schricke,
 Ob si niehte gesehen,
 Wie ir kinde wære geschehen.
 45 Unt dô si in emplæzen sach,
 Dô wart ir als ungemach,
 Daz si wêllichen schrê:
 Wê mir armen, iemer wê!
 Wie sihe ich dich handeln nû,
 50 Min zarter trûter sun Jêsu?

Nû zoch diu leides rîche
 Mariâ snellekliche
 Ein tuoch ab ir houbte dô
 Unt gab ez von Magdalô
 55 Marien unde bat si
 Flizeklichen dâ bi
 Daz si ir den dienest tæte
 Unt cteslichen bære,
 Daz er daz tuoch ze stunde
 60 Ir kinde umbe bunde.
 Mariâ Magdalênâ
 [177] Lette der magt Marien sâ
 Daz tuoch ûf ir houbet wider,
 Unt nam si ein anderz sider
 Unt bat einen von der sehar,
 5 Der kômen was dur schouwen dar,
 Daz er daz tuoch ze stunde
 Umb Jêsum hûffe bunde.
 Nû sach des himels kânigîn
 Diu magt anderwarbe hin,
 10 Wâ man ir kinde anschône
 Ein durmæe crône
 Druckende ûf sin houbet bôt.
 Si viel in ein niuwe nôt
 Unt weinde unt wuofte harte,
 15 Ir brasto si nit sparte,
 Sin slûge dar und aber dar
 Unt zarte ir selber daz hâr
 Unt lie dâ bi vil mangel schrê:
 Wê mir, min kint, wê mir, wê!
 20 Mir muoz sin an mich selber zorn,
 Dast ic von mir wurde geborn,
 Sit dâ sô mangel wize bist
 Gegeben unt sêre ze frist.
 Aber dô diu maget sach
 25 Ein grôzez niuwez ungemach;

Si sach, daz ir kint sô zart
 Jêsum geworfen nider wart
 30 Ôf daz kriuze: si erschrê
 Michels wêlicher danne ê.
 Wê mir, min kint! Wie jâmerlich
 [177b] Hânt si geworfen nider dich!
 Unt dô der sælden arke
 Mariâ sach sô starke
 Tenen Jêsum den sêzen
 35 Bi henden unt bi vûezen
 Unt wie si nagel isinîn
 Dur hende unt die vûeze sin
 Mit herten hamern sluogen
 Stark und ungevuogen,
 40 Dô viel diu reine sêze magt,
 Als si von leide was verzagt,
 In ummacht zuo der erde
 Unt lag in der geberde,
 Sam si verschneiden ware.
 45 Sô grôz sô was ir swære
 Und ir herzen ungemach,
 Daz man an ir kein leben sach.
 Der hitze der natûre gar
 Was si worden also bar,
 50 Daz des lebens zeichen kein
 Niender an ir libe schein,
 Wan zoberst an ir brust, dâgegen
 Ir wundex herze was gelegen,
 Dâ wart man des lebens gewar
 55 Ein kleine, swanne ic fluchte dar
 Wilent under stunde
 Daz herze leides wunde.
 Marien swestern und ouch die
 Andern frowen, die dâ hie
 60 Ze gegni wâren, dâ der melt
 Angesiget hâte ir leit,

[178] Sô daz si unversunnen lac
 Und alles sinnes verpflic,
 Si begunden sêre weinen
 Unt dâmite erscheinen,
 5 Daz in was leit Marien leit
 Unt Jêsu Kristes erebeit,
 Dô si in kriuzigen sân
 Unt dur sin hende unt vûeze slân
 Scharpfe nagel isinin,
 10 Und ouch sâhn die muoter sin
 Vor in ligen alse tôt
 Von der klagelichen nôt,
 Die diu sâlderbære meit
 Von leide an ir herzen leit.
 15 Unt dô diu wandels frie
 Diu leides riche Marie
 Ein klein ze sinne komen was,
 Der last ir leides vuogte daz,
 Daz in unsinne si ôf stuont,
 20 Als dicke unsinnige liute tuont,
 Rechte in der gebære,
 Als si vil krefstic wære,
 Unt begunde al umbe spehen,
 Waz ir kinde wære geschehen.
 25 Unt dô siz noch dô mætern sach,
 Daz ir herze nît brach,
 Daz was michel wunder.
 Unt dô si sach hierunder
 Einen nagel isinin,
 [178^b] Slâhen dur die vûeze sin
 Unt heften an des kriuzes stam,
 Dô was ir nâ geschehen, sam
 Ir vornen was geschehen ê,
 Si weinde sêre unde schrê,
 35 Unt was sô jæmerlich ir klagen,
 Daz ez kûme iemân kan gesagen.

Unt swie dicke unsers heiles kamer
 Hôrte hellen den hamer,
 Mit dem anz kriuze wart geslagen
 40 Ir kint, si huob ein niuwez klagen
 Unt gienc si solich riden an
 Unde ein schûten, daz ir zan
 In ir reinen munde
 Klaffeten ze stunde
 45 Unde schrê sô jæmerlich
 In der ahte unt dem gelich,
 Als dur ir reinez herze wert
 Gienge ein wol gesliffen swert,
 Alsô was nâch der schriftu sage
 50 Ir zeim ieclichen slage;
 Ein sunder schricke kâle
 Kam ir ie ze mâle
 Unde ein niuwez ungemach,
 Sô si den hamer zûchen sach.
 55 Ein solich weinen alhie
 Unde ein wûefen si anvie,
 Als houbet unde ir herze wunt
 Wærint samenthaft zestunt;
 Si want ir hende, ir brust si sluoc,
 [179] Si zitterte unde weinde genuoc
 Von dem grôzen leide,
 Daz ânc underscheide
 Jêsu muoter diu sêze meit
 65 An ir reinem herzen leit
 Sô grôz sô was ir swære,
 Waz ir ze tuonne wære,
 Daz si des ze stunde
 Niender wizzen kunde
 10 Si zarte mit ir hende
 Hâr unde gebende,
 Ir reinez houbet si sluoc,
 Ir hinfel kraste si genuoc,

Daz gwant ir selber si zebrach,
 15 Als toup tet si ir ungemach.
 Under stunden viel si nider
 Unt kam aber danne wider.
 Wilent si saz, wilent si stuont,
 Als entsinnete liute tuont,
 20 Unde in aller dirre nôt
 Ir hende si vil dicke bôt
 Gegen ir lieben kinde hin.
 Si twang ir grimmeklicher pin
 Ūf weinen unde ūf sôlhen wuof
 25 Unde ūf sô klagelichen ruof,
 Daz ez an der stunde
 Der liute vil begunde,
 Die dâ wân, erbarmen
 Unt weinden mit der armen
 30 Magt Marien, diu sô gar
 [179^b] Aller trœstegunge ist bar.
 Si alles unsers heiles hort
 Schrê vil dicke disiu wort:
 Ôwê, kint min, ôwê, kint min,
 35 Wer wil als erbermic sin,
 Daz er mir tuo mit dir den tôt
 Unt mich enthefte dirre nôt?
 Nement mich vil armen unt
 Henkent anz kriuze mich ze stunt
 40 Unt toedent mich geswinde
 Mit Jêsu minem kinde!
 Ôwê, wer wil über mich
 Vil armen magt erbarmen sich
 Unt minem leide ein ende geben,
 45 Mir benemende daz leben?
 Ôwê, kint min, ôwê, kint min,
 Lâ mich vûr dich sterbende sin,
 Ald tuo die genâde mir,
 Daz ich sterbe mit dir,

50 Ald gip, daz dirre smerze
 Zerstücke mir min herze,
 Daz ich mit dir verderbe
 Unt smerze unt lip ersterbe.
 Ôwê, min liebez kint Jêsu,
 55 Gip ze sterbenne mir nû
 Mit dir alder âne dich
 Unt trœste alsô din muoter mich!

***Daz Jêsus über die in kriuzgoten
 bat.***

Als unschuldeklliche
 Gotes sun von himelriche
 [180] Alle sine marter leit,
 Mit als grözer gedullekeit
 Leit er si, daz er ze stunt
 Nie getet ūf sin munt
 5 Ômmê, danne ein leumbelin
 Sprichet an dem tôde sin.
 Ômmê kein wort er ie sprach,
 Swaz im marter geschach,
 Wan daz er sinen vater,
 10 Sô grôze diemuot hâte er,
 Umb sin kriuziger ze stat
 Flêlich unt flizekliche bat
 Unt sprach: Ich bite dich, vater min,
 Dast âne zorn lâzest sin
 15 Gegen in, die mich din kint
 Alsus marterende sint,
 Wan in ist daz unbekant,
 Waz si tuont ald begangen hânt.

***Daz daz criuze mit Jêsu daran
 hangendem ūf gerihet wart unt
 gesteckt in einen stein.***

Wie nâch daz kriuze de kriuciger
 20 Mit Jêsu dem behalter

Daran hangendem alsô
 Ribten uf ze berge dô
 Unt stahen ez in einen stein
 Zwischen morderen zwein,
 20 Die umb ir mort erhenket wân,
 Daz si hâten getân.

Sanctus Ignâzjus.

[180b] Also schamelliche
 Wart von himilriche
 Gotes sun erhangen.
 30 An im wart begangen,
 Marter mër, als an im schein,
 Danne an dien morderen zwein.

*Von dem leide, daz Mariâ hâte,
 dô si Jësum ir sun uf heben sach
 an dem kriuze. Glossâ über daz
 ewangëljum.*

Dô Mariâ sach uf hân
 Daz kriuze, und ir kint daran
 30 Hangen, ir wart also wê,
 Daz si weinde unde schrê
 Also jëmerlichen
 Und also vesteklichen,
 Daz enkein geschrift dâvan
 40 Ze vollen gesagen kan,
 Noch kein zunge ze rehte
 Dâ von gesprochen mehte.

*Von manger hande geschreie, der
 geschach, dô Jësus an dem kriuze
 uf gehaben wart.*

Dô Jësus Christus also zart
 Uf an dem kriuze erhaben wart
 45 Unt mit im daz kriuze rein

Gestecket wart in einen stein,
 Sich buop manger hande schrê,
 Dise ruofen: Ôwê!

[181] *Êwangëljum Nicodemi.*

Jen weinden, sume schriuwen
 Mit klagelichen riuwen,
 Ein schulten, dise spoteten sin,
 Die andern anterten in,
 5 Ir sume vor dem kriuze
 Macheten ein gubiuze
 Unde hâten sin ir spot,
 Ir sume clegten sinen tôd
 Unt weinden bitterliche,
 10 Dô si sô jëmerliche
 Jësum vor in sâhen,
 An dem kriuze hâhen.

*Von Jësu Kristes gewande, daz
 die ritter under sich teilten, unt
 von der schrift, die Pilâtus uf
 daz kriuze leite.*

Die ritter, die der mcgde kint
 Jësum marterende sint,
 15 Die teilten sin gewant alhier
 Unt macheten drüz teile vier
 Unt gebielten hierunder
 Sinen rok bisunder,
 Der dâ niender hâte
 20 Keiner slahle nate.
 Nit teilen in! sô sprâchen si,
 Unde spilën dâ bi,
 Wem er ze teile werde!
 Si sâzen zuo der erde
 25 Durh huote vür daz criuze nider.
 Die Juden gien ze hûse wider.

[181^b] Nû schreib ein schrift Pyfátus
 Mit disen worten alsus
 An ein kleinez tavillin
 30 In ebrísch, krieichsch und in lóttin:
 Jésum Nazaréens der
 Juden küníc, der nách ir ger
 Unt dur ir grímmeklichez klagen
 Ist alhier ze tóde erslügen.
 35 Unt hante daz távollin
 Ob Jésum an daz kriuze hin.

Daz der magt Marien wec gegeben wart zuo dem criuze unt von der clage, die si dô tet.

Dô daz lút von dem kriuze kan
 Unt diu magt dar wec gewan,
 Si kërto dar vil bolde.
 40 Ir klage was manicvalde
 Unt wart vil gröz ir ungemach,
 Dô si sô jâmerlîchen sach
 Hangen vor ir liebez kint.
 Nû denken alle, die dir sint,
 45 Mit wie grözzer swære
 Diu magt geladen wære,
 Dô si ir kint ze málte
 Sach mit des tódes kâle
 Ringen unde wanden
 50 Unt mit sinen handen
 Unt mit dien vûezen sin getant
 An des frönen kriuzes rant.

*Theóphylus der wâren mære
 schríber.*

[182] Si lief aldar mit klagender nôt,
 Ir hende si ze berge bôt
 Unt wolde in allen gâhen

Im die vûeze vâhen
 5 Unt mahte mit gereichen dar,
 Wan er hienc ze hôhe gar.
 Des wart ir michels wîrs denne è,
 Si weinde, wuofte unde schrê
 Und umbevienc des kriuzes stam,
 10 Der bloutvar was allersam,
 Unde kuste daz blout,
 Daz von ir kindes wunden wuot
 Harnider zuo der erde
 Unt nách ir jâmers gerde.
 15 Dô kâlte si tropfenglich
 Mit einer niuwen klage sich
 Unt neig íeclichem flúzze
 Sunder mit eim kusse.
 Und íecliche wîze, die
 20 Leit Jésum an sîm lîbe hie,
 Beweinde sunder sêre
 Mariâ diu vil hêre.
 Unt dô aber daz geschach,
 Daz si diu geiselzeichen sach
 25 Berunnen mit bluote,
 Mit weinen si wuote,
 Unt dô si sach sin wunden
 Geswullen und unverbunden,

[182^b] Mit klagelîcher stimme
 30 Ôz siustoberem grimme
 Si mit mangem trehen schrê:
 Wê mir armen, iemer wê,
 Wû mir der zeichen, diu ich
 An mîns kindes lîbe sich,
 35 Der sô vil ze dirre frist
 An sinem zarten lîbe ist
 Mî bluote gar berunnen!
 Wê mîner ougen wunnen,
 Wê mîch der sinen wunden,

40 Die ze disen stunden
 Sô sêr unt sô geswollen sint!
 Ôwê, Jêsu, min trûtez kint,
 Wie sihe ich sô jêmerlich
 Verwundet allenthalben dich!
 45 Wie hânt dich, min kint sô zart,
 Der geisiln slege zerzart!
 Wê mich, mines lieben knaben,
 Wie ist sin houbet durhgraben
 Hinden unde vornen
 50 Mit spitzigen dornen!
 Wê mir, vil liebez kint min,
 Wie ist daz schœn anlûte din
 Entschöpfet von dien streichen,
 Daz man menschlich zeichen,
 55 Ob ez dekeines ie gewan,
 Kûme kiesen kan daran!
 Din hufel unt din wangen
 Beidiu hât bevangen
 Manger hande unsûberkeit.
 [183] Wurdens ie schœn ald gemeit,
 Daz schinet nû vil kleine,
 Wan si sint unreine
 Gar unt gar bespiuwen
 5 Von dien ungetriuwen.
 Ôwê, sô ist din houbet
 Mit slegen beloubet
 Unt sô sêr zerknollen,
 Daz ez dir ist geswollen.
 10 Wê mir der nagil, liebez kint,
 Die dir dur hende unt vûeze sint
 Alsô jêmerlich geslagen!
 Wie sol diz leit ich ûbertragen?
 Kint min, kint min, ôwê, kint min,
 15 Gip mir, vûr dich den tôl din
 Ze liden, ald ende min gir,

Daz ich sterbe mit dir!
 Ôwê, daz dirre smerze
 Mir brichet nit daz herze,
 20 Swenne ich dich, kint, verderben
 Vor mir sihe unde sterben.
 Wê mir, min kint, diz ist daz swert,
 Von dem mir vor mangem vert
 Seile in dem tempel Symeôn,
 25 Daz dû bûte Salomôn,
 Dô ich mit dir darin bekam
 Und er dich an sin arm nam
 Unt dich gûetlich an sach,
 Er seite mir vor unde sprach,
 30 Mir wûrde daz swert der marter din
 [183b] Gênde dur die sêle min.
 Daz wort nû hie bewæret sich,
 Dû stirbest libs, des geistes ich.
 Kint min, kint min, ôwê, kint min,
 35 Lâ mich für dich sterbende sin
 Alder tuo die gnâde mir,
 Daz ich sterbe mit dir!
 Ô sûezez kint min, wie lâst dû
 Mich din armen muoter nû
 40 In sô grôzem leide
 Mit diner hinscheide?
 Ald wie wilt dû vergezzen min
 Und ungetrôste lâzen sin
 45 Von nieman in ir leide hât?
 Wê, wê hiute und iemer mir,
 Wie wîrde gescheiden ich von dir!
 Gemahel, sun unt fater min,
 Herre, geselle unt bruder sin,
 50 Kunderst dû wol ie und ie?
 Ôwê, nû verliur ich hie
 An dir allen min ûfhap

Unt miner fröiden leitestap,
 Dú einr dinr muoter einic kint,
 15 Dú sun ir pflege áne underbint
 An vater und an gemahel stat!
 Ôwê, nû wirde ich entsst
 Des eingebornes Kindes min!
 [184] Áne vaters trôst sô muoz ich sin.
 Vaters unde Kindes ich
 Verweist werde jämmerlich.
 Darzuo muoz ich verwitwet sin
 20 Des süezesten gemaheln min.
 Wê mir dirre leide!
 Miner fröiden ougeweide,
 Wie wil diu mir sô zergân!
 Ôwê der leide, sô ich bân!
 25 Kint min, kint min, ôwê, kint min,
 Lâ mich vûr dich sterbinde sin
 Alder tuo die gnâde mir,
 Daz ich sterbe mit dir!
 Wê mir armen, wê, wê,
 30 Nû bân ich trôst noch hilfô mê
 Unt nieman, noch dekeinen râ,
 Der ze slate mir gestât.
 War ich kêre ald waz mir si
 Ze tuonne, der wizzind bin ich frî.
 35 Unt dâ von, min kint, bite ich,
 Dast über mich erbarmest dich,
 Unt dû nû verhengest, daz
 Ich áne dich lebe vûrebaz.
 Min geminneter sun Jêsu,
 40 Bis gegen mir nit herte nû,
 Wan dû mir dort unde hie
 Getriuwe wære unt milt ie.
 Kint min, kint min, ôwê, kint min,
 Lâ mich vûr dich sterbinde sin
 [184] Alder tuo die gnâde mir,

Daz ich sterbe mit dir!
 Ôwê, wie hât sô jämmerlich
 Min fröide an dir verkêret sich
 In leit und in trûren nû,
 35 Die ich hâte, kint, dô dû,
 Mins lîbes süeziu burde,
 Von mir geboren wurde
 Unt dô die engel suoze
 Sungen dir ze gruoze
 40 Unt dô des niuwen sternes schîn
 Ze lobe erschein dir, kint min!
 Diu fröide mir ze dirre frist
 In herzeleit verkêret ist
 Und ist min lip unt min leben
 45 Êwekleihem wuofe ergeben.
 Ich sol eht weinen iemer mê.
 Aber si zir kinde schrê:
 Wes swigest dû nû, kint min,
 Unt lât ungetrœstet sin
 50 Din armen muoter in der dol,
 Der geist ist bitterkeit vol?
 Und ist, min liebez kint, daz dû
 In dirre wîze stirbst nû
 Unt mich din reiner süezer munt
 55 Lât áne trôst ze dirre stunt,
 Sô ist nit ze tuonne mir,
 Wan daz selbiu mich nâch dir
 Des grimmen tôdes sterbe
 [185] Und alsô verderbe
 Min angst unt daz herzeleit,
 Diu dar din nôt min herze treit.
 Ô min eingebornes kint,
 60 Mir als min eigin sôle gemint,
 Erbsrme über din muoter dich
 Unt lâ mit dir sterben mich!

**Daz Jêsus an dem kriuze hangende
sin muoter tröste. Sanctus Ignâzjus.**

Swie Jêsus der vil reine
Mahte reden kleine
10 Von der grimmen marter nô,
Doch er siuer muoter bôt
Aller megde gimuen
Mit heisramer stimmen
Süezen tröst, als er dô
15 Mahte und ez sich im gezw,
Wan im ir weinen unde ir schrê
Tet vür sin selbes marter wê
Unt sprach: Liebiu muoter min,
Dû min êniu unde ich dîn,
20 Gehabe dich minor marter baz,
Wan wizzist, trût min muoter, daz
Al miner marter smerze
Wundet nit min herze
Sô sêre, als dîn weinen tuot
25 Unt dîn ungetröster muot.
Miner nagil wunden
[185^b] Mich engent nit ze stunden
Sô sêre, als die trehen dîn
Verwandent daz herze min.
30 Die hamerslege mir nit sô wê
Tuont, als dîn klagelicher schrê.
Unt dâ von liebiu muoter min,
Lâ dîn klage unt dîn weinen sin
Umbe unnes libes têt,
35 Wan ich muoz liden dise nô
Von mins vater gebote
Himels und erde gotte,
Von dem ich gesendet wart
Zuo dñem kiuschen libe zart
40 Unt von dir muoter her bekomen,

Unt hân daz fleisch von dir genomen,
In dem ich lide dise nô
Vâr al der menschheite têt.
Unt swie vor der welte ich nû
45 Stirbe, doch solt wizen dû,
Daz ich am dritten tage erstân
Unde ich muoter, des nit lîng
Ich tröste unt gesêhe dich
Darzuo, muoter min, gib ich
50 Unt lâze dir ein tröster
Und ein getriuwen pfleger,
In des pflege dû solt leben
Und er dir dîn nôdürfte geben.
[186] Daz ist Johans der jûnger min,
Mâg unt sun der swester dîn,
Dem ich holt was ie und fer
Den nim vür mich ze kinde bi
5 Und bis vür mich diu muoter sin
Unt pflegê er an mir stete dîn
Einem vater geliche
Trût muoter min, noch tröste mich
Dar disen tröst einteln sin
10 Unde lâ dîn weinen!

**Daz Jêsus hangende an dem kriuze
sin muoter sant Johanse beval.**

Bi dem kriuze hêre
Stuont weinonde sêre
Der vil heilligo man
Êvangelistâ Johan.
15 Dô sprach der süeze Jêsus
Zuo zim ab dem kriuze alsus:
Johannes, lieber friunt min,
Dâ solt dir lân bevolhen sin
Die muoter min an miner stat,
20 Diu tröst noch rât von nieman hât,

Unt diene ir unt gib ir dā bi
Swes diu moget dūrflic si,
Unt habe si, min friunt guoter,
Als si si din muoter!
25 Dā bis ir kint an minen stat!

**Von dem ewangēljō unt sanctus
Ignāzjus.**

Johannes, des in Jēsus bat,
Von dem grōzen smerzen
Sins leidigen herzen
Im mahte noch enkunde
30 Geentwūrtē an der stunde,
Unde dō der hēilige mān
Johan einklein zim selber kan,
[186] Er sprach: Herre unt meister min,
Swaz dā wilt, daz sol allez sīn.
35 Ich leiste gerne, daz dā
Sprichest unt gebimest nū,
Unt wil hān in minen pflege
Din reinen muoter alle wege
Unt wil ir sīn undertān
40 Mit allen dīngen, swā ich kan,
Unt wil ez als der frouwen min
Ir iemer bietende sīn.
Nū stuont bi dem crūze dā
Frouwen vil, die Jēsu nā
45 Von Galytā wān gegān.
Der was, als ich vernomen hān,
Der magt Marien swestern zwō,
Ouch stuont dā bi von Magdalō
Mariā diu gotriuwe
50 In klagelicher riuwe,
Und ir swester Marthā
Stuont ouch in grōzem leide dā
Unt beweinden Jēsus nōt

Unt sinen grimmeklichen tōt.
55 Und ander frouwen was dā vil,
Der ich nīt kan noch nemmen wil,
Dien Jēsu Kristes erbeit
Was ein grimmez herzeleit,
Als si wol erscheinē,
Wan si sere weinden.

[187] Ouch stuonden dā ze māle
Mit claglicher kāle
Der junger sumeliche
Unt weinden herzekliche
5 Unt clegten ir herren nōt
Unt sinen jamerlichen tōt.

**Daz die Juden Jēsum hangenden
an dem crūze schulten unt sīn
spoteten.**

Dō Jēsus an dem crūze hienc,
Manic Jude unvuoge an im begienc
Mit schelten unt mit spotte.
10 Vor unserm herren gotte
Nutten mit den hōuptern si
Unde ruoften dā bi:
Vāch, der daz tempel nider
Brichet unde machet wider
15 Zallēm greche in tagen drin,
Als ez sol ze rchle sīn!
Swie nū gotes sun ist er,
Sō gange ab dem kriuzg ber
Unt schirme daz leben sīn,
20 Sō gelouben wir an in.
Ander er behālen hāt
Unt tuot im selber keinen rāt.
Er mag im selber nīt gefromen
Noch ze keinen staten komen.
25 Tōten hiez er āf stān

Beidiu frowen unde man:
 [187^b] Gotes hilfē er izeo gert.
 Wil got, der wirt er gewert.

**Von dien schächern, zwischen dien
 Jēsus Christus erkenket wart.**

Der schächer einer, zwischen die
 20 Jēsus erkenket was, nit lie,
 Er smælte Jēsum, zin er sprach:
 Zwiu lidest dū diz ungemach?
 Behalt dich selber nū ze frist
 Und uns nit dir, ob dū nū bist Krist.
 30 Dō sprach der ander schächman
 Ze sin schächgenōzo: Lā stān,
 Dū habe sin nit disen spot!
 Unde vūrttest dū nit got,
 Lā sin din itewize!
 40 Dū lidest glich im wize.
 Wir liden umb verschulte tāt,
 Dirre aber keine schulde hāt.
 Er ist unschuldig und ist reht
 Noch tet nie kein unreht.
 45 Nū kerte sich der schächman
 Ze Jēsu hin unt ruofte in an
 Unt sprach: Herre, gedenke min,
 Sō dū kumst in daz riche dīn!
 Dō sprach der milte Jēsus
 50 Zuo dem schächman alsus:
 [188] Gewerlichen sag ich dir,
 Dū wirst hiute mit mir
 Dur dīn rede wise
 Gevūert inz paradise.

**Daz ein vinstri wart über alle die
 welt, unt daz Jēsus mit ezzich ge-
 trenket wart unt daz er sinen geist
 von im liez.**

• An der sehten stunde anvienē

Ein vinstēr, diu die welt durgienē,
 Diu werte unz āf die nōne zit,
 Als uns diu schrift urkūnde git.
 Unt dō nōne zit was komen,
 10 Dō wart von Jēsu vernomen
 Ein ruof vons herzen grimme
 Einer grōzen stimme:
 Hely, hely, Elōy,
 Lama zabachtāni?
 15 Daz sōl man alsō verstān:
 Min got, wie hāt dū mich verlān?
 Aber sprach dō Jēsus:
 Ich hān daz trank getrunken āz,
 Daz mir min vater gebiez,
 20 Dō er mich menschen werden biez,
 Hie nāch sprach er: Nū tūrstet mich.
 Dō brāhte man dar ezzich,
 Darin ysopo was geleit
 Dur destē mēre bitterkeit.
 25 Daz trank sī tātē in ein rōr
 Unt bundenz an ein sper vor
 [188^b] Unt butenz āf ze stunde
 Gegen Kristes munde.
 Unt dō des trankes Jēsus
 30 Versuochet hāte, er sprach alsus:
 Geendet ist ze dirre frist
 Swaz von mir geschriben ist.
 Unde schrē ze dem vater sin:
 Vil lōte unt sprach: Vater min,
 35 Ich bevīl in dīne hant
 Den geist min. Unt neigte ze hant
 Daz houbt unt lie den geist dā hin.
 Diu gotheit underwant sich sin,
 Noch schiet sich durh kein geschicht
 40 Von im noch von dem libe niht.
 Swie der lip den geist von im hie
 Von der natūre tōde lie,

Doch sô brâhte si sider
 Diu gotheit ze semen wider,
 40 Noch tet sich nie des libes abe
 Diu hôhe gotheit in dem grabe,
 Unt was ouch ein geselle
 Des geistes hin ze der helle.
 Sus geschiet sich alhie
 50 Diu gotheit von dem libe nie
 Unt was herunder doch bekleit
 Diu sêle mit der gotheit.
 Sus hâte lip unde geist
 Der gotheite volleist,
 [189] Unt was in âne underscheit
 Beiden bi diu gotheit.

*Von der magt Marien klage, die
 si hâte an ir kindes tôde.*

Dô Mariâ hâte erhört
 Ir kindes schreies lestiu wort
 5 Unt mit dem ruofe ez sterben sach,
 Daz ir herze nit enbrach
 Von leide hierunder,
 Daz was und ist ein wunder,
 Wan von leides laste
 10 Ir herze was sô vaste
 Unt sô grimmeklich geladen,
 Daz ir herzesêres schaden
 Kein herze kan betrachten
 Noch kein mensche gahten,
 15 Wan der, dem herzeswære
 Leit geschehen wære.

*Germânis der gewâren mære
 schriber Jêsu unt Marien.*

Nû merk ein ieclich mensche hie,
 Wie sinem herzen wære, wie,

Ob er sin eingebornex kint
 20 Sæhe slahten als ein rint
 Âne alle schuldo sine:
 Swaz er hân mehte pine,
 Daz wære ein kleinez ungemach
 Wider daz der magt geschach,

[189^b] Dô zir angesiht verdarp

Ir kint ond an dem criuze starp,
 Daz nit alleine (wizzent daz!)
 Ir kint, wan ouch ir vater was.
 Gemahel, bruoder, herre

30 Wûrweser in ir werre,
 Ir lebens was er ein tûshap
 Und ir gedinges leitestap,
 Ir meister unt geselle,
 Ir trôst in ungefelle,

35 Ir huoter unde ir helfer,
 Ir got unde ir schöpfer
 Was ir liebez kint Jêsus,
 Dem ez ergangen was alsus,

Daz von ir sunder sünden dorn,
 40 Als vor geseit ist, wart geborn,
 Daz diu kûniginne
 Mit ir lide gewinne

Âne vaterlichen rât,
 Der kinder wol ze staten stât,
 45 Hâte erzogen siniu jâr
 Mit muoterlicher liebe gar,
 Unt was dâ von ir herzesêr
 Danne ander muotern nichels mêr,
 Dô si ir frôiden weide

50 Sach in des tôdes leide

Durmartert unt zerspangen
 Und an dem criuze hangen
 [190] Unt daran ersterben

Unt jêmerlich verderbon.

Nà stuont diu magt Mariā
 Weinende vor dem kriuze dā
 5 Unt want diu seldenbære
 Von grimmer herzeswære,
 Diu Kiusche an missewende
 Vil jæmerlich ir hende
 Unde klegte ir ungemach
 10 Mit mangem trēhen unde sprach:
 Kint min, lā mich sterben
 Mit dir unt verderben
 Unde bueze min nôt
 An mich sendende den tôt.
 15 Wê mir armen, wê, daz ich
 le geborn wart, daz mich
 Sô manig arbeit sol bestān
 Unt des nit über werden kanf
 Wê mir, liebez kint min,
 20 Der manevallen marter din,
 Der si hant ertötet dich!
 Wê mir, daz nieman tötet mich,
 Daz ich mit dem kinde min
 Sterbende enditi den pin,
 25 Der mir dur daz herzo gāt
 Unt mich doch leider leben lāt!
 Ôwê, tôt, waz sparst dû mich?
 Wā hān verschult ich umbe dich,
 Daz dû mich nit zo mālē,
 30 Nimst von dirre kälē!
 [190b] Wan minem leide wart nio leit
 Gelich noch minner erebeit,
 Daz mir sô jænnerlich zo frist
 Min liebez kint ertötet ist.
 35 Ô mines lîbes sœzeiu frucht,
 Ô mines tröstes genuht
 Unt mines heiles zuoversiht,
 Ô aller miner girde pfliht,

Ô erebære vater min,
 40 Ô mines herzen sunnenschîn,
 Wê mir, min geminnetez kint!
 Wie dir dîn lide erstorben sint!
 Wie lāst dû, min sun guoter,
 Mich dîn armen muoter
 45 Geladen mit sô manger nôt
 Âne allen tröst? Unt bist dû tôt?
 Kint min, kint min, ôwê, kint min,
 Lā mich nit dir sterbende sîn!
 Mir ist nāch dir sô rehte wê:
 50 Kint min, lā mich nit leben mē!
 Ôwê, ja muoz ich iemer clagen
 Min kint, daz si mir hant erslagen.
 Allen muotern bite ich hie,
 Die liebez kint gewonnen ie,
 55 Daz si weinen mit mir.
 Getriuwen vater, weiat ouch ir,
 Dien liebez kint gegab ie got,
 Unt klagt mit mir mins kundes tôt,
 [191] Daz mir armen dirre frist
 Âne alle schulde ertötet ist.
 Getriuwen wîtwen, weint ouch ir
 Unt helfent min leit klagen mir,
 60 Wan ich an im verweis bi
 Vaters unt des kundes min.
 Ôwê, kiuschen megde, klagt
 Mit mir min leit, daz mich verzagt
 Tuot umb min eingebornēz kint,
 10 Wan ir sin gebunden sint.
 Iwer gemahel, als der min,
 Er was, swie ich sîn muoter bin.
 Nā ist er an dem kriuze tôt.
 Ôwê mir armen dirre nôt!
 15 Ein ieclich mensche erbarme sich
 Über min kint und über mich!

Ich hân leit, sô ist ez tôt.
 Wê mir der elagelichen nôtt
 Wê trôstes min, von dem ich bin
 20 An dem geminneten kinde min
 Von diên gotes leiden
 Juden nû gescheiden;
 Daz nie menschen dort noch hie
 Schedlich wart noch swære nie.
 25 Ez was milt unt gewære,
 Diemüete unt fridebære,
 Guote lère kunde er geben,
 Des vil nütze was sin leben.
 Wê mir der marter, die si an
 30 Min lieben kinde hânt getân!
 [191^b] Ôwê wan tœtent si nû mich,
 Als si hânt, kint, ertœtet dich,
 Daz ich stürbe mit dir?
 Sô wære wol geschehen mir.
 35 Kint min, kint min, ôwê, kint min,
 Lâ mich mî dir sterbinde sin
 Alde wende min nôtt
 An mich sendende den tœtt
 Ôwê, min liebez kint Jêsu,
 40 Wie hât sich in ein trûren nû
 Verkêrt diu grôze fröide min,
 Die ich hâte an der gebürte din,
 Unt die ich empfie der stunt,
 Dô mir din engel dich tet kunt,
 45 Unt dô dû nâch dîns willen gir
 Kæme in minen lip zo mir.
 Dû weist ez wol und ist dir kunt,
 Daz ich nie ze keiner stunt
 Man nâch fleischlicher gelust
 50 Nie begerte sô noch sust
 Unt daz ich miner kiusche wielt
 Alsô daz ich si rein behielt,

Diemüetende mit aller gir,
 Swê mite ich kunde, mich vor dir,
 55 Unde emflienc dich ein magt,
 Allen mannen gar versagt,
 Unt truoc dich in dem libe min
 Sunder alles smerzen pin.
 [192] An smerzen ich dich ouch vil gar
 Her an dise welt gebar,
 Sô daz mich nie beruorte leit
 Von menschlicher brædikeit
 5 Unde beleip nâch der gebürte magt,
 Allen sünden versagt.
 Jêsu, liebez kint min,
 Ich fröite mich der gebürte din,
 Dô mit frœlicher gir
 10 Die engil loblich dienten mir
 Unt dô daz zeichen geschach,
 Daz ich den niuwen sternern sach,
 Unt dô diên hîrten vûrgeleit
 Wart dîns gewaltes hêrheit
 15 Unt dô die driu künge rich
 Êrten mit ir gâbe dich.
 Trûtez kint min, dô dû sô
 Wurde geêret, ich was frô.
 Nû hât der fröiden sêzeikeit
 20 Sich mir verkêret in ein leit
 Mit der marter din, die dû
 Hât jæmerlich erliten nû.
 Kint min, kint min, ôwê, kint min,
 Nim mich von der welte hin.
 25 Und êre mich der einen gebe,
 Daz ich ermiu nûmmê lebel
 Waz sol ich lebende âne dich?
 An dich sô trœstet nieman mich.
 Hei wie zillich wart geleit
 [193^b] Ôf min kint grôz erebeit!

Hērōdes gegen im sinen zorn
 Wante, dōz ērst wart geborn,
 Dāvon ichz muosto ze hant
 Flōchen in Ēgiptelant,
 30 Des ich manig erebeit
 Ūf der selben strāze leit
 Von hunger, turste, hitze,
 Unt manges frostes bitze
 In Ēgyptelanden.
 40 Mit erebeit miner handen
 Zōch ich dich, min kint, siben jār
 Vil unberāten dicke gar
 Biz ūf die wlderwende,
 Daz uns von dem ellende
 45 Der heilig engel latte sider
 In die jūdischeit her wider.
 Unt do wir nāchs engils lōre
 Wārn ūf der widerkēre,
 Wir līen ander warbe leit
 50 Von manicvalter erebeit,
 Diu in der wūesten uns bevlenc
 Und uns ze handen dicke gienc.
 Wir līen hitze unt frostes vil,
 Turst unt hnnger āne zil,
 55 Unt hāten dā bī dicke
 Manger vorhte schricke
 Unt līen von mūede erebeit
 Ūf irren wegen unde leit.
 [193] Sus zōch ich dich, kint min, vōrwār
 Biz ūf niun unt zwēnzic jār
 Āne aller helfe gewin,
 Wan der blōzen hende min.
 60 Ōwē waz hāte ich sūezekoit
 Von diner gegenwūrtikeit
 Unt trōstes, des ich hōrte
 Von mangem sūezen worte!

Dū war mir milt unt senftgemoet
 10 Bescheiden ie sūeze unde guot
 Unt wære ouch ie mins willen gar.
 Unt swaz mir arges ie gewar,
 Daz war ouch, liebez kint, dir.
 Min leit dū hulfe tragen nīr
 15 Unt wære, als guotem kinde zām,
 Mir ie und ie gehōrsam;
 Dū woldest ie, swaz wolde ouch ich.
 Ōwē, nū mnoz ich scheiden mich
 Von dem hongesūezen trōste min
 20 Unt von der angesichte din.
 Liebez kint, nū stirbest dū
 Unt lāst mich einen worgēn nū
 In angestlicher kēle
 Libes unde sēle,
 25 Wan Jōseph den pfleger min
 Hāt ouch der tōt genomen hin,
 Unt hangest dū hie vor mir tōt.
 Wie ich gebāre in dirre nōt
 Ald war ich mich kēre
 30 Bī dem herzesēre,
 [193^b] Des welz ich armit kleinen.
 Dā von māg ich wol weinen.
 Unt dā von, liebez kint min,
 Wilt ich dich blēnde sin,
 35 Daz dū genēdekliche dich
 Erbarmen wellest über mich
 Unt mir die genāde geben,
 Dast mich an dich nīt lāzest leben
 Und alsō wendest diu leit
 40 Miner klāgenden erebeit.
 Kint min, kint min, ōwē, kint min,
 Lā mich mit dir sterbende sin
 Unt tuo die genāde mir,
 Daz ich sterbe mit dir.

45 Wê mir des liebsten Kindes min,
Mines Herzen sunnen schin,
Wie ist der sô genötet
Unt so jämmerlich ertötet
Mit wizo mangerhande

50 Nâch des tôdes andel!
Wê mir armen, wie ich bin
Entwert des lieben Kindes min,
Daz hie vor mir ze dirre frist
Jämmerlich ertötet ist!

55 Wê mins tôten Kindes wê!
Diu magt Mariâ dicke schreô
Wie ist ez mir ertötet hie
Eines tôdes, der ich nie

[194] Vor im gehôrt was noch gesehen,
Noch keinem menschen geschehen.
Ô eingebornz kint min,
Ô liebez trût der muoter din,
60 Ô mines libes sôeziu frucht
Unt vater aller schœner zuht,
Minner unt geleit
Aller wârheite.

Liebez kint, gedenke an mich!
10 Des bîte ich flîzcklichen dich.
Dû lâ mich dich erbarmen
Unt tröste mich vil armen
Durh die heilig urstende din,
Ze der ich dingende bin!

15 Wan entröste mich niht
Din urstendi zuoversiht,
Sô verdarbt mich ze stunt
Daz leit dîns tôdes hundert stunt.
Dis klago und ander elage vil,
20 Der ich nit kan noch sagen wil,
Tet diu maget hêro
Von grôzem herzesêre.

*Daz von Marien ougen bluotige
trehen fluzzen von dem übrigen
weinen, sô si tet. Theophylus der
gewâren mære schriber.*

Von leide hâte sich diu magt
Sô sêr verweinet unt verklagt,
25 Daz ir ougen von der nôt
Wâren worden bluotes rôt
Und ir brâwen durschaben,
Daz si wâren erhaben,

[194] Unde ir hîufel rôsevar
30 Wâren erblichen gar,
Unt was ir anlût überal
Von trehen smeker unde val,
Unt was in vil gar verseit,
Ob ez ie schen wart ald gemeit.

35 Nû was ir weinen alse grôz,
Daz si bluotige trehen gôz
Von bitterkeit ir herzen
Unt von ir leides smerzen.
Ir weinen unde ir wuofen,
40 Ir schrien unde ir ruofen,
Daz zir kinde tet diu magt,
Ir stimme tet alsô verzagt,
Nâch heisramer sûme,
Sô daz si rette kûme.

45 Von leide engiengen ir diu lîder
Unt viel ir ungewaltes nider
Diu reine sôeze werde,
Als âne sin, ze der erde.
Unt dô si ze sinne kam,

50 Ir houbet si in ir hende nam
Unt saz vûr daz criuze aldar
Unt nam ir Kindes libes war,
Unt ze ieclichem amblicko

Nam si niuwe schricke,
 50 Sô si ir ougen wunnen
 Mit bluote sâch berunnen
 Unt tôten hangen vor ir,
 Si schrê mit wundes herzen gir:
 [195] Kint min, kint min, ôwê, kint min,
 Lâ mich mit dir sterbende sin!
 Tuo, min kint, die gnâde mir,
 Daz ich sterbe mit dir!
 5 Ô eingebornez kint min,
 Über mich, die muoter din
 Alles liebes armen
 Rooche dich erbarmen
 Unt lâ mich ersterben
 10 Ze mâle unt verderben.

*Marien Magdalênen klage an Jêsu
 Kristes tôde. Von der Ebrêschen
 êvangêljô.*

Nû stuont bi der mogde dâ
 Mariâ Magdalênâ,
 Und als ir triuwe erscheinde,
 Si wuoſte unde weinde
 15 Sô sêre ûz der mâze zil,
 Daz ez dâ der liute vil
 Erbarmen sô begunde,
 Daz si bi der stunde
 Mit der getriuwen reinen
 20 Begunden sêre weinen.
 Mariâ Magdalênâ schrê
 Dicke unt dicke: Wê mir, wê,
 Ôwê mir armen sûnderin,
 Wê des vil lieben herren min,
 25 Der von dien Juden dirre frist
 Sô manger wize ertôtet ist!
 [195b] Wê mines tôten schôpfers,

Libs unt minr sêle behalters!
 Wê mir des lieben herren min,
 30 Der dur der Juden nides pin
 Ist alhie gelegen tôtl
 Gotes sun unt selber got,
 Wê daz diu ungetriuwe diet
 Dem an sin leben ie geriet,
 35 Der dur der liute sâlikeit
 Von himel her ûf erde schreit.
 Er wart, als mir wol ist bekannt,
 Bi dem engel gesant
 Zuo der maget ôzerkorn
 40 Unt mensche von ir geborn,
 Dar zuo weiz ich, daz diu magt
 Einer muoter ist, dâ bi versagt
 Undo gar verbannen
 Ir lib allen mannen.
 45 Noch hât ir sun enkeinen
 Vater, wan got alleinen,
 Unt was her ûf erde komen.
 Israhêle ze fromen,
 Unt daz er gwaltekliche
 50 Des kûngs Dâvides richo
 Brechte wider unt den val
 Menschliches kûnnes über al,
 Unt daz er die sûndere gar
 Aller sûnden tete bar,
 55 Wan er was der sûndere
 Ein milter trêstere
 [196] Unt ruochte sich erbarmen
 Über den val der armen,
 Ouch hât er gnâdeclich geleit
 An mich sin erbermkeit,
 60 Dô er von mir sûnderin
 Verjagte siben tiuvel hin,
 Mit dien ich besezzén was,

Daz si rûnden mins libes vaz.
 Und alsô reinde sin gnâde mich,
 10 Von tiuveln unt sünden gilch
 Unde gap mir in den sîn
 Riuwe der sünden mîn
 Unt vergab unt lie mir si
 Zuo der buoze dâ bi,
 15 Unt bestâte mich sin huote
 An riuwigem muote,
 Dô ich mich bôt ze den sûezen
 Sinen reinen vûezen
 Unt die begôz mit trehen gar
 20 Unt wuschte dar nâch an mîn hâr
 Unt si mit einer salben
 Dursalbete allenthalben,
 Dô versmâhte nie sîn lip
 Mich vil sündigez wip,
 25 Swie daz er wære geborn
 Von einer moget ûzerkorn.
 Wê mir, wie sol ich mîn leben
 Auvâhen ald wer sol mir geben
 Hinnan vûr helfo oder rât,
 (196^b) Der mir armen ze staten stât.
 Er was nâch mines herzen ger
 Mîn getriuwer trœster
 Unt was mîn sêle sunder spot
 Gemahel, schöpfer unde got.
 30 Ôwê nu hât sîn lôt verseit
 Mir sines trôstes sûezekeit!
 Hei wan solte daz nû sîn,
 Daz ich wære tût vûr in?
 Ô sûezex liep der sinne,
 40 Ô reiner herzen minne,
 Ô aller sêlen fröidenspil,
 Ô aller sûeze ein ûberzil,
 Ô hôchgelobter Jêst,

Elliu mîn gir bist einer dâ.
 45 Ô trôst der, die geloubic sint,
 Dû des himilschen vaters kint,
 Verlich mir gnâdeklîch, daz ich
 Erstanden schiere schouwe dich,
 Diu mit sô grôzem smerzen
 50 Libes unde herzen
 Dich nû sihe ersterben
 Unt jæmerlich verderben.

***Von der clage Marien Cléophé unt
 Marien Zebedei der magt Marien
 swestern, die si tâten an Jêsu
 Kristes tôde.***

Der magt Marien swestern zwô
 Cristes muomen stuonden dô
 (197) Ouch bi dem frônen kriuze hêr
 Unde weinden vil sêr
 Unt sprâchen: Ôwê leiden,
 Diu wir an disen beiden
 5 An unsir swester unde an ir
 Kinde mûezen sehen wir,
 Daz sô manger kâle
 Ertôtit ist ze mâle.
 Ôwê wie sûln wir tuon?
 10 Wir vûrbten, daz si dur ir suon,
 Von jâmer sich sô næte,
 Daz si sich selber tœte,
 Wan wir kunnen noch emnugent
 Getrœsten ir vil reinen jugent.
 15 Sol si ir lieben suns embern,
 Wer mac si danne trôstes wern?
 Si mac getrœsten nieman,
 Swiez ir iemer sol ergân,
 Sit si ir kint ûzerkorn
 20 Hât sô jæmerlich verlorn.

Jâ mugin wir wol mit ir klagen,
 Daz unsir oheim ist erslagen,
 Dem nie gelich ze keiner vart
 Geschen in der welte wart
 25 An werken noch an worten,
 Diu ze guote hórten,
 An wundern noch an zeichen,
 Diu nieman kan erreichen,
 An rechter lère, an wisheit
 [197^b] Und an des lebens heilikeit.
 Zucht unt tugentliche site
 Wönten im von jugent mite.
 Reht als ein engel lebte er
 Ôf von sinr muoter libe her.
 35 Im was ein götlichez leben
 In sinr kintheit gegeben,
 Sô daz er darinne nie
 Keine tórheit begie.
 Ein milt, ein reinez herze er truoc,
 40 Allt unt wise genuoc.
 Unt dô daz reine kindellin
 Noch dô lag in der wiege sin,
 Mit narnowe noch mit weinen
 Muote ez sin muoter kleinen,
 45 Noch beswârte nie dâ bi
 Mit keinen sachen uns noch si,
 Alsô gedulteklichen leit
 Bresten dis Kindes kintheit.
 Unt dôz ze sinen tagen kam,
 50 Sô grôz wisheit ez an sich nam
 Unt wuohs in sô grôzer tugent
 Ôf von siner êrsten jugent,
 Daz sin friunde gemeinlich
 Alle sament frôiten sich,
 55 Und alle, die bekanden in,
 Nam wunder der fûrneme sin.

Dannoch hâte er genâden mê.
 Âlliu buoch der alten ô
 [198] Unt der wissagen buoch dâ bi
 Las er, vernam unt kunde si,
 Daz er si nie ze keiner vart
 Von niemanne gelêret wart,
 5 Noch gelêrte disin knaben
 Nieman dikeinen buochstaben.
 Alles unrehtes hazzet
 Was er unde ein lêrer
 Der ô unt gotes worde,
 10 Unt swaz die zuht anhôrte,
 Daz lêrte er allez ûnsêr kint,
 Diu sin junger worden sint.
 Wir woltenz hân dâvûr, daz er
 Wær gotes sun und ein lêsêr
 15 Aller Israhêlscher diet.
 Unser swester geriet
 Sin muoter werden berhaft
 Von siner götlichen craft.
 Si enpfing in unt gebar in magt
 20 Allen mannen gar versagt.
 Ôwê, nû sehen sterben wir
 Unsem oheim mit ir!
 An dem kriuze stîrbet er,
 Sô tœtet si des leides sêr.
 25 Ô swester wandels frie,
 Frowe unt magt Marie,
 Ô Kristes muoter reine,
 Nit sô sêre weine
 Unt senfte ein kleine dîn leit
 30 Vûr unsir kûnftig erebeit,
 [198^b] Daz wir komen nit ze nôt,
 Ob dû von leide ligist tôt,
 Unt trœste mit dem trœste dich,
 Daz dîn kint sô sicherlich

25 Dir seite, daz ez wolde erstân.
 Dar tûf solt dû dich wol gebân.
 Dar zuo gehiez er uns, daz wir
 In sehen solden mit dir.
 Dô disiû rede alsus geschach,
 40 Mariâ Zebedêi sach
 Gegen dem frönen kriuze hin.
 Unt dô si sach ir cœmellin
 Tôten hangen daran,
 Sêre weinen si began
 45 Unt schrei lûte: Wê mir, wê,
 Wê mir armen, iemer mê!
 Min zarter lieber Jêsu,
 Mins herzen trût, wie hangest dû
 Sô reht erbermliche!
 50 Ôwê tugenderiche
 Jêsu, si vil dicke schrê,
 Wie tuot din marter mir sô wê!
 Wê mir, diz mac daz trank wol sin,
 Von dem dû mir, œheia min,
 55 Seitest, daz trinkende wurdist dû.
 Daz hâst dû wæn getrunken nû.
 Ouch scitest dû mir, daz min kint,
 Din din sippeblut sint,
 Wurdin trinkinde sunder wank,
 60 Daz dû getrunken hâst, daz frank
 Unt besitzen êwenkliche
 [199] Alsô dins vater riche.
 Ouch stuont weinende dâ bi
 Mariâ Alphêi
 Unt schrei ze Jêsu unde sprach,
 5 Do si an dem kriuze hangen sach:
 Wê, herre min, sœuzer Jêsu,
 Dur waz sterben woltest dû,
 Ob allen herren hêre,
 Mit sô grözem sêre?

10 Wê mir! Nû weiz ich, daz min kint,
 Diu dine jungere sint,
 Sich mugen nit ergân der nô,
 Si müezin dur dich ligen tût.
 Wan dô dû lebtest, dô wân si
 15 Dir nit selîhen triuwen bi
 Unt minneten dich sô krefteklich,
 Daz wir nit mahten âne dich
 Noch mugent niemer mêre
 Komen von diner lêre.
 20 Dar zuo sint dir diu kint min
 Sô glich, als si din broder sin.

*Diz ist Marthen, Marien Magda-
 lēnen swester, klage, die si hâte
 von Jêsu Kristes tôde.*

Nû stuond ouch bi dem kriuze hêr
 Marthâ weinende sêr
 Unt klagte daz ungemach,
 25 Daz ir gaste geschach,
 Unt sprach mit grözem smerzen
 Sinnes unde herzen
 Unt nit mangem wuof
 Mit wêllichem ruofe:
 [199^b] Wê, wê mir armen, guot Jêsu,
 Bin ich din beroubet nû,
 Herzelieber herre min,
 Mit dem bittern tôde din?
 Ôwê, jâ mag ich unde sol
 35 Iemer mêre klagen wol,
 Daz mins heiles walter
 Min vater unt min behaller
 Min gast, min trôst, mir dirre frist
 So jœmerlich ertœtet ist.
 40 Ô lieber sœuzer herre min,
 Herzen trût, wie bin ich din

Mins heiles zuoversiht entwert?
 Waz hât mir din tût erwert
 Tröstes undo süezekelt
 45 Und ander manger wirdekeit?
 Wê mir, nû sihe ich niemer mê
 Dich in minem hûs, als é,
 Noch kumt niemer mêre mir
 Keiner slahte tröst von dir,
 50 Noch hân mit dir dikeiner slaht
 Ummuoze mê noch ambaht,
 Noch beschowen, ôwê,
 Din süezex anlût niemer mê.
 Nû danke ich, lieber Jêsu, dir
 55 Manges liebes, des dû mir
 Dicke unt dicke hât getân.
 Dâ tiets mich des ritten an
 Und erkihtest den bruoder min
 Mit dem göllichen gwalte din
 60 Unt gæbe dur din triuwo
 Minr swester ir sünden riuwe,
 [200] Unt vergæbe ir die ze stat,
 Dô si dich genâden bat,
 Undo ledigotest si
 Von sîbin tiuveln dâ bi.
 5 Dar zuo ruohtest dû dir zemen
 In minem hûs herbirge nemen,
 Trinken und ezzen bi mir,
 Des ich ze gebne hâte dir.
 Dâ bi ruohtest dû dicke mich
 10 Geschen unt trâsten gûetlich.
 Ôwê nû roubet mich der tût
 Sô grôzes guotes, daz mir bôt
 Dicke Jêsus der herre min!
 Sol ich daz klagende nit sîn?
 15 Ô Jêsu, reiner megde kint,
 Ein wirt, nâch dem min sêlo brînt,

Ô kûnig aller rîche,
 Herre der himlîrîche,
 Ô beste tröst der armen,
 20 Ruoeche dich erbarmen
 Über mich, wan ich nû bin
 Geleget alles tröstes hin,
 Unt gip, daz dîn urstende,
 Die ich geloube, wende
 25 Mir mit frôiden minlu leit,
 Von der dû mir hâtest geseit,
 Daz dû sunder valsches wage
 Woldist erstân am dritten tage
 Unt, swenne daz geschæhe,
 30 Daz ich dich aber sehe.

*Johannes êwangelisten klage an
 Jêsu Kristes tôde. Sanctus Ignâzjus.*

[300^b] Johans êwangeliste,
 Der liep was Jêsu Krite,
 Klagte slnes herren tût,
 Als im sîn triuwe gebôt,
 35 Unt weinde also sêre,
 Daz im von herzen sêre
 Sîn herze nâch gebrochen was.
 Des leides bûrde vuogte daz.
 Wê mir armen, dicke er schrê,
 40 Wê, wê dem tage icmer mê,
 An dem mins lieben herren leben
 Ist dem grimmen tôde ergeben.
 Jêsu, lieber herre min,
 Dur waz lîdest dû disen pln,
 45 Ald dur waz sô bist dû tût
 Einr sô jâmerlîcher nô?
 Ôwê, guoter Jêsu,
 War umbe geschâefe dû
 Den menschen, dô dû wizzist wol,

- 30 Daz dû dur in des tôdes dol
An dich nemen soldest
Unt den tôl liden woldest.
Ôwê, nû ist ervûlet hie,
Swaz dû vor geseitest io.
- 35 Dû seitost uns vor dine nôt
Unt dinen grimmeklichen tôl.
Lieber herre min, Jêsu,
Daz trank hâst dû getrunken nû,
Von dem uns werden sol gegeben
- 40 Din richen unt daz êwige leben.
- [301] Ôwê, lieber herre min,
Wie sol ich mich haltende sin?
Swenne ich dinr sêzen lère
Noch trôst mac haben mêre
- 45 Noch din schone anlûte gesehen,
Sô muoz leide mir geschehen,
Wan dû min vater wære,
Min got und min behaltære,
Min herre und ouch der meister min
- 50 Und ich der liebste junger din
Under din jungern dinen;
Daz lieze dû wol schinen,
Dô mir diner gotheit
Heinlich wart vûrgeleit,
- 55 Wan dû verwandeltost dich
Vor mir unt lieze sehen mich
Die dine gûenliche,
Unt der himilriche
Tougen ouglost dû mir,
- 60 Dô ich daz ôsterlamp mit dir
Des nachtes mit dien andern az
Unde an diner sîten saz
Unt mich nâch minr gelosto
Leinde uf dine bruste,
- 65 Unt dô dû mir nâch minner ger
Zeigtest den verrâter,
Dû wart daz trank mir vûrgeleit
Der himilschen sêzekeit
Unt spistest mich din geschafft
- 70 Mit diner gôtlichen kraft.
- [301] Dû bi lâte dû ze stunt
Mir din gôtlich tougen kunt.
Ouch hâst dû, lieber Jêsu,
An mir der liebi zeichen nû
- 75 Bewâret an dem tôde din,
Daz dû mir die frouwen min
Mariam die vil guoten
Bevelhe miner huoten
Unt gæbe ir zeinem pfleger mich
- 80 Unt zeinem vûrweser vûr dich.
Wê, wie sol ich verwalten
Unde wol behalten
Gotes tempel unt daz vaz,
Dar inne gotes sun was!
- 85 Wie sol ich ungemuoter
Die reinen sêzen muoter
Behalten des behalters min,
Himils und engil kûnigin?
Waz dienstes zuht, waz êren
- 90 Sol ich an die kêren,
Die aller heiligen ze frist
Unt himil und erde frouwe ist?
Ô miltre herre, sêzer got,
Genêdic vater zaller nôt,
- 95 Dû einic trôst unt zuversicht
Der, die trôstes habent niht,
Der sich ie ruohte erbarmen
Ûbir alle die armen,
Erbarm ûber uns armen dich,
100 Ûber din muoter und ûber mich
Unt trêste unser ellende

[202] Mit diner urstende,
Der dū, guoter Jēsu,
Uns hieze beiten, dō dū
Nächste lebende wære,
5 Daz dū mensche gewære
Näch dria tagen uns gesehen
Woldist, daz lāz ouch geschehen.

**Sant Pēters clage des zwelfboten
von Jēsu Krīstes tōde unt von siner
ruowe.**

Dō gemartiert wart Jēsus,
Dō kam ouch Symōn Pētrus,
10 Wan von dien zeichen, sō geschach,
Wart mangem dar ze kōmen gāch.
Dō sunne unt der māne
Ir liehtes wurden āne
Unt dō diu erde erwagte,
15 Dō kam, als ich ē sagte,
Symōn Pētrus aldar
Mit dien andern jungern gar,
Die dur der vorhte sorgen
Biz dar wārn verborgen,
20 Noch dur der Juden vorhte niht
Getorsten kōmen zir gesiht.
Unt dō si gesāhen
Diu zeichen, diu geschāhen,
Dō wart ein klein sterker ir muot,
25 Als von gedinge noch tuot.

Germānus.

Unt dō si ir herren sāhen tōt,
Si klegten klāglich sīn uōt,
[203^b] Ir iēkklicher alleine
Unde alle gemuine.
30 Aber Pēter klegte mē,

Er weinde, er wuofte unde schrē
Mēr, danne di andern tēten,
Swie vil si leides hēten,
Unt sprach ze dem tōten herren sīn:
35 Wē, wē mir, lieber herre mīn,
Mīn sūezer meister, dirre nōt!
Wie versmāhet ist dīn tōt!
Ōwē wer gilt mir nū, daz ich
Beweine vōlleklīche dich ~
40 Unt wūefe unt klage dīne nōt,
Mīn lieber herre, unt dīnen tōt.
Wē, wē mir, Pēter dicke schrē,
Wē, wē mir armen iemer mē!
Waz hān ich gegangen an
45 Ich bāser ungetriuwer man,
Ich armer, ich unreine,
Daz ich mīn herren eino
Liez in der hant der jūdeschen diet,
Daz ich mīch vān liez mit im nielt
50 Waz was, daz an mir worhte
Ie sō bāse vorhte,
Daz mir diu bōsheit ie geschach,
Daz ich triuwe an mīn herren brach!
War umb gestuont ich bāser knabe
55 Ie mīneu herren triuwen abe,
Daz ich mir ie sō sēre ensaz,
Daz ich mīn selbes sō vergaz,
Daz ich des lieben herren mīn
[203] Verlouginge in der nete sīn
Unt dar zuo bōt den mīnen eit.
Daz ist mir hiute und iemer leit,
Wan ich hāte sō frevenlich
60 Gesprochen unt vermezzen mīch
Vār alle die junger sīn,
Ich wolde daz leben mīn
Mit im geben in den tōt

5 Unt bliben bi im ze aller nôt,
 10 Unt vermaz mich ouch dâ bi,
 Wære, daz alle flûhin si,
 Ich wolde in niemer verlân,
 Unt hân ich zage ez doch getân.
 Sus hât min frevil mich geschant,
 15 Als wol ze ougen ist gewant,
 Wan er ist hie erhangen
 Unt bin ich ab gegangen
 In triuwe ich ungetriuwer man
 Unt bin gescheiden von im dan.
 20 Wê, wê mir armen, daz ich
 Ie ald ie geschiet mich
 Von Jêsu dem gote min!
 Dur waz verlougende ich ie sin?
 Er bekande min unstete
 25 Baz, danne ich selber tete.
 Min mugend er bekande baz,
 Danne ich, dô er mir seite, daz
 Ich verlougende wurde sin
 Unt wurde von im flierende hin.
 30 Wê, daz daz an mir ie geschuof
 [303] Eines armen wibes ruof
 Und eins bösen knehtes wort,
 Daz ich mines heiles hort,
 Mins meisters unt des herren min
 35 Verlougende ie solde sin!
 Wê, daz daz ie solde geschehen,
 Daz ich dem lougens solde jehen,
 Umb des gewalt ez alsô stât,
 Daz er mich geschaffen hât!
 40 Ich iemer unsærliger man,
 Daz ich in verlâzen hân,
 Ald waz unsælden mir geriet,
 Daz ich mich ie von im geschiet,
 Daz ich mich nit lîe râhen

45 Mit im unde hâhen,
 Daz ich nit in gescheiden sin
 Mehte von der welte bin,
 In der ich nû mit sêro
 Muoz leben iemer mêre
 50 In mins antlôtes schame
 Unde in laster alsame.
 Dirre schâchman nû ze frist
 Verre sælic vûr mich ist,
 Wan er mit min herren Jêsu
 55 Ist in dem paradlse nû.
 Von dem gelouben daz geschach,
 Daz er ze gote sin verjach,
 Swie er des tôdes erebeit
 Umbe rehte schulde leit.
 60 Des mins herren lougende ich,
 [304] Der alsô genædicklich
 Über den schâcher armen
 Geruohte sich erbarmen,
 Der mir als genædic was,
 65 Daz er mir getrâwete baz,
 Danne allen dien jungern sin,
 Als er wol lie werden schin,
 Wan er mir ze eteslicher stunt
 Tet sin heinlichî kunt.
 70 Nû bin ich an der dûrftê zil
 Vunden ungetriuwer vil,
 Danne di andern alle samen.
 Des muoz ich mich lemer schamen,
 Wan der wære friunt ze nôt
 75 Ie friunde triuwe unt hilfe bôt.
 Nû bin ân triuwe ich vunden
 An der dûrftê stunden,
 Dâ von ich des unwirdie bin,
 Daz ich sehe die urstende sin,
 80 Wan ich sin min loughen bôt,

Dô er was in des tôdes nôt.

Unt dâ von sô getar ich niht

Komen mê ze sinr angesiht,

Den ich als ungetrûlich lie,

25 Dô man in âf daz leben vie,

Unt doch, swanne der erbermde sin

Gedenken wil daz herze min,

So getrûwe ich sinr genâde wol,

Der menlich wol getrûwen sol,

30 Daz er erbarmer gnâdeklich

Sich welle erbarmen über mich,

[204^b] Der mich, dô er mir ûfstiez,

Des himilriches slûzzel hiez

Vergeben unde erbermic sin.

35 Ze mir sô sprach der herre min:

Dû solt dem sûnder mê vergeben,

Swie sündig iemer si sin leben,

Danne sibentunst sibenzicstunt,

Swenne er ûf gnâde dich ankunt.

40 Unt dâ von sô dinge ich,

Daz niemer sin erbermde mich

Riuwigen armen welle lân,

Sit ich gedinge zuo zim hân.

Ô Jêsu, lieber herre min,

45 Gedenke an wir der marter din

Unt vergip die schulde mir,

Die ich verschult hân gegen dir

Unt ruoche mich riuwigen man

Wider genâdeklich enpfan

50 In dine hulde, herre min,

Daz ich dich sehende sül sin

[205] An der stunde und an der frist,

Sô dû vom tôde erstanden bist

Und ich besitze mit dir

Daz rîche, daz du gehieze mir.

*Von dien zeichen, diu in aller der
welte geschâhen an Jêsu Krites
tôde.*

6 In erbeit al diu welt bekam,

Dô gotes sun sin ende nam;

Daz erste zeichen.

Wan al daz ertriche

Erweget wart geliche

Unt geschach dar under

10 Manic grôzez wunder,

Als diu natûre erzeigte wol

An gotes ir schœpferes dol;

Daz ander zeichen.

Wan des sunnen licht verdarp

Dur al die welt, dô got erstarp,

15 Unt wart der mâne bluotes rôt,

Als si mit lîten gotes tôt,

Wan dur die welt ze der selben vart

Ein vil sterkiu vinster wart.

Die liehten sternen ûberal

20 Wurden bleich unde val.

Daz dritte zeichen.

An der stunde, dô got erstarp

Und an dem kriuze verdarp,

[205^b] Von dirre meinen sünde

Wart offen manig abgrûnde

25 Unde viel der berge vil

Unt spielt der steine âne zil.

Daz vierte zeichen.

Des tempils umbehanc zerbrach,

Dar zuo man emplezet sach

An dirre stunt sunder getwinc

30 Des tabernackels inriu dine.

Daz vünfte zeichen.

Dar zuo daz tempil oben gar
Zerspielt unt brach ouch der altar,
Der dien opfern was bezalt,
Unt wart uf den hert gevalt.

Daz sechste zeichen.

- 35 In dem tempil bi der vart
Ein stimme ouch gehöret wart,
Diu sprach: Wir suln lán díz hús
Unde sulen varn dar úz
Unt lázen díse stúele sin
40 Unde entwichen von in.

**Daz sibende zeichen. Glossá úber
daz évangéljum unt daz mære
buoch der zúhte.**

- Die greber wurden úf getán
Unt sach man tóten dar úz gán
In die heiligen stat,
Diu Jérusalém namen hát,
45 Und ougten sich ir kunden dá
Unde beliben dar ná
[206] Lebende eteslichiu jár
Unt starben aber dó vür wár.
Ir etslich vuoren under in
Inz irdinsch paradise hin
5 Unt twalten dá fræliche,
Biz si ze himilriche
Mit gotes kinde also zart
Vuoren an der úffart.

**Daz ahtode zeichen. Orósjus
schreip sanctó Augustinó.**

- An gotes marterstunde
10 Wurden zerstört von grunde

Manic castel unde stat,
Só wilt diu welt ergriffen hát.
In Ásyá dem lande wilt
Vünf stete vielen bi der zit.

Daz niunde zeichen.

- 15 Manger hande stimme gröz,
Dó got erstarp, diu helle erdöz,
Wan siner kunft fröiten sich gar
Der altveter gevangen schar,
Unt wart von in ein frælich schol
20 Dur die hellen úberal,
Wan si wol erkanden,
Daz si von ir banden
Solden werden erlóst
Unt káme ir herre unde ir tröst.
25 Unt wan si daz wisten wol,
Dó wáren si der fröiden wol
[206b] Unde fröiten alle gelich
Manger hande fröide sich
Unt beiteten des herren ir
30 Mit hügehafter fröiden gir.

Daz zehende zeichen.

An dem himel só sach man
Vor Kristes tóde ein sternen stán,
Der ist cométá genant,
Der nâch sin tóde sá verswant.

Daz einlift zeichen.

- 35 Dien Juden einer hande site
Wonte bi der zíte mite,
Daz si nâch ir geslehte zal
Zwelf hübsche vanen úberal
Wol gezieret úz der aht,
40 Die si hátén gemacht,

Als siz zir höchgezite tagen
 Umb den tempel solden tragen
 Mit sange sunder twälen
 Ze vünf unt sibin mälē
 45 Und an der selben stunden,
 Dô Jêsus stuont gebunden
 Vor dem rihter Pylâtô
 Unde ergangen was alsô,
 Daz Jêsus daz erwelte vâz
 50 Mit geisiln geslagen was,
 Dô truogen si die selben vsn
 Umb, als ich gesagit hân,
 [207] Unt dô si kâmen dar engegen,
 Dâ Jêsus stuont der himildegē,
 Dô neigten sich gegen im die van,
 Unt mahten daz nit understân
 5 Die trager, die si truogen.
 Die Judē ungevuoogen
 Strâften dar umbe si
 Unde frâgten dâ bi,
 Dar waz si daz tæten,
 10 Dez si nit vaste hætē.
 Si sprachen: Zwäre, wir des jeben,
 Ez ist âne unsin dank geschehen,
 Die vanen selbe ez tåten,
 Swie sêr wir widerhåten.
 15 Nû hiezēns ander sterker man
 An dirre stat tragen die van,
 Dien daz selbe geschach,
 Daz ez al diu diet sâch,
 Des die êwarten sunder
 20 Nam vil michel wunder
 Unt wurden beswæret gar
 Unt staltē aber sterker dar
 Unt gebuten dien dâ bi,
 Daz vast die vanen hêtē si

25 Ôfreht âne senken,
 Daz si nit mehtin wenken.
 Die vanen bugen sich, als ê,
 Unde weiz got vaster mê,
 Wan die si truogen mit in sigen,
 30 Dem geliche, sam si nigen.

[207^b] *Daz zwelfte zeichen.*

Der rok âne næte,
 Den Jêsus an im hæte,
 Den im sin muoter angeleit
 Hâte in siner kintheit,
 25 Der mit im, als ich ez las,
 Alles wahsinde was
 Noch dem daz alter umb ein hâr
 An siner gûete nie gewar,
 Den ein ritter gewan
 40 Mit spile, als wir vernomen hân
 Von der êwangelisten sage,
 Unt dô der ritter zeinem tage
 Hâte den selben rok an
 Unt vûr Pylâtum kam gegân,
 45 Pylâtus stuont ôf gegen im sâ
 Erschrocken unde neig im dâ.
 Daz selbe tåten alle die,
 Zuo dien er mit dem rocke gie,
 Si stuonden ôf geliche
 50 Unt nigen im zuhtekliche.
 Nû wart der selbe rok zehant
 Dem rœmschen keiser gesant,
 Unt swelr gebûrte was der man,
 Der den rok vor dem keiser an
 55 Sinen lip dô leitē,
 Gegen dem stuont ôf gereite
 Der keiser unde neigte sich
 Zuo sinen vâezen zûhteklich.

Daz drizehende zeichen.

- Tyrus einr hande slangen
[208] Wart bi der zit gevangen
Unde ertötet, dô Jêsus,
Den man nemmet Christus,
Wart an daz kriuze erhangen.
5 Nû hienc man ouch den slangen
Bi dem kriuze an einen stan.
Daz wart ze laster getân
Unt zeiner sander smachheit
Dem, der dur uns die marter leit.
10 Unde als schier, dô diz geschach,
Des wurmskûnnes natûre brach,
Und als übil si wâren ê,
Hie nâch si bezzer wurden mê,
Unt wart bekêret allez daz
15 In guot, swaz übils an in was,
Wan si wâren wirsir mê
Vil, danne ander slangen ê,
Unt von Kristes marterzit
Wâr die slangen ie sit
20 Der kraft unt der natûre,
Daz kein gift ist sô sûre,
Noch als unreine dâ bi,
Dirre wurn vertribe si.
Unt swem geschat kein eiter hât,
25 Den genert er ûf der stat.

Daz vierzehende zeichen.

- Der zit, dô Jêsus erstarp,
Der boun in orient verdarp,
Der sunnen unt des mânen was
Unt dâ bi der tiuvel vaz,
[208b] Sô daz si drûz die liute trugen
Mit vil manger hande lügen.

Daz vünfzehende zeichen.

- Dô Jêsu der tût angeschach,
In der welte man dô sach
Regnen bluot an manger stat,
35 Als ezlich buoch gesaget hât.

Daz sechzehende zeichen.

- Ouch sach man bi dien selben tagen,
Dô Christus wart ze tôde erslagen,
In vil mangem lande
Der liute gewande
40 Ein rôtez kriuze haften an
Und ouch an ir stirnen stân,
Daz uns vûr ein wârheit
Die alten lêrer hânt geseit.

Daz sibenzehendest zeichen.

- Ob Jêrusalêm sach man
45 Ein jâr ein vinrin kriuze stân,
Daz geschaffen was alsô:
Dien obern drin teilen gezô
Diu forme eins kriuzes überal,
Und als ein swert was ez ze tal
50 Geschaffen alles dinges gar
Wol geliffen unde bar.

Daz ahtzehendest zeichen.

- Die êwarten ein junge kuo,
Des tempils opfer triben zuo,
Unt dô si was ûf dirre vart,
55 Ein lamp von ir erworfen wart,
[209] Wiz unt grôz ze mâze
Nâch rechter gelâze.
Diz wunder Offenlich geschach,
Daz diu diet ez elliu sach.

*Dô Centurjô unt die ritter diu
zeichen gesâhen, diu geschâhen, si
sprâchen, daz Jêsus wære goates sun.*

5 Die ritter unt der centurjô
Die Jêsu Kristes huoten dô,
Dô si diu zeichen sâhen,
Si lobten got unt sprâchen:
Dirre was gewârliche
10 Gotes sun von himilriche.

*Daz man dien schâcheren diu bein
zerbrach, unt von dem rittere, der
Jêsu dur sin siten stach ein sper.*

Daz man der schâchmanne bein
Am kriuze brache ze teilen zwein,
Gebuten die Juden dô
Unt vurderton ir ende alsô.
15 Unt hie nâch, dô diz geschach
Unt man Jêsum tôten sach,
Wan brach im nit sinu bein.
Doch gienc dar der ritter ein
Unt stach im dur sin site
20 Eine wunden wite
Mit einem sper, daz im daz bluot
Unt wazzer von der siten wuot
[209^b] Unt doch iedweders sunderbâr,
Daz einz ze dem andern sich nit wâr.

Daz niunzehendeste zeichen.

25 Nû was dem ritter, der in stach,
Ein ouge blint, daz ander sach
Ein vil wunderkleine.
Nû kam daz bluot vil reine
Im an sin ougen von geschicht
30 Unt tet sin blintheit inwilt,

Sô daz er gesach als wol,
Als ieman beste gesehen sol,
Unt vieng an von der slunde hin
Kristenes gelouben sin,
35 Unt geloubte vûr daz,
Daz Jêsus goates sun was.

*Daz Jôseph unt Nichodêmus Jêsu
Kristes lip wunden in ein tuoch,
daz wiz was unt reine, dô er ge-
nomen wart ab dem frônen kriuze.*

Ein edil man, Jôseph genant,
Gienc zuo Pylâtô zehant,
Dô Jêsus verscheiden was,
40 Unt bat in flizekliche, daz
Er im gæbe Jêsu lip.
Des hâte er keinen widerkip,
Unt nam in wunder sêre,
Ob er tôt icze wære.
45 Jôseph wart der gæbe frô
Unde gienc ze dem kriuze dô
Unde nam Jêsum dar abe.
Er hâte kouft von siner habe
[210] Ein linin wiz tuoch niuwe.
Nichodêmus der getriuwe
Kam ouch mit Jôsebe dar
Mit einr edilm salben gar
5 Von mirren und alôé gemacht,
Guot unt heilsam ûz der aht,
Unt strichen mit der salben
Kristes lip allenthalben,
Unt wart hie nâch ze stunden
10 In daz tuoch gewunden,
Von dem ich ê hân geseit
Nâch der Judon gewonheit.

*Der magt Marien klage, dō Jēsus
ir kint genomen wart ab dem
kriuze.*

Dō diu magt ir kint gesach
Vom kriuze nemen, ir ungemach
15 Gesenftert wart ein kleine,
Weinent stuond ūf diu reine,
Als si dō mahte, unt wolde hān
Gehulfen, unde bōt hin dan

Germānus.

Hende und arme beide
20 Gegen ir ougenweide,
Unt half mit aller ahte,
Swes si gehelfen mahte.
Nū was daz kriuze der māze hōch,
Daz sich ūf vūnfzēn vūeze zōch,
25 Unt muoste manz von stete wegen
Unt nider zuo der erden legen,
[210] Unt nāmen dō den lip her dan,
Dō man die nāgil ūz gewan.
Dō diz diu magt sin muoter sach,
30 Ir herze leit grōz ungemach,
Unt viel si reiniu sūeziu magt,
Als si von leide was verzagt,
Ūf ir tōtez kint hin nider.
Unt dō si kam ze sinne wider,
35 Dō weinde si vil sēre
Unt kuste noch mēre
Jēsus ir lieben Kindes munt,
Danne zehenhundert stunt.
Si kuste im ouch daz houbet sin,
40 Daz diu krōne dūrnin
Verwundet hāte sō gar,
Daz er was alles blutvor,
Stirnen, hīufel, ougen, brā,

Nasen, ōren, hie unt dā,
45 Wangen unt sin kinne
Kuste im diu küniginne,
Die spōichel, bloot, manic trehins gar
Gehēnet hāten vil gar,
Unde erweinde bitterlich
50 Sunder ob ieclichem sich,
Ouch kuste si die hende sin,
Die die nāgil isinin
Hātēn jāmērlīch durgraben
Ir vil herzelieben knaben.

[211] Sin geswullen absilbein,
Daz von dien geiselslegen schein
Zerschrepfet sēre unde wunt,
Kuste si ze manger stunt.
55 Sin arme unt sin bruste
Si dicke unt dicke kuste,
Wan er was ir alse zart,
Als ie kint einer muoter wart.
Si kuste im ouch der lānzen stich
10 Der siten sin vil gūtelich.
Sin rucke, der zerschrepfet was
Von slegen unt von bluote naz,
Unt sin durporten vūeze
Kuste diu vil sūeze.
15 Mit mangem trehen, den si lie,
Vienc si sin bein und ouch sin knie,
Unt truhle si gūtelich an sich.
Ieclich sinr wunden sunderlich
Ervāhte mit ir trāhenen si
20 Unt weinde bitterlich dā bi
Ob ieclichem slage sunderbār.
Aber und aber viel si dar
Heize weinende ūber in
Unt nam houbt unt die kelen sin
25 Unt truhle si gūtelich an ir brust

Unt sprach weinende alsust:
 Wè, wè mir, einic kint min,
 Wè mir der armen muoter din!
 Wie bin ich din verweistet nà?
 30 Ôwè, min liebez kint Jèsu,
 [211^b] Zwiu wurde dû von mir geborn,
 Dô dû din marter wistest vorn?
 Ald wes mahte dich lusten,
 Daz dû süge mine brusten,
 35 Dô dû vor wistest dise nôt
 Unt dinen schamelichen tôt?
 Sus lac des himels künigin
 Ôf dem töten libe sin
 Unt hiels in in der abte,
 40 Daz si kûme ieman mahte
 Mit keiner slahte dingen
 Von ir kinde bringen,
 Unt sprach si jâmersriche
 Vil erdermekliche:
 45 Ô geminnetez kint min,
 Gip mir der armen muoter din,
 Daz ich ersterbe ze frist,
 Als dû, trät kint, ertötet bist!

*Daz Jèsus lip ze dem grabe wart
 getragen unt diu magt Mariä unt
 die junger weinende mite giengen.*

Dô von dem kriuze wart Jèsus
 50 Genomen, Nichodèmus
 Unt Jòseph die wunden in
 In ein wiz tuoch linin
 Mit aromäten wol bereit
 Nâch der Juden gewonheit.
 55 Mit grözer clage truogen si in
Der ewangêljen buoch.
 Dâ bi in einen garten hin,

In dem gelegen was ein stein,
 [212] Der erholet was ein klein.
 In dem hol, des der garte was,
 Hâte geschicket, daz
 Ein grap gehowen was dar in,
 5 Dar inne er nâch dem tôde sin
 Ligen selber wolde.
 Dis zwêne gotes holde,
 Nichodèmus unt Centurjô,
 Kouften daz selbe grap dô
 10 Unt leiten Kristes lip dar in,
 Als si in begrabende wolden sin.
 Sin muoter folgte im mite
 Mit klagelichem site,
 Dur daz si gesæhe,
 15 Waz ir kinde geschæhe,
 Und als si sehen wolde,
 Wâ man in legen solde.
 Ouch gienc mit ir bi dem zil
 Weinender frowen vil,
 20 Die allesamt ze wæren
 Jèsus tût clagende wæren.
 Ouch folgten in in jâmers site
 Die einlif junger alle mite
 Unt bewenden die nôt
 25 Marien unde ir herren tût.
 Ouch was dâ bi dem selben zil
 Der zwei unt sibinzie junger vil,
 Von dien ir meisters tût beklagt
 Wart unt daz herzeleit der magt.
 30 Si weinden alle geliche
 [212^b] Also bitterliche
 Mit Marien Kristes tût,
 Daz sô klagelichiu nôt
 Wart an keiner stat nie mæ
 35 Vernomen weder sit noch è,

Unt kämen mit der ungehabe,
Als geseit ist, zuo dem grabe.

*Daz Jêsus lip begraben wart unt
daz grap mit eim grôzen steine
beslozen wart. Der êwângeljen
buoch unt diu glosse dar uber.*

¶ Inz grap si leiten Jêsus lip,
Daz ez sach man undo wip,
40 Unt leiten ûf daz grab ein
Ungevûcgen grôzen stein,
Den man zeichende vil wol
Mit wâren zeichen, als man sol
Ein dinc zeichnen, daran
45 Man keinen zwivel wil hân.
Disiu zeichen tâten
Die Juden, wan si hâten
Vorhte, daz die junger sin
Vom grabe wurden stelende in,
50 Unt santen dar umbe dar
Ir boten, die versæhen gar
Mit wâren zeichen, daz nieman
In stelen môhte von dan,
Unt wurden dur gewarheit
55 Dâ von diu zeichen geleit.
Unt do diu begrebdë vollebrâht
Wart, els manz hâte gedâht,
Dô nâmen si mit sêre
[213] Alle die widerkêre.

*Daz Johannes êwangelistâ Mariam
mit im hein vuorte in sin hûs.
Sanctus Epiphânjus.*

Johannes êwangelist
Nam die maget an der frist
In sin gewalt unt sine pflege,

5 Als er si hân wolte allewege,
Unt vuorte die kûnigin
In die herbirge sin.
Diu magt weinde eht alles an,
Si kunde getræsten nieman.

*Daz Pylâtus dien Juden verhangte,
daz si des graves huoten.*

10 Dô von dem rîhter wart verlân
Dien Juden urlop, ob si hân
Des graves huote wolden,
Daz si daz tuon solden,

Von dem êwângeljô.

Iesâ si nâch ir muote
15 Sasten starke huote
Dem grabe unz an den dritten tac,
Dâ Jêsus Christus inne lac,
Unt huoten, der diu huote was,
Tag unde naht âne underlâz.

*Daz Jêsus Kristes geist ze der
helle vuor unt dannan lidigote der
altveter sêle, unt daz der lip in
dem grabe beleip.*

20 Dô Jêsus lip lag in dem grabe,
Sin heilic sêle vuor hin abe
[213^b] Ze der helle unt lôte dannan gur
Der heiligen altveter schar
Und ander sêlen mit in,
25 Die sins willen wâren gesîn.

*Daz diu gottheit sich von Jêsu libe
in dem grabe noch von siner sêle
verender ze der helle nie geschiet,
unt wart dâ von Jêsus nie âne
daz leben.*

¶ Metwederthalp diu gottheit

Ganz beleip äne underscheit
Bi Jësus libe in dem grabe,
Noch entet der sêle sich abe
20 Verender ze der helle,
Sin ware ir geselle.
Alsus dem libe gegeben
Alsô tôtem daz leben
Unt beleip der sêle der haft
30 Der götlichen maginkraft.
Sus hâte lip unt der geist
Des wâren lebens volleist.

*Von der fröide der heiligen veter,
die si hâten in der helle, dô Jësus
zuo zin kam unt si lœsen wolde.
Evangeljum Nichodêmi.*

Dô Jësus zuo der helle kam,
Dem tiuvel sinen gwalt er nam
40 Unde leite im an ze hant
Sins götlichen gewaltes bant
Unde brach die helle sâ
[214] Unt nam die heiligen sêlen dâ,
Der eteslichiu dâ vûr wâr
Gevangen was vil manic jar,
Der wissagen sêlen die
5 Unt der altveter die hie
Unt der patriarchen,
Die in der hellen archen
Gevangen wân, sâhn den fromen
Jësum Cristum zuo zin komen,
10 Unt dâ bi sâhen Sathân

Vor in sêr gebunden stân.
Si fröiten von herzen sich
Alle sament gelich
Unt huoben an ze stunde
15 Diz lop mit einem munde:
Ô dû, des wir begerten ie,
Bist uns ze tröste komen hie,
Der sterbende mit dem bluote dîn
Ertötet hâst des tôdes pin
20 Unt hâst alsô, dâ unsir tröst,
Uns von der vinstern helle erlöst,
Die dîn lange hein gebiten
Unt beitende mange nôt erliten,
Wan wir wisten unt seitenz vorn,
25 Daz dû soldist werden geborn
Got unt mensche gewære
Der welte behaltære.
Unt hie nâch, dô daz geschach,
Daz got die helle gebrach
30 Unt den tiuvel gebant,
Er nam sin friunde ze hant,
Die in der helle getwange
Gelegen wâren lange,
[214^b] Unt was selbe ir wise
35 Hin in daz paradise,
Unde hiez si dâ sin,
Biz vierzic tage kâmin hin;
Sô wolde er ze himel varn
Unt si danne alsô bewarn,
40 Daz si mit im frœliche
Vûerin hin ze himilriche.

Princeton University Library



32101 068185865

This Book is Due

